

Sinar Ahad

MEMBINA PERSPEKTIF
Akbar Arus Perdana Paling Diyakini



Ibu hamil 9 bulan maut dalam nahas, bayi terkeluar dari kandungan

27

JABATAN PERDANA MENTERI
JABATAN PERANGKAAN MALAYSIA
HIES BA

SURVEI PENDAPATAN, PERBELANJAAN ISI RUMAH DAN KEMUDAHAN ASAS
"Statistik Nadi Kehidupan"
JANUARI - DISEMBER 2022

QR codes and social media icons.



AHAD | 20 FEBRUARI 2022 | 18 REJAB 1443H | BIL: 102 | PP19559/01/2020 (035173) SH sinarharian.com.my SinarOnline f SinarHarian d SinarHarian @sinarharian RM1.60

PENERIMA ANUGERAH KAJAI 2021
ANUGERAH TERTINGGI KEWARTAWANAN MALAYSIA

PENERIMA ANUGERAH EMAS
KATEGORI KEWARTAWANAN PENYIASATAN CEMERLANG 2021



LAPORAN KHAS



SELAMATKAN SELADANG

- Seladang iaitu spesies lembu liar yang terdapat di Semenanjung Malaysia akan pupus sepenuhnya sama seperti nasib badak sumbu Sumatera jika tiada usaha bersungguh-sungguh dilakukan untuk menyelamatkannya.
- Populasi seladang liar kini dianggarkan sekitar beberapa ratus ekor sahaja akibat kehilangan habitat dan pemburuan haram.
- Kerajaan, pengurus kawasan perlindungan dan organisasi pemuliharaan serta badan bukan kerajaan kini berganding bahu untuk menjayakan program Pemuliharaan Seladang di Taman Negeri Royal Belum, Perak dan kawasan hutan berhampiran.
- Kaedah utama yang digunakan adalah memasang perangkap kamera bagi mendapatkan maklumat demografi populasi seladang, melakukan pemetaan serta analisis DNA yang diperoleh melalui najis haiwan tersebut.

MUKA 2 & 3

JAMINKERJA TURUNKAN KADAR PENGANGGURAN

INISIATIF JaminKerja Keluarga Malaysia menyediakan 600,000 peluang pekerjaan pada tahun ini dengan peruntukan RM4.8 bilion bertujuan menurunkan kadar pengangguran.

Berucap dalam Pelancaran Karnival Jamin Kerja Keluarga Malaysia 2022 di Pusat Konvensyen Kuala Lumpur pada Sabtu, Perdana Menteri, Datuk Seri Ismail Sabri Yaakob memberitahu usaha itu merangkumi tiga program utama iaitu Insentif Penggajian; Inisiatif Latihan dan Penempatan Jangka Pendek (MySTEP); dan Program Latihan dan Peningkatan Kemahiran (Upskill Malaysia).



4

RM1.7 bilion untuk MySTEP, cipta 80,000 peluang kerja

KEMENTERIAN Kewangan memperuntukkan sebanyak RM1.7 bilion bagi program Inisiatif Latihan dan Penempatan Jangka Pendek (MySTEP) 2022 dengan sasaran 80,000 peluang kerja pada tahun ini.

Menterinya, Tengku Datuk Seri Zafrul Tengku Abdul Aziz berkata, pekerjaan itu boleh dimohon secara dalam talian di <http://www.mystep.mof.gov.my>.

Pada 2021, kerajaan berjaya menempatkan 63,221 graduan dengan 66 peratus ditempatkan di pelbagai kementerian dan agensi kerajaan manakala 34 peratus lagi di syarikat berkaitan kerajaan (GLC).

5



Kerajaan dan NGO hidupan liar kini berganding bahu selamatkan haiwan ikonik Malaysia ini daripada terus terancam

Oleh ROZAID RAHMAN

SHAH ALAM

Seladang - spesies lembu liar yang terdapat di Semenanjung Malaysia akan berakhir sepelemanasib badak sumbu Sumatera iaitu pupus sepenuhnya jika tiada usaha yang serius dilakukan untuk menyelamatkannya.

Spesies ini kini berada dalam keadaan yang terancam iaitu hanya selangkah di belakang harimau Malaya yang dikategorikan sebagai amat terancam.

Para pakar hidupan liar tempatan menegaskan, seratus tahun yang lalu, seladang boleh dijumpai di lembah-lembah sungai di seluruh Semenanjung Malaysia.

Rizab Hidupan Liar Krau di Pahang yang diwujudkan pada tahun 1923 misalnya adalah bertujuan untuk memulihara spesies yang menakjubkan ini.

Kawasan ini dipilih kerana terdapat banyak seladang.

Kajian menunjukkan pada tahun 1938, seladang adalah haiwan liar yang begitu biasa dijumpai sehingga pengurus ladang kelapa sawit di Tekal, iaitu kira-kira 7 kilometer dari Rizab Krau, memasang pagar elektrik untuk mengelakkan sejadang daripada memasuki ladangnya.

Malang sekali, hari ini, tiada lagi sejadang liar yang dapat dikesan di Krau atau di mana-mana kawasan berhampiran dengannya.

Bagaimanapun, masih terdapat se-



ABDUL KADIR



kumpulan kecil seladang yang ditempatkan di Pusat Konservasi Hidupan Liar Jenderak Selatan yang terletak di pinggir Rizab Hidupan Liar Krau yang diuruskan oleh Jabatan Perlindungan Hidupan Liar dan Taman Negara (Perhilitan).

Namun secara realitinya, seladang liar sudah tidak ditemui lagi.

“Jumlah seladang liar kini dianggarkan sekitar beberapa ratus ekor sahaja. Ia hanya boleh dijumpai di kawasan utara Semenanjung Malaysia dalam beberapa kelompok kecil yang terpisah dan tidak dapat bertemu untuk membiak,” Ketua Pengarah Perhilitan, Datuk Abdul Kadir Abu Hashim dipetik sebagai berkata.

Menurut beliau, pengurangan populasi selama berabad-abad ini adalah akibat daripada kehilangan habitat dan pemburuan haram.

Alasan pemburu bahawa seladang hanyalah lembu liar mungkin menyumbang kepada kemasuhan spesies ini.

Namun ia bukan sekadar seekor lembu. Ia adalah sebahagian daripada warisan semula jadi negara sebelum lembu liar ditanam.

Kini, terdapat kebimbangan bahawa populasi kecil seladang liar yang masih wujud, mungkin akan pupus sama sekali.

Jika tindakan yang sewajarnya untuk memulihara spesies ini tidak diambil, Malaysia berisiko untuk kehilangan spesies hidupan liar asal yang kedua terbesar selepas gajah Asia.

Bagaimanapun, masih terdapat se-

Seladang bakal senasib badak sumbu Sumatera



Kerja-kerja mengutip sampel najis seladang di Hulu Perak.



Spesies hidupan terancam di Malaysia

HARIMAU MALAYA

- Harimau Malaya (*Panthera tigris jacksoni*) merupakan salah satu subspecies harimau belang yang masih wujud di dunia dan hanya terdapat di Semenanjung Malaysia. Daripada sembilan subspecies harimau belang di dunia, tiga daripadanya telah diisytiharkan pupus.

SELADANG

- Seladang atau nama saintifiknya, *Bos gaurus* merupakan mamalia darat kedua terbesar di Malaysia selepas gajah.

GAJAH PIGMI

- Gajah pigmi Borneo juga dikenali dengan panggilan gajah kerdil Borneo atau nama saintifiknya *Elephas maximus borneensis*. Ia merupakan sub spesies terkecil di dunia dan boleh ditemui di timur Sabah dan utara Kalimantan.

PENYU

- Spesies reptilia laut ini terancam akibat perbuatan rakus manusia termasuk terkena kipas bot, tersangkut pada pukat nelayan dan termakan plastik.

TAPIR

- Tapir atau *Tapirus indicus* mempunyai warna fizikal luar hitam dan putih. Fungsi haiwan yang mendiami pelbagai habitat ini adalah penting sebagai penyebar biji benih di dalam ekosistem hutan tropika. Anggaran minimum populasi tapir di seluruh Semenanjung Malaysia adalah antara 1,100 hingga 1,500 ekor.

TENGGILING

- Tenggiling atau *Manis javanica* adalah haiwan yang sering dirampas daripada urus niaga haram hidupan liar di Asia dan kini diambang kepupusan.

DUGONG

- Mamalia ini dilaporkan hanya tinggal 100 ekor di perairan Malaysia pada 2016. Hakikatnya, bilangan populasi mamalia akuatik itu amat sedikit dengan kebanyakannya didapati di perairan negeri Johor, Sarawak dan Sabah. Dianggarkan hanya tinggal 40 hingga 50 ekor di Johor, manakala 20 hingga 30 ekor di Sabah dan Sarawak.

SIAMANG

- Siamang merupakan ungka terbesar dalam famili *Hylobatidae*. Lengannya yang panjang digunakan untuk bergayut di dahan-dahan pokok.

BERUANG MATAHARI

- Beruang matahari merupakan spesies beruang terkecil di dunia yang mendiami kawasan hutan tropika di Asia Tenggara iaitu Semenanjung Malaysia, Myanmar, Thailand, Laos, Indonesia (Sumatera) dan Borneo. Saiz badan beruang matahari sepanjang 100 hingga 140 sentimeter menjadikannya spesies terkecil dalam keluarga beruang.

Sumber: Perhilitan dan Tabung Hidupan Liar Sedunia (WWF)

JADUAL WAKTU SOLAT					
	SUBUH	SYURUK	ZUHUR	ASAR	MAGHRIB
PERLIS	6:25	7:34	1:35	4:53	7:32
ALOR SETAR	6:25	7:32	1:35	4:53	7:32
PULAU PINANG	6:24	7:31	1:35	4:53	7:33
IPOH	6:21	7:28	1:32	4:50	7:31
KOTA BHARU	6:17	7:27	1:27	4:46	7:25
KUALA TERENGGANU	6:13	7:22	1:23	4:42	7:22
KUANTAN	6:12	7:21	1:24	4:42	7:24
KUALA LUMPUR • PUTRAJAYA	6:18	7:25	1:30	4:47	7:29
SHAH ALAM	6:18	7:25	1:30	4:47	7:29
SEREMBAN	6:16	7:25	1:28	4:45	7:28
BANDAR MELAKA	6:15	7:24	1:27	4:44	7:28
JOHOR BAHRU	6:08	7:17	1:21	4:38	7:22
					8:42
					8:42
					8:43
					8:31
					8:32
					8:39
					8:38
					8:38
					8:32

• PENGURUSI, PENGARAH URUSAN DAN PENERBIT: DATO' (DR) HUSSAMUDDIN HJ YAACUB

• KETUA PEGAWAI EKSEKUTIF GROUP SINAR KARANGKRAF: FARAH HUSSAMUDDIN • KETUA PENGARAH KUMPULAN/KETUA PEGAWAI PENGISIAN: ROZAID RAHMAN

• PENGARAH EKSEKUTIF (DIGITAL): RUZY ADILA IDRIS • PENGARAH BERITA: ZAMRI RAMBLI, JUNHAIRI ALYASA

• TIMBALAN PENGARAH BERITA: ONG BOON TECK, BADRULDIN ZAKARIA, ZUKI PILEH • KETUA JABATAN IKLAN: AIROL FADLEY LIMIN • PENGARAH KREATIF KANAN: NORAZLAN ISMAIL

• Diterbitkan oleh Sinar Karangkraf Sdn Bhd, No.3, Jln Renggam 15/5, Seksyen 15, 40200 Shah Alam, Selangor Darul Ehsan. Tel: 03-51017388 Faks: 03-51017333 • Dicetak oleh Ultimate Print Sdn.Bhd., Lot 2, Jln Sepana 15/3, Off Persiaran Selangor, Seksyen 15, 40200 Shah Alam, Selangor Darul Ehsan. Tel: 03-51013888 Faks: 0351013301 • Tel: 03-51017480 (Unit Langganan Karangkraf Mall) • E-mel: editorsh@sinarharian.com.my

Program bermula November lalu pastikan kelangsungan hidup seladang di Semenanjung

Oleh ROZAID RAHMAN

SHAH ALAM

Menyedari seladang liar kini berada di ambang kepupusan, kerajaan, pengurusan kawasan perlindungan dan organisasi pemuliharaan, serta badan bukan kerajaan yang lain telah berganding bahu untuk memulakan program Pemuliharaan Seladang di Taman Negeri Royal Belum, Perak dan kawasan hutan berhampiran.

Melalui kajian dan pemantauan, projek dua tahun ini yang bermula pada November tahun lalu bertujuan memastikan kelangsungan hidup seladang di Semenanjung Malaysia untuk jangka masa panjang.

“Taman Negeri Royal Belum menyokong inisiatif ini sepenuhnya,” kata Pengarah Perbadanan Taman Negeri Perak, Mohamed Shah Redza Hussein.


“Kita sedia maklum bahawa populasi seladang liar semakin berkurangan dan tidak banyak kumpulan seladang yang masih wujud.

“Kita juga tahu bahawa terdapat beberapa kumpulan kecil seladang di Royal Belum dan di kawasan hutan berdekatan.

“Kewujudan kumpulan-kumpulan kecil ini telah direkodkan sejak lebih satu dekad yang lalu. Tetapi kita juga perlu mengetahui dengan lebih lanjut tentang faktor-faktor yang mengehadkan bilangan dan penggunaan habitat oleh seladang.

“Ini penting supaya langkah-langkah strategik dapat diambil untuk mengekalkan dan seterusnya meningkatkan populasi spesies ini,” ujarnya lagi.

Pelaksanaan program ini di kawasan Taman Negeri akan menjadi lebih berkesan dari aspek sumber tenaga kerja dan logistik, serta kesinambungan program



SHAH
REDZA

Program pemuliharaan seladang di Royal Belum

Info seladang

- Seladang di Semenanjung Malaysia dan Thailand ialah subspesies *Bos Gaurus hubbacki*
- Di Semenanjung Malaysia, ia boleh ditemui di Kelantan, Kedah, Perak dan Terengganu
- Bos Gaurus turut boleh dijumpai di Bangladesh, Kemboja, China dan India
- Di habitat asal, pembiakan spesies ini berlaku sepanjang tahun walaupun terdapat tempoh kemuncak iaitu antara bulan Disember dan Jun.
- Boleh membesar sehingga ketinggian 1.9 meter.
- Berat boleh mencapai sehingga 1,000 kilogram (jantan) dan antara 500 hingga 700 kilogram (betina)
- Jangka hayatnya adalah antara 18 hingga 20 tahun
- Tinggal di habitat tanah pamah yang tidak diganggu bergantung kepada sumber air dan makanan
- Makan rumput segar, herba dan pucuk muda pokok belukar

Sumber: Perhilitan

tersebut memandangkan adanya pihak pentadbiran yang mampu memberikan sokongan dalam jangka masa panjang.

Bagaimanapun, pengurusan hidupan liar bukanlah kepakaran utama pihak Perbadanan Taman Negeri.

“Mujurlah, dengan usaha kerjasama dan sokongan pakar daripada rakan kongsi untuk mengumpul data dan membuat analisis, kami berharap dapat membantu dan seterusnya menyediakan pelan untuk memulihara seladang dengan lebih baik,” kata Shah Redza lagi.

Kaedah utama yang akan digunakan adalah pemasangan perangkap kamera untuk mendapatkan maklumat demografi populasi seladang, melakukan pemetaan serta penelitian terhadap kawasan yang kerap dilalui oleh seladang.

Di samping itu, analisis asid deoksimeronukleik (DNA) yang diperoleh melalui najis dapat menilai kepelbagaiannya genetik seladang tersebut.

Kerja-kerja penyelidikan ini akan dibayai bersama oleh dana daripada Tabung Amanah Pemuliharaan Nasional untuk Sumber Asli (NCTF) yang diuruskan oleh Kementerian Tenaga dan Sumber Asli (KeTSA).

Cadangan untuk projek ini telah disusun oleh pertubuhan bukan kerajaan, Borneo Rhino Alliance (BORA) yang berpusat di Sabah yang baru-baru ini telah dinamakan semula sebagai “Bringing Back Our Rare Animals”.



Pakar hidupan liar Malaysia, Dr Zainal Zahari Zainuddin (paling kiri) bersama kumpulan pengkaji seladang sedang berbincang mengenai langkah-langkah menyelamatkan hidupan liar ikonik Malaysia itu di hutan Hulu Perak, baru-baru ini.



Spesies seladang liar yang dikesan di Taman Negeri Royal Belum, Hulu Perak.

Pengarah program BORA, Dr Zainal Zahari Zainuddin, yang pernah mengetuai projek penggunaan teknologi pembiakan pada badak Sumatera di Malaysia, berkata: “Situasi seladang adalah membimbangkan, sama seperti badak Sumatera yang akhirnya pupus sama sekali bukan kesan daripada kehilangan habitat dan pemburuan haram, tetapi kerana kumpulan kecil yang tinggal tidak dapat bertemu untuk membiak.”

Keadaan ini juga menyebabkan badak betina mengalami penyakit di dalam sistem reproduksi yang menjelaskan pembiakan.

Di samping itu, kekurangan zat pemakanan serta kawasan habitat optimum yang terhad akan menyumbang kepada kadar kelahiran yang rendah dan kematian neonatal yang tinggi.

“Selepas beberapa generasi, kadar kelahiran mungkin menjadi lebih rendah daripada kadar kematian, walaupun tidak ada pemburuan haram,” jelas beliau.

Dalam pada itu, terdapat banyak imej seladang yang diperoleh melalui perangkap kamera yang dipasang di Hulu Perak dan laporan pemantauan yang dijalankan sejak tahun 2007.

Ini bermakna, terdapat banyak data

EK ELEH

Kajian dapati
SELADANG DIANCAM KEPUPUSAN DI SEMENANJUNG...

Jangan sampai
nasib seladang
jadi macam **SI BADAK SUMBER SUMATERA TERUS LENYAP DARI MUKA BUMI**



Gaji minimum RM1,500: Perlu seimbangkan kemampuan majikan dan keperluan pekerja

KUALA LUMPUR - Kerajaan akan membuat pertimbangan secara holistik dengan mendengar keluhan majikan dan seimbangkan kepentingan pekerja bagi memastikan pelaksanaan gaji minimum RM1,500 mampu dilaksanakan.

Perdana Menteri, Datuk Seri Ismail Sabri Yaakob berkata, langkah itu penting dalam memastikan situasi ‘menang-menang’ antara majikan dan pekerja.

“Kita tengah buat libat urus dengan semua majikan untuk (tentukan) gaji minimum ini sebab ada syarikat yang mampu, ada syarikat terlalu kecil dan

tak mampu.

“Kita takut kalau dia tak mampu nanti dia akan membuang pekerjanya. Nanti ia akan tambahkan angka pengangguran.

“Itu sebabnya kita minta Kementerian Sumber Manusia (KSM) duduk (bincang) dengan persatuan-persatuan, Kongres Kesatuan Pekerja-Pekerja Dalam Perkhidmatan Awam (Cuepacs) dan sebagainya termasuk majikan lain. Jadi sebelum kita umumkan, biar ada penerimaan daripada majikan,” katanya selepas melancarkan Inisiatif Jamin Kerja Keluarga Malaysia dan Karnival Kerjaya Jamin Ker-

ja Keluarga Malaysia 2022 di sini pada Sabtu.

Mengulas lanjut Ismail Sabri berkata, kerajaan tidak melindungi majikan dengan menangguhkan pelaksanaan gaji minimum baharu, namun kepentingan kerajaan juga adalah kepentingan pekerja.

Ismail Sabri berkata, KSM telah melaporkan kepada kabinet berhubung perbincangannya minggu lalu dan telah meminta kementerian itu mengadakan perbincangan dengan pihak berkaitan sebelum kelulusan.

“Selepas sudah okay, bentang dalam

kabinet untuk kita luluskan. Insya-ALLAH kita prihatin tentang kos sara hidup hari ini yang mungkin perlukan peningkatan.

“Bagaimanapun ada SME (perusahaan kecil dan sederhana), makro, sederhana dan sebagainya tak mampu (laksanakan gaji minimum RM1,500), akhirnya mereka akan buang pekerja kerana majikan tak mampu bayar gaji.

“Jadi kita akan tengok pertimbangan keseluruhan, kepentingan pekerja dan kita nak dengar pandangan majikan juga,” kata beliau.

Inisiatif turunkan kadar pengangguran

Jamin Kerja tumpu tiga program utama merangkumi Inisiatif Penggajian, MySTEP serta Upskill Malaysia

Oleh DIANA AZIS

KUALA LUMPUR

Inisiatif Jamin Kerja Keluarga Malaysia 2022 menumpukan tiga program utama sebagai usaha menurunkan kadar pengangguran melalui penyediaan 600,000 peluang pekerjaan tahun ini.

Perdana Menteri, Datuk Seri Ismail Sabri Yaakob berkata, program yang memperuntukkan sejumlah RM4.8 bilion itu merangkumi Inisiatif Penggajian, Latihan dan Penempatan Jangka Pendek (MySTEP) serta Program Latihan dan Peningkatan Kemahiran (Upskill Malaysia).

“Inisiatif Penggajian akan dilaksanakan oleh Pertubuhan Keselamatan Sosial (Perkeso) dengan sasaran sebanyak 300,000 peluang pekerjaan manakala program MySTEP menawarkan 80,000 peluang pekerjaan dalam sektor awam, syarikat milik kerajaan (GLC) dan rakan-rakan strategik.

“Program Upskill Malaysia dilaksanakan Pembangunan Sumber Manusia Bhd (HRD Corp), menyediakan latihan kemahiran untuk pencari kerja bagi

meningkatkan kebolehpasaran mereka dan menjamin penempatan pekerjaan dengan sasaran 220,000 orang pelatih,” katanya ketika berucap pada Majlis Pelancaran Inisiatif Jamin Kerja Keluarga Malaysia dan Karnival Kerjaya Jamin Kerja Keluarga Malaysia 2022 di sini pada Sabtu.

Mengulas lanjut Ismail Sabri berkata, Inisiatif Penggajian akan memberi tumpuan kepada usaha merangsang majikan untuk membuat pengambilan pekerja, terutama dalam kalangan individu yang tidak aktif bekerja seperti penganggur, golongan rentan seperti orang kurang upaya (OKU), bekas banduan, warga emas dan wanita menganggur bagi memastikan tiada golongan dipinggirkan.

Katanya, setelah majikan diberikan insentif bagi pengambilan pekerja, pencari kerja boleh menggunakan portal MYFutureJobs untuk mendapatkan padanan pekerjaan dengan mengisi kekosongan jawatan yang ditawarkan.

“Inisiatif ini turut diberikan kepada majikan yang mengambil tenaga kerja tempatan bagi mengisi jawatan yang kebiasaannya dilakukan oleh pekerja asing atau pegawai dagang.

“Majikan yang layak akan menerima bantuan kewangan kerajaan antara 20 hingga 40 peratus daripada gaji kasar maksimum pekerja iaitu sebanyak RM10,000 bagi tempoh 12 bulan,” katanya.



Ismail Sabri beramah mesra dengan orang ramai yang menghadiri Karnival Kerjaya Jamin Kerja Keluarga Malaysia 2022 di Pusat Konvensyen Kuala Lumpur pada Sabtu.

Dalam pada itu Ismail Sabri berkata, Program MySTEP yang diterajui Unit Pelaksanaan dan Koordinasi Stimulus Ekonomi Antara Agensi Nasional (LAKSANA) di bawah Kementerian Kewangan akan melaksanakan kolaborasi strategik bersama agensi-agensi kerajaan lain.

Katanya, program itu menyasarkan 80,000 peluang pekerjaan secara kontrak yang merangkumi 50,000 pekerjaan sektor awam dan selebihnya dalam GLC untuk tahun ini.

Mengulas mengenai Karnival Kerjaya Jamin Kerja Keluarga Malaysia, Ismail Sabri berkata, program tersebut merupakan kali pertama dianjurkan dengan penawaran lebih 12,000 peluang pekerjaan daripada 50 majikan pelbagai industri.

Katanya, kerajaan terus beriltizam untuk membantu lebih ramai Keluarga Malaysia yang



Ismail Sabri bertegur sapa dengan orang ramai yang menghadiri Karnival Kerjaya Jamin Kerja Keluarga Malaysia 2022 pada Sabtu.

mengalami nasib yang sama ataupun yang berdepan dengan cabaran yang berbeza untuk mendapatkan pekerjaan.

“Bagi mengurangkan jurang ketidakpadanan pekerjaan dengan kelayakan pencari kerja, saya menyeru pihak industri untuk melaksanakan strategi pengambilan pekerja yang lebih baik

dengan mengambil kira perubahan sosial termasuk suasana pekerjaan yang lebih fleksibel agar padanan yang lebih baik dapat diwujudkan.

“Majikan juga perlu lebih kreatif dalam memberi jaminan pekerjaan yang baik kepada para pekerja supaya kekal bersama majikan tersebut,” ujar beliau.

Langkah proaktif tangani pengangguran

Dasar-dasar kerajaan kini bertujuan elak kesan jangka panjang terhadap pasaran buruh, pendapatan isi rumah dan perpaduan sosial

Oleh DIANA AZIS

KUALA LUMPUR

Kadar pengangguran global dijangka kekal di tahap 207 juta orang pada tahun ini berbanding 186 juta orang pada 2019.

Menteri Kewangan, Senator Tengku Datuk Seri Zafrul Tengku Abdul Aziz berkata, laporan Pertubuhan Buruh Antarabangsa (ILO) itu secara tidak langsung akan memperdalamkan jurang pendapatan di seluruh dunia termasuk Malaysia, selain mampu melemahkan struktur ekonomi, kewangan dan sosial negara sekiranya tidak ditangani.

Justeru katanya, dasar-dasar

kerajaan yang ada kini bertujuan mengelak kesan jangka panjang terhadap pasaran buruh, pendapatan isi rumah dan perpaduan sosial.

“Kerajaan telah mengambil langkah proaktif melalui penubuhan Majlis Pekerjaan Negara (NEC) pada tahun lalu.

“Majlis dipengerusikan Perdana Menteri itu sejajar dengan hasrat kerajaan dalam memastikan pemulihan dan rangsangan sektor ekonomi di Malaysia berdasarkan pendekatan menyeluruh yang berpadukan data dan sepadan dengan permintaan industri semasa,” katanya di sini pada Sabtu.

Beliau berkata demikian ketika berucap pada Majlis Pelancaran Inisiatif JaminKerja Keluarga Malaysia dan Karnival Jamin Kerja Keluarga Malaysia 2022 di sini.

Majlis tersebut disempurnakan Perdana Menteri, Datuk Seri Ismail Sabri Yaakob dan turut dihadiri Menteri Sumber Manusia, Datuk Seri M Saravanan.

Sementara itu, Tengku Zafrul memaklumkan,



FOTO: BERNAMA

Kementerian Kewangan memperuntukkan sebanyak RM1.7 bilion bagi program jangka pendek (MySTEP) 2022 dengan sasaran penciptaan 80,000 pekerjaan pada tahun ini.

Katanya pekerjaan tersebut boleh dimohon secara dalam talian di laman web <http://www.mystep.mof.gov.my/>.

“Oleh itu, saya berharap pencari kerja akan memanfaatkan segala peluang yang ada melalui Kementerian Kewangan dan Kementerian Sumber Manusia,

sama ada di karnival ini atau secara dalam talian melalui portal MyFutureJobs; MySTEP dan UpSkillMalaysia,” jelasnya.

MySTEP adalah antara komponen di bawah inisiatif Jamin Kerja yang merupakan program pekerjaan jangka pendek secara kontrak di sektor awam serta Syarikat Berkaitan Kerajaan (GLC) dan dikelolakan oleh Agensi LAKSANA di bawah Kementerian Kewangan.

Dalam pada itu, Tengku Zafrul berkata, kerajaan berjaya

menempatkan 63,221 graduan pada tahun 2021 dengan 66 peratus ditempatkan di pelbagai kementerian dan agensi kerajaan manakala 34 peratus lagi di GLC.

“Saya yakin kerajaan akan dapat mengulangi semula kejayaan tahun lalu yang mana pencapaian telah melebihi sasaran.

“Hampir 560,000 peluang pekerjaan berjaya dicipta berbanding sasaran awal iaitu 500,000 bagi 2021,” kata beliau.

Tengku Zafrul (barisan depan, dua dari kiri) bersama Ismail Sabri (tengah) dan Saravanan (barisan depan, dua dari kanan) pada Majlis Perasmian Karnival Kerja Jamin Kerja Keluarga Malaysia 2022 di Pusat Konvensyen Kuala Lumpur pada Sabtu.

Pencari kerja pilih sektor ekonomi gig jika gaji minimum tidak meningkat - Saravanan

KUALA LUMPUR - Pekerjaan dalam sektor ekonomi gig bakal menjadi pilihan utama individu yang menganggur sekiranya gaji minimum tidak dinaikkan.

Menteri Sumber Manusia, Datuk Seri M Saravanan berkata, perkara itu secara tidak langsung menjadi cabaran besar buat kerajaan dalam usaha ‘memujuk’ pencari kerja untuk merebut peluang yang ditawarkan di bawah program padanan kerja ke-loalan kementerian berkenaan.

“Kementerian Sumber Manusia (KSM) sedang mengkaji untuk meningkatkan gaji minimum bagi memastikan golongan yang memilih pekerjaan

sektor ekonomi gig mengambil peluang pekerjaan seadia ada.

“Menerusi latihan yang disediakan serta program bekerja di rumah, rakyat Malaysia yang hilang peluang pekerjaan telah mencapai pendapatan lebih RM1,200, maka ini sangat mencabar (kepada kerajaan). KSM akan Penjana Kerjaya untuk mencari, mengenalpasti, memujuk pihak majikan untuk memberikan satu pendapatan lumayan.



SARAVANAN

“Kalau tidak, mereka yang masih menganggur akan pilih (pekerjaan) ekonomi gig sekiranya tidak dapat pendapatan melebihi RM1,200,” katanya di sini pada Sabtu.

Mengulas lanjut Saravanan berkata, sektor kritikal seperti pelancongan yang terjejas akan turut diberi tumpuan di bawah Inisiatif Jamin Kerja Keluarga Malaysia sebagai menyokong pemulihan dalam industri ber-

kenaan.

“Menerusi usaha seperti ini, diharap-

kan isu pengangguran dalam kalangan Keluarga Malaysia dapat ditangani dengan berstruktur, berkesan dan menyeluruh.

“Saya juga sudah mengarahkan Pertubuhan Keselamatan Sosial (Perkeso) sebagai penyedia perkhidmatan pekerjaan negara untuk mengadakan lebih banyak program bagi membantu ramai pencari kerja mendapatkan bantuan penempatan pekerjaan.

“Ingin saya mengulangi komitmen KSM dalam menggalas tanggungjawab yang diamahkan kerajaan serta meneruskan usaha dalam menyediakan peluang pekerjaan kepada orang ramai,” ujar beliau.

THE Galleria

KEDAI PEJABAT SETINGKAT 20' x 70'

*5% Diskaun Untuk Bumiputera

HARGA MIN: RM 268,880 HARGA MAX: RM 403,880

EXCELLENT REALTY SDN. BHD.
No. 8, Lubuk Mines 2, Bandar Lubuk Mines, 11500 Lubuk, Johor, Malaysia
© 017-578 3880 017-563 8880

MONTCREST

RUMAH BERKEMBAR 2 TINGKAT 35' x 75' / 150'

*7% Diskaun Untuk Bumiputera

HARGA MIN: RM 632,090 HARGA MAX: RM 777,644

EXCELLENT REALTY SDN. BHD.
No. 8, Lubuk Mines 2, Bandar Lubuk Mines, 11500 Lubuk, Johor, Malaysia
© 017-578 3880 017-563 8880

BANYAN LINK HOMES

RUMAH TERES 2 TINGKAT 20' x 70'

HARGA MIN: RM 298,880 HARGA MAX: RM 432,880

EXCELLENT REALTY SDN. BHD.
No. 8, Lubuk Mines 2, Bandar Lubuk Mines, 11500 Lubuk, Johor, Malaysia
© 017-578 3880 017-563 8880

SOP PRN Johor boleh lebih fleksibel

Bagaimanapun ia masih boleh diperbaiki dan diperkemaskan

SHAH ALAM

Prosedur operasi standard (SOP) Pilihan Raya Negeri (PRN) Johor terutama yang membabitkan aktiviti berkempen adalah lebih fleksibel berbanding pengalaman di Melaka dan Sarawak tahun lalu.

Bagaimanapun ia masih boleh diperbaiki dan diperkemasukan.

Penganalisis pilihan raya, Dr G Manimaran berpandangan, Suruhanjaya Pilihan Raya (SPR) yang bertanggungjawab mengeluarkan SOP pilihan raya telah mengambil kira pandangan, syor dan permintaan pelbagai pemegang taruh susulan situasi PRN Melaka dan Sarawak.

“Mengambil kira situasi ke-

tika PRN Sabah dan pengalaman serta kritikan semasa PRN Melaka dan Sarawak, SPR dan agensi-agensi yang terlibat dalam pengubalan SOP PRN Johor telah menyediakan SOP yang lebih longgar dan fleksibel,” katanya kepada *Sinar Ahad*.

Menurutnya, meskipun sifat rigid masih wujud, tetapi beberapa kelonggaran turut diberikan, antaranya kempen bersemuka, kunjungan dari rumah ke rumah dan sesi jelajah mesra ketika tempoh berkempen serta syarahan dan ceramah yang dihadkan kepada 100 peserta.

Beliau yang juga penulis buku *Pilihan Raya Demokrasi Malaysia: Tanding, Pilih, Menang & Tadbir* berkata, SOP kali ini bersifat konstruktif, keadaan yang diperlukan bagi memenuhi prinsip kewujudan pemilih lengkap maklumat sebelum



MANIMARAN

mereka melangkah ke hari pengundian.

Katanya, pilihan raya harus menyediakan platform yang adil kepada calon bagi menyalurkan maklumat mengenai diri dan janji mereka manakala pengundi pula memperoleh maklumat yang cukup

bagi membolehkan mereka membuat keputusan terbaik.

Beliau berkata, kedua-dua aspek itu berhadapan dengan kekurangan dan kecacatan serius sehingga banyak pihak menggesa SPR melonggarkan SOP pilihan raya.

“SOP terbaru (PRN Johor) ada menyediakan kemudahan untuk mencapai prinsip memperoleh maklumat yang cukup tetapi masih boleh ditambah baik,” ujarnya.

Di bawah SOP yang diumumkan pada Jumaat, penganjuran

ceramah, syarahan dan kempen secara fizikal dan ziarah rumah ke rumah dibenarkan sepanjang 14 hari tempoh berkempen PRN Johor.

SOP yang dibenarkan itu termasuklah ceramah dan kempen yang hanya dibenarkan di pejabat parti dan bilik gerakan parti yang rasmi dengan kehadiran tidak melebihi 100 orang.

Bagi SOP kempen ziarah rumah ke rumah, penyertaan adalah tidak melebihi lima orang, namun tidak dibenarkan masuk ke dalam rumah atau berjumpa dengan ahli rumah dan aktiviti mengedarkan risalah perlu dibuat di luar pagar.

Dalam pada itu, Manimaran berkata, berbanding PRN Melaka dan Sarawak, SOP PRN Johor juga diumumkan lebih awal iaitu satu minggu sebelum hari penamaan calon dan perkem-

bangan itu harus dialu-alukan.

Menurutnya, secara keseluruhan SOP pilihan raya merangkumi lapan aktiviti termasuk peraturan ketika hari penamaan calon, kempen, hari mengundi dan penjumlahan kertas undi.

Bagaimanapun Manimaran berkata, beliau yakin akan ada permintaan dan rayuan daripada parti-parti politik agar SPR melonggarkan waktu syarahan atau ceramah yang dihadkan kepada dua jam dan perlu ditamat pada jam 10 malam.



Laporan *Sinar Harian*
pada Jumaat.

‘Benarkan individu positif Covid-19 mengundi’

SHAH ALAM - Gabungan Pilihan Raya Bersih dan Adil (Bersih) menggesa Suruhanjaya Pilihan Raya (SPR) membenarkan individu yang disahkan positif Covid-19 untuk mengundi pada Pilihan Raya Negeri (PRN) Johor dengan menyediakan kemudahan yang bersesuaian.

Jawatankuasa Pemandu Bersih dalam kenyataan berkata, prosedur operasi standard (SOP) ditetapkan SPR yang melarang pesakit Covid-19 keluar membuang undi telah melanggar Perkara 119(1) Perlembagaan Persekutuan yang memberikan hak kepada pemilih untuk mengundi.

Menurutnya, SPR sebagai badan yang diberikan kuasa untuk menjalankan proses pilihan raya seharusnya mewujudkan mekanisme yang terbaik supaya pemilih dapat menjalankan hak dan bukannya menghalang mereka menjalankan tanggungjawab.

“Selain itu, pengundi berstatus individu dalam siasatan (PUI) juga masih perlu memohon kepada Pegawai Kesihatan Daerah (PKD) untuk keluar mengundi dan bergantung kepada penilaian PKD untuk dibenarkan mengundi.

“Kebenaran mengundi atau tidak bukanlah kuasa PKD atau Polis Diraja Malaysia (PDRM) untuk menentukannya kerana perlembagaan telahpun memberikan hak kepada mereka.

“Bersih menggesa SPR dan Kementerian Kesihatan segera menjelaskan sama ada SOP ini akan menghalang pengundi positif Covid-19 dan PUI untuk mengundi,” kata kenyataan itu pada Sabtu.

Sementara itu, Bersih turut mengalukan kelonggaran SOP untuk calon dan parti politik berkempen secara fizikal dengan menganjurkan ceramah, kempen rumah ke rumah, pengedaran risalah dan menggunakan pembesar suara.

Bagaimanapun katanya, penganjuran ceramah tidak seharusnya terhad di bilik gerakan atau pejabat parti dan calon sahaja berikut kawasannya yang sempit.

Justeru, Bersih menggesa SPR mempertimbangkan semula perkara tersebut dan membenarkan penganjuran ceramah fizikal di kawasan lapang seperti padang atau tempat parkir kendaraan yang luas.

“Walaupun kami memahami keperluan untuk permohonan permit ceramah daripada polis, namun kami berpandangan pemberian notis ceramah sudah mencukupi untuk memaklumkan pihak polis.

“Kami mencadangkan agar pemberian notis perlu dibuat dalam tempoh 24 jam sebelum ceramah dianjurkan dan sebarang pertindihan perlu mengutamakan pihak yang menghantar notis terlebih dahulu.

“Selain itu, penetapan SOP bagi pengundi di kawasan Perintah Kawalan Pergerakan Diperketatkan memohon kepada PDRM supaya boleh pergi ke pusat pengundian juga tidak diperlukan.

“Cukup sekadar mereka menunjukkan keputusan RTK Antigen yang negatif dan dokumen seperti semakan daftar pemilih MySPR bagi membuktikan mereka pengundi dalam PRN Johor,” katanya.

JANJI BUAT BANGSA JOHOR

WAWANCARA EKSKLUSIF

RABU 8.30 MALAM

23 FEBRUARI 2022

DATUK HASNI MOHAMMAD
Menteri Besar Johor

Saksikan secara langsung di

Sinar Harian **PRN JOHOR**

Sinar Harian.com.my

Facebook **Instagram** **Twitter** **TikTok**

BN umum calon Rabu ini

Mohamed Khaled nafi berlaku perebutan kerusi dalam parti gabungan itu

Oleh ZULHISHAM ISAHAK

PASIR GUDANG

UMNO menafikan berlaku perebutan dalam pembahagian kerusi melibatkan parti itu, MCA dan MIC yang akan ditandingi pada Pilihan Raya Negeri (PRN) Johor sehingga kata putus gagal dicapai sehingga kini.

Naib Presiden UMNO, Datuk Seri Mohamed Khaled Nordin menjelaskan, rundingan sedang ber-

jalan seperti biasa dan calon-calon Barisan Nasional (BN) masih belum diumumkan kerana proses tersebut belum selesai.

Pengerusi BN Pasir Gudang itu berkata, gabungan berkenaan akan mengumumkan senarai calon melibatkan kesemua parti komponennya pada Rabu ini.

“Kita teliti dalam soal pemilihan calon membabitkan calon daripada UMNO, MIC dan MCA, dan akan umumkan bila tiba masanya.

“Tidak timbul isu perebutan kerusi pada PRN Johor ini,” katanya ketika mengulas dakwaan parti-parti komponen BN bergaduh dan sedang berebut kerusi sehingga sukar memuktamadkan senarai calon.

Mohamed Khaled berakap kepada pemberita



Mohamed Khaled (kanan) menerima borang keahlian UMNO daripada bekas Ketua Bersatu Cawangan Tasek 64, Mohamad Noh Hamzah di Pasir Gudang pada malam Jumaat.

selepas menerima kemasukan kira-kira 50 bekas ahli Parti Pribumi Bersatu Malaysia (Bersatu) Cawangan Tasek 64 di Bilik Gerakan Jalan Tasek 21, Bandar Seri Alam di sini pada malam Jumaat.

Berkenaan ucapan Presiden Bersatu, Tan Sri Muhyiddin Yassin di Felda Tenggaroh 3, Mersing pada Rabu yang mendakwa

UMNO sudah ‘koyak-rabak’, selain mengkritik parti berkenaan, Mohamed Khaled enggan melayan dakwaan tersebut.

“Kita berpolitik, berpolitiklah secara sihat, janganlah sampai hendak menghina.

“Relakslah, saya pun pernah kalah, tak ada apa-apa pun, relaks sahaja,” ujar beliau.

Anwar umum tujuh lagi calon PKR

PASIR GUDANG - Parti Keadilan Rakyat (PKR) mengumumkan tujuh calon mereka yang akan bertanding pada Pilihan Raya Negeri (PRN) Johor bagi kawasan zon timur dan zon tengah.

Pengumuman itu dibuat Presiden PKR, Datuk Seri Anwar Ibrahim dalam satu majlis di sini pada Sabtu.

Empat calon merupakan muka baharu kecuali bekas Ahli Dewan Undangan Negeri (ADUN) Senggarang, Ir Khairuddin A Rahim, 62, kembali mempertahankan kerusi itu yang dimenangi pada Pilihan Raya Umum ke-14 (PRU14).

Seorang lagi yang pernah menjadi calon ialah Ketua Cabang PKR Pontian, Haniff@Ghazali Hosman, 42, yang sebelum ini bertanding dalam PRU13 di Parlimen Pontian tetapi kini bertanding di DUN Benut.

Exco Angkatan Muda Keadilan (AMK) Johor, Omar Mokhtar A Manap, 29, bertanding di kerusi Dewan Undangan Negeri (DUN) Johor Lama dan Naib Ketua Wanita PKR Johor, Haryati Abu Nasir, 52, (DUN Semarang).

Sementara Ketua Cabang PKR Tanjung Piai, Mohd Zaiful Bakri, 43, (DUN Kukup); Timbalan Ketua Wanita PKR Johor, Zulinah A Johari, 47, (DUN Tenggaroh) dan aktivis PKR, Rosman Tahir, 53, (DUN Tanjung Surat).

Menerusi pengumuman pada Sabtu, PKR telah selesai umum kesemua 20 calon yang akan mewakili parti tersebut pada PRN Johor 12 Mac ini.

PIBG bantah SMK jadi pusat mengundi

JOHOR BAHRU - Persatuan Ibu Bapa dan Guru (PIBG) dari dua buah sekolah di daerah ini membantah sekolah mereka dijadikan pusat pembuangan undi pada Pilihan Raya Negeri (PRN) Johor, 12 Mac ini.

Yang Dipertua PIBG Sekolah Menengah Kebangsaan (SMK) Impian Emas, Mazlan Sulor berkata, ramai ibu bapa tidak bersetuju sekolah itu dijadikan pusat mengundi kerana sangat berisiko.

“Pihak sekolah menerima pelbagai aduan khususnya daripada ibu bapa. Keputusan Suruhanjaya Pilihan Raya (SPR) itu membahayakan masyarakat dan calon Sijil Pelajaran Malaysia (SPM).

“Kami bimbang wujud kluster baharu Covid-19. Justeru, kami mendesak wujudnya campur tangan atasan termasuk Perdana Menteri untuk menyelesaikan perkara ini agar wujud situasi menang-menang, di mana SPM dan PRN Johor berjalan lancar,” katanya di sini pada Sabtu selepas beberapa ibu bapa pelajar SMK

Taman Impian Emas mengadakan bantahan aman tidak mahu sekolah berkenaan dijadikan sebagai pusat mengundi pada PRN Johor.

Sehubungan itu, menurut Mazlan, pihaknya akan menghantar surat bantahan berkaitan perkara itu kepada Pengarah SPR Johor pada Ahad.

Sementara itu, Naib Yang Dipertua PIBG SMK Aminuddin Bakri, Shamsudin Baharon berkata, situasi terkini Covid-19 yang menyaksikan kes baharu tinggi termasuk di Johor menambah lagi kebimbangan pihaknya.

“Untuk kesejahteraan semua pihak terutama calon SPM, adalah wajar sekolah menengah tidak digunakan sebagai pusat mengundi,” jelas beliau.

Pada Jumaat, Menteri Kanan Pendidikan, Datuk Dr Radzi Jidin dilaporkan berkata, SPR telah memilih 151 buah sekolah menengah di Johor yang akan digunakan untuk PRN, namun beberapa perkara berkaitan sedang diperincikan.



Sebahagian ibu bapa pelajar mengadakan bantahan aman minta sekolah tidak dijadikan sebagai pusat mengundi pada PRN Johor di pekarangan SMK Taman Impian Emas, Johor Bahru pada Sabtu.



Siapa mampu yakinkan siapa

ADALAH sesuatu yang sangat menarik apabila ramai pihak termasuk mereka dari sebelah pagar lain dari UMNO secara berterus terang menyatakan yang Johor akan menurut jejak langkah Melaka dalam Pilihan Raya Negeri (PRN) yang akan berlangsung 12 Mac ini.

Cakap-cakap seperti ini sekali gus menjadikan Pengarah Pilihan Raya Barisan Nasional (BN), Datuk Seri Mohamad Hasan tidak senang duduk.

“Saya tidak berasa selesa sebenarnya...saya khawatir jentera BN turut menjadi selesa dan berada di zon selesa,” kata Mohamad.

Bukan beliau sahaja yang berasa begitu. Pengerusi BN Johor merangkap Menteri Besar, Datuk Seri Hasni

Mohammad pun merasa perkara yang sama.

Pada Rabu lalu, Hasni ketika memberi taklimat kepada Majlis Kerja Tertinggi UMNO berkaitan PRN Johor turut menegaskan yang negerinya tidak seperti Kelantan, Terengganu atau Pahang, Melayu cuma sekitar 52 peratus daripada jumlah keseluruhan populasi.

Oleh yang demikian, beliau mengingatkan jentera partinya agar lebih waspada dan menjaga sensitiviti kaum lain ketika berkempen.

Malah Mohamad sendiri mengakui, Johor mencerminkan populasi majmuk Malaysia yang sebenarnya, tidak seperti Melaka.



Lain Padang Lain Belalang

dapat mengulangi kejayaan seperti mana di Melaka dalam PRN Johor nanti.

Belalang setuju dengan pandangan kedua-dua pemimpin ini. Rasa riak dan sompong boleh membawa kepada kelalai dan kejatuhan.

Ia adalah satu pesanan yang baik untuk jentera parti itu agar tidak lalai dan seronok dilambung kejayaan masa lalu.

Dalam konteks ini, bersifat sederhana dalam kempen dan bersikap merendah diri adalah formula yang terbaik untuk semua parti.

Pengundi dan rakyat Johor mahukan

kestabilan politik di negeri mereka. Ketidakstabilan dan ketidakpastian hanya menjadikan keadaan tidak menentu dan ini adalah tidak bagus untuk pertumbuhan ekonomi.

Ramai orang Johor yang Belalang temui baru-baru ini termasuklah dari komuniti peniaga dan usahawan menyatakan yang mereka akan memberikan undi kepada parti yang dilihat mampu mentadbir negeri Johor dengan baik, berkesan dan bertanggungjawab.

Siapa yang mampu menyakinkan pengundi Johor akan kesemuanya perkara ini, mereka berpeluang untuk menang.

Belalang - Hanya sekadar mampu menulis....

Segerakan Akta Pendanaan Politik

Sebelum PRU15 bagi memastikan pilihan raya yang bersih dan adil

Oleh MUHAMMAD ZAKWAN NAZARALY dan RAJA NUR FAZNIE AIDA

SHAH ALAM



CYNTHIA GABRIEL

Akta Pendanaan Politik perlu di-segerakan bagi memastikan Pilihan Raya Umum ke-15 (PRU15) berlangsung dalam keadaan bersih dan adil.

Pengasas dan Pengarah Eksekutif Pusat Memerangi Kronisme dan Korupsi (C4), Cynthia Gabriel berkata, akta tersebut juga akan memastikan kepercayaan rakyat kembali pulih sekali gus memastikan mereka akan keluar mengundi pada PRU akan datang.

“Isu dana politik ini menjadi faktor yang akan menentukan bagaimana pilihan raya itu berlangsung. Kita sebenarnya boleh belajar daripada pengalaman dengan ada pihak yang menyeleweng dana dan menggunakan wang tersebut untuk membiayai PRU yang lalu.

“Perkara seperti ini perlu dihentikan dan satu sistem atau akta dapat disegerakan agar kes yang sama tidak berlaku lagi pada PRU akan datang,” katanya dalam rancangan *Agenda Awani* bertajuk ‘Suburkan Demokrasi Malaysia’ pada Jumaat.

Menurutnya, sudah banyak negara luar mempunyai akta tersebut dan Malaysia perlu mengikut jejak langkah itu bagi memastikan proses demokrasi di negara ini dapat disuburkan.

“Memang diakui semua parti politik memerlukan wang untuk jalankan aktiviti dan untuk menang pilihan raya. Ia bukan sesuatu yang dipersoalkan.

“Namun, akta itu perlu ada bagi memastikan wujud mekanisme seperti jumlah derma maksimum yang boleh diterima selain paling penting melihat siapa yang memberikan dana tersebut. Kita tidak mahu ia datang daripada sumber yang tidak sepatutnya atau haram,” katanya.

Beliau berkata, akta itu sudah pun didrafkan namun tidak ada *political will* untuk memastikan ia boleh menjadi akta sebelum PRU15.

“Isu paling penting sekarang adalah *political will* itu bagaimana kita nak desak agar draf pendanaan politik ini boleh bergerak kehadapan untuk dibincangkan di Parlimen dan Dewan Negara,” katanya.

‘Politik Malaysia perlu diberi nafas baharu’

SHAH ALAM - Politik di negara ini perlu diberikan nafas baharu agar ia mampu terus relevan sekaligus memastikan proses demokrasi itu subur.

Felo Penyelidik Pusat Kajian Demokrasi dan Pilihan Raya Universiti Malaya (UMCEDEL), Profesor Madya Dr Rosmadi Fauzi berkata, parti politik di negara ini perlu melihat kepada cara baharu untuk menarik pengundi pada pilihan raya akan datang.

Menurutnya, semua parti politik perlu memahami pendekatan geografi politik dan menawarkan kaedah berbeza untuk memahamkan rakyat tentang sesuatu isu, kepentingan pilihan raya dan pendidikan demokrasi.

“Kajian kami di UMCEDEL dengan mengambil kira konteks geografi politik, memang ada perbezaan daripada segi pemikiran rakyat. Contohnya, apa yang difikirkan oleh rakyat di Johor atau di Pulau Pinang adalah berbeza dengan apa yang difikirkan oleh rakyat yang berada di Kelantan dan Terengganu.

“Kalau kita bawa satu isu baharu, persepsi penerimaan rakyat itu berbeza di negeri-negeri serta penenerimaan di bandar dan luar bandar. Jadi, apabila pemikiran berbeza ia akan mempengaruhi daripada segi tingkah laku untuk buat keputusan mengundi. Itu yang parti politik di negara ini kena faham,” katanya dalam rancangan *Agenda Awani* bertajuk ‘Suburkan Demokrasi Malaysia’ pada Jumaat.

Sementara itu, Pensyarah Kanan Fakulti Ekologi Manusia di Universiti Putra Malaysia (UPM), Profesor Madya Dr Mohd Izani Mohd Zain



berkata, semua pihak perlu bekerjasama dalam menjayakan pendidikan politik di negara sama ada secara formal ataupun tidak formal.

Beliau berkata, pendidikan politik bukanlah semata-mata untuk pilihan raya tetapi melihat kepada kandungannya, bagaimana mahu mengajar rakyat khususnya anak muda mengenai struktur yang ada di negara.

“Kalau kita lihat di Indonesia, mereka mempunyai pendidikan Pancasila dan kewarganegaraan di mana pendidikan tersebut mendedahkan mengenai struktur pemerintahan negara.

“Jadi ini yang penting dalam pendidikan politik. Bukan semata-mata kita mengajar tentang pilihan raya,” katanya.

Dalam pada itu, Pengasas dan Pengerusi Yayasan RIGHTS, Mohd Yusmadi Mohd Yusoff berkata, rakyat perlu bijak memilih pemimpin yang mampu mengimbangi perbelanjaan sama ada dari segi ekonomi, pendidikan, pembangunan dan juga politik.

Jelasnya, melihat kepada bajet kewangan untuk menguruskan satu pilihan raya, ia menelan belanja berjuta ringgit.

“Rakyat perlu menyelidik sedalam-dalamnya bagaimana nak memilih seseorang mewakili suara dengan cara bagi saya mesti mengimbangi perbelanjaan dan bertanggungjawab.

“Sebab itu di negara-negara lain kadang-kadang nak mengimbangi itu adalah dengan memberi hak demokrasi dan juga manfaat kepada rakyat,” katanya.



VAKSIN UNTUK RAKYAT


Sinar Ahad
MEMBINA PERSPEKTIIF
sinarahad.com.my

Pembukaan sempadan dijangka suku kedua tahun ini

BATU PAHAT - Kementerian Kesihatan (KKM) menjangkakan suku kedua tahun ini adalah tempoh yang lebih sesuai untuk pembukaan semula sempadan antarabangsa.

Menterinya, Khairy Jamaluddin Abu Bakar berkata, perkara itu dilihat berdasarkan kesediaan dalam aspek garis panduan dan prosedur operasi standard (SOP) berkaitan perkara itu yang kini masih sedang dilaksanakan.



KHairy

"Ini tidak bermakna sempadan akan dibuka dalam tempoh dua minggu ini. Tetapi saya menjangkakan dua minggu kita siap (garis panduan) mungkin suku tahun kedua adalah garis masa yang realistik," katanya.

Beliau berkata demikian dalam sidang akhbar selepas mengadakan lawatan ke sebuah klinik swasta yang menyediakan perkhidmatan Skim Peduli Kesihatan Untuk Kumpulan (Peka) B40 di sini pada Sabtu.

Pada Jumaat, Perdana Menteri, Datuk Seri Ismail Sabri Yaakob mahu KKM untuk mengemukakan pandangan mereka mengenai cadangan pembukaan sempadan negara tersebut.

Ismail Sabri berkata, keputusan sama ada mahu membuka terus pintu sempadan atau masih melaksanakan sekatan tertentu bergantung kepada penilaian yang perlu dibuat.

Dalam pada itu, Khairy berkata, kajian dan garis panduan SOP pembukaan semula sempadan itu juga akan dibentangkan terlebih dahulu kepada Jawatankuasa Pengurusan Pandemik Covid-19 yang dipengerusikan sendiri Perdana Menteri.

"Perincian juga akan saya bentangkan kepada Jawatankuasa Kuartet Menteri di bawah Datuk Seri Hishammuddin Tun Hussein dan akhirnya dibawa kepada Jemaah Menteri.

"Ini adalah keputusan besar yang tidak boleh dibuat KKM sahaja kerana ia melibatkan polisi besar negara," katanya.

Boleh buka jika sedia ke fasa endemik

Pakar berpandangan tiada tempoh masa khusus dan boleh dibuka bila-bila masa

Oleh RAJA NUR FAZNIE AIDA

SHAH ALAM

Pakar kesihatan berpandangan tiada tempoh masa yang khusus untuk membuka sempadan negara sebaliknya ia boleh dibuka pada bila-bila masa jika rakyat sudah bersedia menuju ke fasa endemik.

BUKA SEMPADAN NEGARA



DR HANAFIAH

Pakar kesihatan perkerjaan, kecemasan dan kesihatan awam, Dr Hanafiah Bashirun berkata, ini kerana tiada langkah lain yang boleh dilakukan selain pernaraian suasana Covid-19 dalam kehidupan harian.

"Jadi, kalau tanya saya bila masa yang paling sesuai untuk buka sempadan negara, bagi saya tidak ada. Sebabnya Covid-19 ini akan selalu ada."

"Kalau kita sudah bersedia, buka sahaja sempadan, tidak perlu tunggu kes kurangongan ataupun tiada varian baharu. Pada masa

sama, kita juga perlu terima virus ini dengan kita," katanya kepada *Sinar Ahad*.

Pada Jumaat, Perdana Menteri, Datuk Seri Ismail Sabri Yaakob berkata, Kementerian Kesihatan (KKM) diberi masa dua hingga tiga minggu untuk membentangkan kepada kabinet pelbagai cadangan serta prosedur operasi standard (SOP) berhubung pembukaan sempadan negara kepada pelawat sebelum keputusan mengenainya dimuktamadkan.

Menurutnya, keputusan membuka sempadan negara harus dilihat dengan teliti memandangkan pelbagai pendapat diterima kerajaan termasuk ada kalangan rakyat masih mahu kerajaan membuat intervensi dalam perkara-perkara terutama yang melibatkan SOP dan sebagainya kerana takut dengan penularan Covid-19.

Mengulas lanjut, Dr Hanafiah berkata, KKM sendiri dilihat sudah bersedia jika berlaku peningkatan kes secara mendadak.

"Kalau melihat kepada reaksi Menteri Kesihatan, Khairy

Jamaluddin Abu Bakar ke atas peningkatan kes yang mendadak ini, saya nampak kita sudah bersedia.

"Maknanya dari segi penggunaan katil unit rawatan rapi (ICU) dah bersedia. Tempat kuarantin juga dah bersedia, malah hospital-hospital daerah akan digunakan untuk terima pesakit Covid-19, mungkin tahap tiga.

"Jadi, pelan tindakan kita sudah ada. Kita dah bersedia dengan peningkatan kes mendadak," jelasnya.

Bagaimanapun, beliau berkata, penting untuk menyediakan garis panduan kepada pelancong yang mahu keluar masuk ke Malaysia.

Ujarnya, ini termasuklah mewajibkan pelaksanaan ujian Covid-19 selain pengambilan vaksin.


"Adakah untuk mereka yang sudah lengkap vaksinasi ataupun mewajibkan mereka yang mengambil dos penggalak?

"Pelancong juga perlu dapatkan polisi insurans pengembala. Kalau apa-apa berlaku kepada mereka seperti kemasukan ke wad akibat Covid-19, insurans tersebut boleh digunakan," katanya.

"C" LIHAT PERBEZAANNYA
Vitamin C penting untuk memenuhi keperluan nutrisi badan.

Badan kita tidak mampu membuat atau menyimpan Vitamin C untuk tempoh yang panjang.


Tablet kunyah oren-
Perisa oren yang lazat



MAL20034003XRZ



MAL20033694XRZ



MAL20034002XRZ

Vitamin C
250mg
Orange
Chewable
Perisa oren asli

Saiz pek:
100's - RM 26.95


Vitamin C
500mg
Orange
Chewable
Perisa oren asli

Saiz pek:
100's - RM 33.95

Vitamin C
1000mg
Orange
Chewable
Perisa oren asli

Saiz pek:
60's - RM 29.95


Tablet pelepasan berpanjangan - Pelepasan berpanjangan untuk bekalan Vitamin C



MAL20013492XRZ

Vitamin C-500
Prolonged Release

Saiz pek:
90's - RM 39.95



MAL20002296XRZ

Vitamin C-1000
Prolonged Release

Saiz pek:
50's - RM 29.95
120's - RM 59.95

Vitamin C bebas asid - Dari Calcium Ascorbate, Vitamin C dalam bentuk yang tidak berasid



MAL20013823XRZ

Acid Free C
500mg Tablet

Saiz pek:
50's - RM 24.95



MAL20013824XRZ

Acid Free C
1000mg Tablet

Saiz pek:
50's - RM 39.95

Kesemuanya tablet dan kapsul sayuran diroses dan dikilangkan oleh 21ST Century di Tempe, Arizona, USA.

Boleh didapati di semua Farmasi Utama dan Kedai Ubat Cina
21ST CENTURY PRODUCTS SDN. BHD. (160363-M)
Tel: 1-800-880-238 Email: support@21stcentury.com.my

AGEN SABAH :
PHARMEX PHARMA SDN. BHD. Tel: 088-724989

AGEN SARAWAK :
PHARMEX PHARMA SDN. BHD. Tel: 010-235 9662

21ST CENTURY - MENJAGA KELUARGA ANDA
DIGUNAKAN SEBAGAI SUPLEMEN KESIHATAN



SYED SADDIQ
SYED ABDUL
RAHMAN

Muda parti *underdog* dalam PRN Johor

Parti Ikatan Demokratik Malaysia (Muda) dianggap *underdog* (bukan pilihan) kerana akan menyertai Pilihan Raya Negeri (PRN) Johor buat kali pertama.

Sebagai sebuah parti baharu, rakyat ingin melihat parti itu menampilkan lebih ramai anak-anak muda yang sebelum ini tidak diberikan peluang dalam landskap politik negara.

Parti itu juga perlu berada di bariisan hadapan dan menawarkan jalan

penambahbaikan kepada kedudukan ekonomi, pengangkutan, alam sekitar dan rumah mampu milik bagi negeri Johor.

Ikuti wawancara eksklusif wartawan *Sinar Ahad*, Mohammad Khairil Ashraf Mohd Khalid dan Nurul Huda Hussain serta jurukamera, Mohd Halim Abdul Wahid bersama Presiden Muda, Syed Saddiq Syed Abdul Rahman di Kompleks Karangkraf, Shah Alam baru-baru ini bagi mengetahui lebih lanjut tentang parti itu dan strategi menghadapi PRN Johor.

SINAR AHAD: Muda buat pertama kalinya bertanding dalam pilihan raya. Bagaimana Yang Berhormat (YB) melihat peluang Muda di Johor?

SYED SADDIQ: Muda sedar kedudukan sebagai parti baharu, kami *underdog* (bukan pilihan) menyertai PRN. Dengan itu kita tidak boleh angkuh dan bodoh sompong serta saya agak yakin rakyat ingin melihat parti seperti Muda menampilkan lebih ramai anak-anak muda yang sebelum ini tidak diberikan peluang dalam landskap politik negara untuk menjadi *frontliner* (barisan hadapan) dan menawarkan jalan penambahbaikan kepada kedudukan ekonomi, pengangkutan, alam sekitar dan rumah mampu milik di Johor. Mereka mahukan perjanjian dan permutaan baharu untuk jangka masa panjang. Menang atau kalah, fokus Muda adalah untuk berkhidmat kepada rakyat Johor.

Walaupun jadi pembangkang, kita tetap ingin membuktikan bahawa kita pembangkang yang matang, berpadu, lantang bersuara mempertahankan hak rakyat dan ini dijadikan fokus Muda. Bukan soal politik kerusi, jawatan Menteri Besar dan politik lain. Kita mahu menjadi pembangkang yang baik dan efektif, pada masa sama fokus kepada tawaran pembaharuan di Johor supaya dinikmati oleh rakyat. Tidak ada tembok yang memisahkan Muda dengan rakyat di Johor.

Muda sebelum ini berjaya memperoleh enam kerusi Dewan Undangan Negeri (DUN) daripada Amanah dan DAP. Bagaimana pula status rundingan kerusi PRN Johor di antara PKR dan Muda?

Muda akan keluarkan kenyataan dalam tempoh terdekat berkenaan dengan status rundingan tersebut. Cuma saya faham, ramai rakan-rakan media yang ajukan bagaimana rundingan apabila PKR sudah pun mengumumkan mereka akan bertanding di 20 kerusi dan tidak ada ruang diberikan kepada Muda. Perkara ini Muda akan respons dalam tempoh terdekat tetapi fokus Muda adalah untuk menampilkan barisan kepimpinan berbilang bangsa

dan agama, fokus kepada pembaharuan dasar, politik nilai, politik khidmat dan juga politik dasar untuk kita menjadi pembangkang yang padu. Dengan ini kita berikan tawaran dan kita berharap rakyat memberikan peluang. Anak Johor akan memberikan peluang kepada calon-calon Muda untuk berkhidmat kepada mereka.

Calon pertama, Amira Aisyah Abd Aziz telah diumumkan bertanding di DUN Puteri Wangsa. Sebagai calon masih muda dan sangat baru dalam politik, apa sebenarnya yang Muda pertaruhkan? Apa kelebihan Amira Aisyah yang Muda yakin mampu menarik rakyat Johor mengundi beliau?

Walaupun Amira Aisyah kurang pengalaman dalam dunia politik tetapi daripada sudut khidmat sumbangannya agak luar biasa. Walaupun dibesarkan dalam keluarga yang agak susah di Kampung Melayu, datang daripada latar belakang yang agak susah dan dibesarkan ibu tunggal tetapi beliau membuktikan kebolehaninya sebagai seorang pelajar terbaik di peringkat sekolah, universiti dan pernah mendidik lebih 10,000 pemimpin Johor melalui Majlis Kepimpinan Johor.

Beliau juga pernah membawa nama Johor ke tiga negara dan buat pertama kalinya membawa model *United Nations* di sekolah-sekolah awam kerana sebelum ini program itu hanya bagi anak-anak keluarga kaya di sekolah swasta tetapi beliau ingin memberikan peluang kepada anak-anak di sekolah awam untuk menikmatinya dan berjaya bawa perubahan dengan mendidik ramai anak muda. Bukan itu sahaja, sebagai seorang graduan ijazah selepas tamat pengajian di Universiti Islam Antarabangsa Malaysia, minatnya dalam bidang pendidikan itu agak luar biasa. Beliau menyertai Unit Pelaksanaan dan Prestasi Pendidikan (Padu) dan banyak cadangan-cadangan reformasi yang dibawa seperti untuk memastikan sekolah kebangsaan, sekolah menengah diberikan perhatian yang sepenuhnya daripada sudut reformasi pendidikan atau sukanan mata pelajaran yang perlu dibawa supaya tidak ada pertindihan daripada mereka yang

melalui saluran Sijil Pelajaran Malaysia (SPM), Sijil Tinggi Persekolahan Malaysia (STPM), matrikulasi atau diploma.

Jadi banyak pembaharuan yang dicadangkan dan ingin dibawa, sebab itu saya rasa individu seperti Amira melambangkan apa yang Muda ingin tawarkan. Seorang pemimpin wanita yang saya panggil ‘wanita besi Muda’, berkhidmat sekian lama, walaupun kurang pengalaman politik tetapi latar belakang berkhidmat itu agak luar biasa. Seorang yang berprinsip, idealisme yang tinggi dan kita perlu lebih banyak wanita muda dalam landskap politik negara sebab itu Muda memilih Amira sebagai calon pertama kerana kita memerlukan lebih ramai pemimpin wanita muda yang mempunyai kredibiliti dalam politik dan kami bangga dengan prestasi Amira dan kita berharap anak Johor dapat memberikan peluang kepada Amira untuk berkhidmat dalam DUN ini.

PKR terkilan kerana kerusi DUN Puteri Wangsa yang pada asalnya diserahkan kepada Amanah, tiba-tiba diberikan kepada Muda. YB juga dilabel ‘lebih suku daripada kuah’ kerana tolak tawaran PKR untuk beri 3 kerusi DUN iaitu Senggarang, Sri Medan dan Tanjung Surat dan dikatakan demand dua kerusi DUN gred A. Komen YB?

Kerusi gred A, B, C dan D ini semua ditentukan rakyat anak Johor, pengundi, paling penting adalah pembaharuan tawaran calon yang kita boleh ketengahkan. Saya percaya dalam kita menyertai meja rundingan, penting untuk kita hormati sahabat-sahabat. Sebab itu Muda sampai hari ini tidak mendedahkan keputusan rundingan lagi ia tidak tamat, selagi itu kita menghormati kesulitan perbincangan ini. Jadi, jika ia betul-betul tamat, Muda akan memaklumkan dan akan keluarkan kenyataan susulan. Cuma bila ada tanggapan bahawa Muda ini lebih suku daripada kuah, kami akan buktikan dalam PRN ini dengan tawaran calon, bukti rekod khidmat dan dasar yang kami ketengahkan bahawa kita di Johor untuk berkhidmat sebaik

PROFIL

Nama: Syed Saddiq Syed Abdul Rahman

Tarikh lahir: 6 Disember 1992

Asal: Pulai, Johor Bahru, Johor

Pendidikan: Jurusan Undang-Undang Universiti Islam Antarabangsa Malaysia (UIAM)

Jawatan:

- Ahli Parlimen Muar
- Presiden Muda
- Bekas Menteri Belia dan Sukan
- Bekas Ketua Armada Parti Pribumi Bersatu Malaysia (Bersatu)

mungkin kepada rakyat, bukan berebut kuasa.

Berkenaan lantikan Ahli Jawatankuasa (AJK) Pusat Muda, Nurainee Haziqah Shafii yang sebelum ini adalah calon Exco Wanita PKR Pusat 2018 dan AJK Srikandi Bersatu pada 2021. Disebabkan hal ini, UMNO kata Muda cakap tak serupa bikin bila sebelum ini janji politik bersih dan tolak politik katak?

Muda kekal tidak terima Ahli Dewan Undangan Negeri (ADUN) dan ahli Parlimen yang lompat dan membelakangkan mandat apabila dipilih oleh rakyat. Kita kekal dengan pendirian tersebut. Walaupun ada yang ingin menyertai, kita tidak membenarkan kerana kita ingin mengangkat politik nilai dan menolak politik tidak berprinsip seperti ini sebab itu bagi saya apabila Langkah Sheraton berlaku, walaupun parti saya berada di tengah-tengah, saya lawan, saya tentang sampai hilang jawatan menteri, dibuang parti yang saya asaskan bersama. Apa yang peliknya, UMNO yang menyebabkan kejatuhan kerajaan negeri di Perak sebelum ini dengan membenarkan politik katak, yang menjatuhkan kerajaan Persekutuan, bersekongkol bersama Bersatu membenarkan politik katak, menjatuhkan kerajaan Sabah, politik katak.

Satu persatu membenarkan, mengangkat politik katak, kini pula hendak kata bawa Muda yang membenarkan politik katak ini. Walhal tidak ada orang yang berkhidmat, dipilih oleh rakyat kita bawa masuk. Sebanyak 92 peratus ahli Muda adalah mereka yang pertama kali menyertai parti politik, ada juga mereka yang berlatar belakang parti-parti yang lain kerana untuk Muda mengangkat dan memartabatkan suara rakyat, kita perlu menyatukan semua. Sebagai contoh, mereka yang tiada pengalaman berpolitik dan juga mereka yang ada pengalaman. Afiqah Zulkifli contohnya sebelum ini adalah totok Pas dan merupakan pemimpin mahasiswa Pas nombor dua, sampai dia digantung pelajaran kerana lantang bersuara membawa kebebasan akademik dan hak untuk mahasiswa berbahas dalam universiti. Ada juga Al-Hafiz yang sebelum ini merupakan pemimpin tertinggi Angkatan Bersatu Anak Muda (Armada), ada juga beberapa nama lain. Kita ada ramai daripada parti-parti lain tetapi mereka bukan Yang Berhormat, tidak diberikan mandat oleh rakyat dan inilah orang yang kita ingin angkat, yang mungkin sebelum ini disisihkan melihat bahawa Muda adalah lembaran politik baru, politik khidmat, politik dasar dan politik nilai yang diangkat untuk menyatukan seluruh rakyat. Bukan sekadar faktor agama dan bangsa tetapi fahaman politik juga. Mereka ingin melihat Muda sebagai jentera, kenderaan untuk berkhidmat, mengangkat hak rakyat Malaysia, membina Malaysia yang maju dan bermaruah. Itu fokus kami. Jadi apa yang UMNO katakan, rasanya lebih baik lihat dahulu rekod mereka dalam mengangkat politik katak dan bagi Muda kita fokus untuk berkhidmat kepada masyarakat.

Ada penganalisis politik mencadangkan Muda bergerak bebas dan tidak dekat dengan mana-mana parti politik untuk membawa pembaharuan sebenar kepada masyarakat. Muda dikatakan melakukan kesilapan bekerjasama dengan Pakatan Harapan (PH) kerana dilihat Muda sebahagian dari mereka. Apa pandangan YB berkeraan cadangan ini?

Kita ingin membina Malaysia yang maju dan mengangkat rakyat yang berbilang bangsa dan agama serta fokus kepada pembaharuan dasar. Dalam hal ini, jika ada parti berkongsi idealisme yang sama, kita perlu cari titik sepakat khususnya apabila kita berdepan dengan gergasi UMNO-Barisan Nasional (BN). Perlu ada titik sepakat tetapi jikalau ada masalah daripada segi idealisme dan pembaharuan yang ingin dibawa, Muda akan kekal dengan pendirian. Itu fokus utama kami, sebab itu dalam kita menyertai PRN Johor, kita sedia dengan apa juga kemungkinan tetapi fokus kami adalah untuk berkhidmat dan membawa politik pembaharuan dan dasar.

Atas pelbagai faktor, seperti keadaan ekonomi meruncing, ada kemungkinan peratusan rakyat yang pulang untuk mengundi di PRN Johor rendah dan ini memberi kelebihan untuk BN menang. Bagaimana Muda nak pastikan

senario peratusan mengundi kurang dapat dielakkan?

Sebab itu kami berharap bahawa PRN Johor ini boleh dijadikan garis penentu kepada kebangkitan rakyat semula. Kita sudah lihat satu persatu tragedi demokrasi. Langkah Sheraton hak rakyat di belakangkan, jatuhkan kerajaan Johor, Sabah, Perak dan yang dipilih oleh rakyat. Selepas itu satu persatu kerajaan negeri ditumbangkan bermula di Melaka, kini Johor dan selepas ini dikatakan Perak dan Kedah selepas itu serta kemungkinan Sabah semula. Tidak ada kestabilan langsung dan parti yang berkata bahawa mereka ingin membawa kestabilan adalah penyebab kepada ketidakstabilan tersebut. Mereka menyebabkan Langkah Sheraton, menyokong Langkah Sheraton, mereka angkat Tan Sri Muhyiddin Yassin tetapi tikam beliau juga, mengangkat Perdana Menteri, Datuk Seri Ismail Sabri Yaacob tetapi ingin menikam beliau semula. Kata kerajaan Ismail Sabri ini paling tidak stabil, kita perlu pergi kepada pilihan raya sekarang. Padahal ini adalah Perdana Menteri daripada UMNO juga, jadi apa yang berlaku selepas ini jikalau ada Perdana Menteri daripada UMNO yang turut tidak mahu ikut kata mereka, jatuhkan lagi sekali. Sebab itu dalam hal ini, kita berharap bahawa rakyat akan keluar mengundi. Hendak mengundi siapa adalah hak rakyat dan kita tidak akan tahu kerana undi adalah rahsia tetapi perlu keluar mengundi kerana undi itu akan menentukan masa depan Johor lima tahun akan datang dan penting untuk kita jadikan ini titik kebangkitan kalangan rakyat supaya akhirnya kita dapat tentukan Johor sebagai negeri yang maju lima tahun akan datang.

Kehadiran 750,000 pengundi muda di Johor dan permulaan kepada Undi18 dikatakan memberi kelebihan kepada Muda. Namun parti lain juga dilihat berlumba-lumba untuk mencalonkan wajah muda dan baru bagi memenangi undi golongan ini. Apa pula strategi lain Muda?

Fastabiqul khairat. Biar kita berlumba-lumba untuk melakukan kebaikan. Saya rasa ini adalah trend yang baik kerana kita

berlumba-lumba untuk melakukan kebaikan membawa pembaharuan calon, cara kita berpolitik dan politik dasar serta bukan setakat untuk membinasakan atau menjatuhkan musuh politik.

Apabila lebih ramai anak muda dicalonkan oleh mana-mana parti politik, saya rasa itu adalah perkara yang baik dan kita perlu berlumba secara sihat. Bagi Muda, kita tidak sekadar melihat tawaran calon semata-mata dan calon kita agak luar biasa daripada segi umur dan trek rekod khidmatnya yang ingin dibawa.

Pada masa sama, kita ingin membawa pembaharuan politik secara keseluruhan. Kita ingin membicarakan soal dasar, penciptaan peluang pekerjaan yang berkualiti, isu gaji minimum, isu alam sekitar yang mengakibatkan banjir teruk di Johor, rumah mampu milik kerana kini hanya rumah mampu tengok dan bukannya mampu milik serta soal pengangkutan awam khususnya kawasan bandar di Johor. Ini adalah isu utama.

Saya juga selalu mengingatkan kepada pimpinan Muda bahawa hanya kerana Muda ini muda, kita mendapat sokongan anak muda. Tidak. Anak muda mahu melihat calon-calon yang berwawasan, rekod khidmat yang baik, tawaran pembaharuan yang ingin dibawa, visi apa parti itu dan semua perkara ini adalah penting. Apabila digabungkan, itulah tawaran menyeluruh bagi anak Johor dan harus dijadikan ketutamaan Muda.

Parti Warisan mengesahkan bahawa parti itu akan bertanding dalam PRN Johor. Dengan adanya parti seperti Warisan dan Pejuang yang turut akan menyertai pilihan raya ini, sejauh manakah peratus kemenangan pembangkang dalam PRN Johor?

Saya tidak boleh mengulas mewakili pembangkang-pembangkang yang lain, tetapi bagi Muda menyertai PRN Johor buat pertama kali, kita mesti realistik. Disebabkan itu, kita ingin menawarkan politik khidmat dan politik dasar yang terbaik. Jika dipilih sebagai kerajaan atau pembangkang, kita bersedia. Walaupun kita menjadi pembangkang tidak mengapa, kita tetap akan berkhidmat sebaik mungkin

kepada rakyat Johor disebabkan kita ingin mempertahankan hak, ingin melatih kepimpinan kita supaya pada masa akan datang dapat menjadi parti yang menawarkan pakej yang terbaik bagi anak Johor dan rakyat Malaysia secara keseluruhan. Fokus kami adalah untuk berkhidmat sebaik mungkin kepada rakyat.

Bagaimana dengan status Muda sebagai rakan strategik PH. Adakah Muda selesa ini akan bersama dengan PH?

Kita bincang status PRN Johor dahulu. Muda telah menandatangani perjanjian supaya tidak ada pertindihan kerusi dan pada masa yang sama mengekalkan identiti Muda untuk menggunakan logo, lambang, membawa visi dan idealisme Muda. Pada masa sama kita tidak mahu bertindih terlalu banyak kerusi supaya kita dapat memfokuskan kepada politik dasar dan nilai yang ingin kita bawa.

Adakah Muda akan melancarkan manifesto sendiri dalam PRN Johor dan apa teras manifesto ini?

Sebagai sebuah parti yang ingin fokus kepada pembaharuan dan politik dasar, tawaran itu sangat penting. Tawaran itu jika kita berada di kedudukan kerajaan ini tawaran kita manakala jika kita berada di kedudukan pembangkang ini adalah fokus dan teras kita sebagai pembangkang yang matang.

Dalam hal ini, ada banyak teras yang dibincangkan. Isu pekerjaan dan penciptaan pekerjaan yang berkualiti, pembukaan sempadan dengan Singapura secara selamat tetapi secepat mungkin supaya ekonomi Johor dapat dihidupkan semula, perbincangan mengenai isu alam sekitar dan tawaran perjanjian hijau baharu kepada rakyat, isu insentif kepada pemain industri khususnya perusahaan kecil dan sederhana (PKS) yang teruk terkesan dan kini varian Omicron yang melanda.

Ada banyak teras utama tetapi tawaran yang kita ingin ketengahkan itu datang daripada rakyat juga kerana Muda selepas ditubuhkan telah melakukan pelbagai jenis kempen mendengar. Bukan kita berceramah kepada rakyat tetapi kita mendengar keluh-kesah dan cadangan mereka, kita berjumpa pakar-pakar dan akhirnya satukan tawaran Muda untuk anak Johor.

Bila manifesto ini akan dilancarkan?

Dalam tempoh terdekat.

Ramai yang mengatakan sekiranya berlakunya pertandingan banyak penjuruh dalam PRN Johor membolehkan BN menang. Apa komen YB mengenai perkara ini?

Tanggungjawab hakiki bagi Muda adalah untuk membawa politik dan tawaran yang baharu kepada anak Johor. Dalam kita merangka strategi untuk kehadapan, adalah penting kita mengurangkan pertindihan kerusi. Jika ada juga ia tidak dapat dielakkan, anak Johor mempunyai hak untuk memilih parti mana yang akan mewakili prinsip idealisme pembaharuan yang ingin mereka lihat di Johor dan Insya-ALLAH dibawa ke peringkat persekutuan. Kuasa itu akhirnya terletak di tangan rakyat.



Syed Saddiq (tengah) bersama wartawan Sinar Ahad, Mohammad Khairil Ashraf (kanan) dan Nurul Huda selepas wawancara eksklusif di Kompleks Karangkraf, Shah Alam baru-baru ini.

Peniaga rugi lebih RM25,000 ditipu beli kereta idaman tak wujud

KUANTAN - Seorang peniaga kedai sukan kerugian lebih RM25,000 selepas menjadi mangsa penipuan jualan kereta terpakai tidak wujud diiklankan melalui laman sosial Facebook, Januari lalu.

Lelaki berusia 62 tahun itu tertarik untuk membeli kereta mewah terpakai jenis Lexus yang ditawarkan pada harga 42,000 dengan pinjaman penuh.

Ketua Jabatan Siasatan Jenayah Komersial Pahang, Superintendant Mohd Wazir Mohd Yusof berkata, mangsa berurusan dengan penjual bernama Lucas Khoo melalui aplikasi WhatsApp.

Jelasnya, suspek yang mendakwa berada di Singapura menghantar dokumen perjanjian melalui WhatsApp dan meminta mangsa mengemukakan maklumat peribadi bersama bayaran RM2,800 untuk proses membawa kereta itu dari Jepun.

"Mangsa membuat bayaran seperti diminta," katanya dalam kenyataan.

Mohd Wazir berkata, pada 21 Januari lalu, mangsa dihubungi suspek dan dimaklumkan bahawa keretanya akan tiba lebih awal dari tarikh yang dijadualkan.

"Mangsa diminta membuat bayaran RM7,407 untuk insurans dan cukai jalan."

"Teruja untuk memiliki kereta idaman, mangsa membuat bayaran itu melalui dua transaksi pindahan wang ke akaun yang diberikan dan kemudian membuat laporan polis setelah menyedari ditipu," ujarnya.

Lelaki ditahan tunggu perbicaraan meninggal dunia

SHAH ALAM - Seorang lelaki yang juga orang kena tahanan (OKT) yang sedang menunggu tarikh perbicaraan disahkan meninggal dunia di Hospital Kota Tinggi, Johor pada Jumaat.

Pengarah Jabatan Integriti dan Pematuhan Standard (JIPS) Bukit Aman, Datuk Azri Ahmad berkata, lelaki berusia 43 tahun tersebut ditahan pada 21 Januari lalu oleh Ibu Pejabat Polis Daerah (IPD) Kota Tinggi di Johor mengikut Seksyen 15 (1) Akta Dadah Berbahaya 1952.

Menurutnya, OKT direman selama empat hari sebelum dituduh pada 25 Januari, namun kerana gagal mendapatkan penjamin, OKT direman di penjara sementara menunggu tarikh perbicaraan yang ditetapkan oleh mahkamah pada 28 Februari.

"Bagaimanapun, OKT ditumpangkan sementara dalam lokap polis ekoran penularan wabak Covid-19 di penjara."

"Pada 16 Februari (Rabu), OKT dihantar ke Hospital Kota Tinggi, Johor untuk menerima rawatan kerana demam dan muntah."

"Hasil ujian mengesahkan OKT positif Covid-19 lalu ditahan di wad untuk rawatan lanjut dan pada 18 Februari (Jumaat) jam 4.15 pagi, OKT disahkan meninggal dunia," katanya dalam kenyataan pada Sabtu.

Beliau berkata, punca sebenar kematian masih belum dikenal pasti dan dalam siasatan polis.

"Unit Siasatan Jenayah dan Kematian Dalam Tahanan (USJKT) JIPS Bukit Aman akan menjalankan siasatan kes kematian ini," ujarnya.

Tommy Thomas nafi terima rasuah

Ketika kendalian kes berkaitan dadah libatkan anak lelaki Vincent Tan

Oleh NURHIDAYAH HAIRON

SHAH ALAM

Bekas Peguam Negara, Tan Sri Tommy Thomas menafikan sekeras-kerasnya dakwaan bahawa dirinya menerima rasuah semasa mengendalikan kes jenayah melibatkan anak lelaki ahli perniagaan terkenal, Tan Sri Vincent Tan.

Jelas Tommy, selepas tertuduh didakwa, peguam-peguamnya mengemukakan representasi bertulis kepada Jabatan Peguam Negara (AGC) agar keputusan pertuduhan dipertimbangkan semula.

Menurutnya, menerima representasi daripada peguam dan tertuduh, serta mengurangkan atau menggugurkan pertuduhan selepas itu adalah perkara biasa dalam AGC.

"Surat-surat ini telah dibawa ke perhatian saya, untuk saya membuat keputusan. Setelah mengkaji representasi dan kertas siasatan (IP), mengkaji peruntukan undang-undang yang berkaitan serta perbincangan dengan pegawai kes (semua timbalan pendakwa raya), saya ingat, saya telah mengurangkan pertuduhan."

RSurat-surat ini telah dibawa ke perhatian saya, untuk saya membuat keputusan. Setelah mengkaji representasi dan kertas siasatan (IP), mengkaji peruntukan undang-undang yang berkaitan serta perbincangan dengan pegawai kes (semua timbalan pendakwa raya), saya ingat, saya telah mengurangkan pertuduhan."

bincangan dengan pegawai kes (semua timbalan pendakwa raya), saya ingat, saya telah mengurangkan pertuduhan," katanya dalam satu kenyataan pada Sabtu.

Tommy menambah, memandangkan tidak mempunyai akses kepada sebarang dokument dan fail diselia oleh pihak yang menyediakan kertas siasatan, beliau tidak dapat mengemukakan sebarang perincian lanjut mengenai kes tersebut.

Bagaimanapun, Tommy menegaskan, sepanjang berkhidmat sebagai penjawat awam, beliau tidak pernah memberi atau menerima rasa daripada sesiapa.

"Oleh itu, saya menafikan sekeras-kerasnya dakwaan bahawa saya telah disogok semasa saya



TOMMY

mengambil keputusan itu (pengurangan pertuduhan).

"Secara kebetulan, saya tidak pernah mengenali Tan Sri Vincent Tan sebelum pelantikan saya. Sepanjang kerjaya profesional saya, saya tidak pernah bertindak untuknya atau banyak syarikat yang telah beliau bina. Saya telah kembali ke Badan

Peguam selama kira-kira satu setengah tahun dan masih tidak mewakili beliau atau perniagaannya," ujar Tommy.

Dakwaan terhadap Tommy itu dibuat di akaun Twitter Edisi Khas dalam satu hantaran pada Jumaat.

Dalam ciapannya, Edisi Khas mendakwa salah seorang anak lelaki ahli perniagaan itu ditahan di atas kesalahan dadah pada 2019 tetapi telah ditutup oleh Tommy.

3 pemilik pusat hiburan, 87 pengunjung dikompaun


KUALA LUMPUR - Polis mengeluarkan kompaun berjumlah RM90,000 kepada tiga pemilik dan 87 pengunjung pusat hiburan di sini kerana melanggar prosedur operasi standard (SOP) Pelan Pemulihan Negara (PPN) Fasa 4 pada Jumaat.

Ketua Jabatan Pencegahan Jenayah Dan Keselamatan Komuniti Kuala Lumpur, Datuk Azman Ayob berkata, kesemua pemilik premis dan pengunjung itu telah dikenakan kompaun RM1,000 setiap seorang.

"Hasil serbuan mendapati kesemua pusat hiburan tersebut telah beroperasi serta melanggar Peraturan 17 Akta Pencegahan dan Pengawalan Penyakit Berjangkit PPN 4 2021," katanya melalui kenyataan pada Sabtu.

Azman menasihati orang ramai supaya sentiasa mematuhi segala SOP yang ditetapkan untuk mengelakkan penularan jangkitan Covid-19 yang masih tinggi.

"Operasi seperti ini akan terus diperlakukan dalam usaha membantu kerajaan mengawal penularan wabak Covid-19 demi kesejahteraan masyarakat," tegas Azman.



Para pengunjung di sebuah pusat hiburan dikompaun oleh polis kerana melanggar SOP PPN Fasa 4 dalam serbuan pada Jumaat.



Program Soul Fitness 2022: Ultimate Happiness menampilkan (dari kiri) Sansubari selaku moderator, Fazrul, Halim dan Jalal Zaiki yang berlangsung di Kompleks Karangkraf, Shah Alam, Selangor pada Jumaat.

Mencari erti kebahagiaan sempurna

Harus dikaitkan dengan kesyukuran kepada ALLAH

Oleh DIANA AZIS

SHAH ALAM

Program Soul Fitness 2022: Ultimate Happiness yang dianjurkan Gabungan Persatuan Alumni Sekolah Berasrama Penuh (GPASBP) pada Jumaat membincangkan topik mencari kebahagiaan yang sempurna.

Program anjuran bersama Yayasan Warisan Ummah Ikhlas (WUIF) yang disiarkan secara langsung dari Studio F, Kompleks Karangkraf itu bertadabur surah As-Sajdah ayat satu hingga 15 sebagai panduan perbincangan berfokuskan kebahagiaan sebenar di dalam Islam.

Ketua Pegawai Penyelidik WUIF,

Fazrul Ismail berkata, erti kebahagiaan yang sempurna tidak wujud di dunia namun ALLAH SWT menyatakan dalam surah Hud ayat 108 sebagai ‘saadah’ yang hanya boleh dikecapi ketika di alam syurga.

“Di dunia kita kena memburu kebahagiaan yang diusahakan di sini (dunia) tetapi hanya dikecapi apabila di syurga,” katanya ketika menjadi panelis pada program berkenaan yang turut disiarkan secara langsung di YouTube dan Facebook TickTalk TV, QuranHour, Sinar Harian dan GPASBP.

Turut menjadi panelis ialah perunding motivasi, Halim Hafidz dan qari, Jalal Zaiki manakala Sansubari Che Mud bertindak sebagai moderator.

Dalam pada itu, Fazrul turut merujuk ayat ke-77 surah al-Qasas yang mengajak manusia mencari pahala menuju alam akhirat.

“ALLAH kata carilah akhirat dengan bersungguh-sungguh, ada orang cari duit

kerana dunia, ada orang cari duit untuk diinfaqkan bagi keredaan ALLAH.

“Dalam masa sama ALLAH kata, jangan lupakan bahagian di dunia tapi pastikan ia mendekatkan kita dengan akhirat, syurga ALLAH,” katanya.

Sementara itu, perunding motivasi, Halim Hafidz memberitahu, erti kebahagiaan bersifat subjektif dan mengikut kemauan masing-masing.

Namun, jelasnya, kebahagiaan mengikut Islam harus dikaitkan dengan kesyukuran kepada ALLAH.

“Maka kita tidak boleh langsung takbur dan membesar diri dengan ALLAH, kita mesti mengembalikan rasa gembira itu kepadaNya.

“Contoh apabila mendapat hidayah yang hanya berlaku kepada golongan yang rapat dengan ALLAH, seperti yang berlaku kepada Rabiatul Adawiyah.

“Apabila dia bermunajat di hadapan ALLAH dan mengatakan aku bukan mahu redha Mu, aku bukan nak hidayah

10 BERITA SINAR HARIAN PALING TRENDING

SETAKAT JAM 5 PETANG SABTU

1 HASANAH ‘KUNCI MULUT’ KEPUTUSAN MAHKAMAH PEGAWAI SPRM CURI RM25 JUTA

2 POLIS KESAN PEMILIK AUDI A4 BERUSIA 20 TAHUN

3 APA JADI DENGAN EBIT LEW?

4 PADAH TETAPKAN SYARAT PEMBELIAN MINYAK MASAK PEKET

5 ZAHID SEDIH NAMA BAPA DIPERMAINAKAN DALAM CERAMAH PN

6 TINGKAP FERI PECAH AKIBAT REMPUHAN AIR SUNGAI

7 IBU MAUT, BAYI TERKELUAR DALAM KANDUNGAN

8 MICHAEL WEISS TERKEJUT LAOS TEWASKAN MALAYSIA

9 HAD JUGA GAJI MAKSIMUM

10 PENDUDUK BIMBANG, LORI KONTENA HALANG LALU LINTAS DI PADANG BESAR

Mu, aku bukan nak maghfirah Mu, tetapi aku nak Kau, ALLAH. Itu kebahagiaan yang dia cari,” katanya.

Dalam pada itu, Jalal pula berpendapat, fitrah manusia secara automatik akan mencari Tuhan apabila diberi ujian, musibah atau ketika mereka rasa ‘hilang’.

“Bagi orang Islam yang kurang amalan, maka kita akan mencari sejадah supaya kita dapat mendekatkan diri dengan ALLAH, masa itu rasa nak bertaubat dan minta pertolongan. Agama lain juga begitu (dekatkan diri dengan Tuhan) mengikut pegangan mereka.

“Kita tidak lari diberi ujian sedemikian dan pada masa itu lumrahnya kita akan mencari Tuhan, dalam ayat ini (As-Sajdah), kita akan bersujud, bertasbih kepada ALLAH (akan) memberikan kebahagiaan sementara di dunia semasa sedang gelisah,” ujarnya.

SKIM DANA WAKAF TUNAI
“Wakaf Pelaburan Akhirat”

LAYARI LAMAN WEB WWW.MAIK.GOV.MY

www.maiik.gov.my

MAJLIS AGAMA ISLAM NEGERI KEDAH
TABUNG AMANAH BAITUMLAI KEDAH

BANK ISLAM 02011010138657

04-7026200

04-7026201

TabungAmanahBaitulmalKedah

SUMBANGAN WAKAF ANDA YANG DIBUATKAN DENGAN RESIT RASMI LAYAK MENDAPAT PELEPASAN CUKU

Jom PAY

Biller Code : 56101

No 1. Nova Prestat

No 2. No. Telefon

Handphone untuk Perkakasan Internet dan Telefon

Wakaf Adu dengan teknologi nombor pengenal

SnapNPay

SKIM DANA WAKAF TUNAI

Scan To Pay

Belanja sakan duit curi RM25 juta

Hasanah enggan ulas lanjut mengenai kes penguasa kanan SPRM curi duit miliknya

Oleh MOHD FAIZUL HAIK
MAT KHAZI

SHAH ALAM



HASANAH



MOHD KHAIRUL

Bekas Ketua Pengarah Organisasi Perisikan Luar Malaysia (MEIO), Datuk Hasanah Abdul Hamid enggan memberikan sebarang komen lanjut mengenai keputusan mahkamah menjatuhkan hukuman penjara tiga tahun dan dua sebatan ke atas seorang penguasa kanan Suruhanjaya Pencegahan Rasuah Malaysia (SPRM) pada Jumaat.

Perkara itu disahkan oleh peguam mewakili Hasanah, Mohd Khairul Azam Abdul Aziz ketika dihubungi wartawan *Sinar Premium* pada Jumaat.

“Anak guam saya (Hasanah) enggan memberi komen lanjut mengenai keputusan kes tersebut,” kata Mohd Khairul Azam.

Pada Jumaat, Hakim Mahkamah Sesyen Suzana Hussin mengenakan hukuman itu terhadap Shahrum Nizam Baharuddin, 41, selepas tertuduh mengaku bersalah terhadap tuduhan pilihan iaitu dengan curangnya menjadikan bagi kegunaan sendiri suatu harta iaitu wang berjumlah AS\$6.94 juta (RM25 juta).

Tertuduh menyatakan wang rampasan SPRM berjumlah AS\$6.94 juta itu dengan membeli pelbagai aset antaraanya rumah, tanah, kereta mewah dan motosikal berkuasa tinggi.

Suzana memerintahkan Shahrum Nizam dipenjarakan bermula dari tarikh tangkap iaitu pada 13 September 2021.

Hakim juga mengarahkan harta yang dibeli dengan wang rampasan iaitu seutas jam tangan Hublot; sebuah kendaraan pacuan empat roda jenama Ford Raptor; sebuah kereta Honda Civic; sebuah kereta jenama Mercedes; dua motosikal berkuasa

tinggi jenama Ducati; sebuah rumah dua setengah tingkat di Kota Warisan Sepang; dua bidang tanah di Jerantut dan wang tunai RM8,700, wang tunai AS\$4.07 juta dan RM1.6 juta dilucut hak kepada kerajaan Malaysia melalui SPRM.

Semasa menjatuhkan hukuman, Suzana berkata, mahkamah menerima pengakuan salah tertuduh yang turut mengakui fakta kes yang dibacakan terhadapnya.

“Mahkamah dapat kamu lakukan kesalahan dan dengan itu kamu disabitkan dengan tuduhan. Mahkamah ambil kira rayuan peguam bela serta hujahan timbalan pendakwa raya dan berharap hukuman ini dapat memberikan pengajaran kepada kamu dan mengelakkan daripada mengulangi kesalahan sama pada masa depan.

“Dengan itu mahkamah menjatuhkan hukuman penjara tiga tahun bermula dari tarikh tangkap dan dua sebatan,” katanya.

Shahrum Nizam didakwa melakukan kesalahan itu di Pejabat Ketua Cawangan Tindakan Khas (CTK), Bahagian Siasatan, Aras 14, Blok C, Ibu Pejabat SPRM, Wilayah Persekutuan Putrajaya antara 17 Disember 2018 dan 9 April 2019.

Simpan dalam peti besi

Dalam pada itu, Timbalan Pendakwa Raya Ahmad Akram Gharib yang membaca fakta kes berkata, wang rampasan itu diserahkan oleh pegawai

penyiasat kepada Ketua Cawangan, Cawangan Tindakan Khas (KC CTK) untuk disimpan dalam peti besi.

Jelas beliau, pada 17 Disember 2018, Shahrum Nizam meminta KC CTK untuk menyerahkan sebahagian wang rampasan untuk dikira dan disahkan ketulenan.

Sebanyak AS\$1.9 juta daripada jumlah keseluruhan wang rampasan diserahkan kepada tertuduh bagi tujuan itu tetapi Shahrum Nizam hanya mengambil AS\$800,000 manakala bakinya diserahkan semula pada KC CTK.

Tertuduh bagaimanapun membawa AS\$800,000 itu keluar dari bangunan SPRM untuk ditukarkan kepada Ringgit Malaysia dengan bantuan seorang individu.

Pada 9 April 2019, ujarnya, tertuduh sekali lagi meminta wang rampasan dan membawa keluar wang AS\$2.47 juta untuk ditukar kepada Ringgit Malaysia.

“Tertuduh turut menyerahkan sebuah beg berwarna ungu berisi AS\$4.07 juta untuk disimpan kenalannya bagi dijadikan modal perniagaan.

“Perbuatannya terbongkar apabila pada 23 Ogos 2021, Mahkamah Majistret Kuala Lumpur memerintahkan wang rampasan dipulangkan semula kepada Bahagian Penyelidikan (RD), Jabatan Perdana Menteri (JPM). Selepas diserahkan, periksa mendapat wang rampasan diragui ketulennannya,” katanya.

Ahmad Akram memberitahu, selama Shahrum Nizam diamanahkan terhadap wang rampasan itu, dia melupuskan sebahagian wang eksibit AS\$6.94 juta dengan menukar kepada Ringgit Malaysia melalui dua saksi.

Hasil siasatan mendapat tertuduh membelanjakan sejumlah RM2,713,730 untuk membeli aset di antara 17 Disember 2018 hingga kini.

Beli rumah, jam tangan mewah secara tunai

Beliau menambah, tertuduh membeli aset mewah dengan membuat 13 kali transaksi bayaran secara tunai untuk membeli sebuah rumah dua setengah tingkat di Kota Warisan, Sepang; empat unit jam tangan jenama Hublot Big Bang; dua unit jam tangan Tag Heuer dan dua unit jam tangan jenama Rolex secara tunai dengan nilai keseluruhan pembelian sebanyak RM397,580.

Menurutnya, tertuduh juga membeli sebuah kendaraan pacuan empat roda jenama Ford Raptor 2.0 secara tunai berjumlah RM219,000; dua bidang tanah di Jerantut seluas 2.996 hektar bernilai RM333,220 atas nama tertuduh dan 1.244 hektar bernilai RM150,000 atas nama isterinya.

“Tertuduh juga membeli sebuah kereta jenis Honda Civic Type R 2.4L Turbo bernilai RM290,030; sebuah motosikal Ducati 1199 Superleggera bernilai RM300,000 dan sebuah kereta Mercedes Benz A250 Sport bernilai RM130,000.

“Pada 21 September 2021, SPRM menyita wang tunai berjumlah RM1.6 juta daripada saksi yang mana tertuduh serahkan wang kepada saksi itu untuk dijadikan modal perniagaan balak,” jelasnya.

Shahrum Nizam yang diwakili peguam Ahmad Hafiz A Bakar sementara itu memohon hukuman ringan atas alasan anak guamnya mengaku salah terhadap pertuduhan pilihan.

Ahmad Hafiz berkata, tertuduh berkhidmat dengan SPRM sejak 14 November 2005 dan dia memperoleh anugerah perkhidmatan cemerlang sebanyak empat kali.

Selain itu, katanya, tertuduh menghidap kanser hidung dan satu laporan perubatan dari sebuah hospital swasta turut dikemukakan kepada mahkamah.

ITEM	DETAILED DESCRIPTION
DUCATI	BELI DUA BUAH MOTOSIKAL DUCATI
HUBLOT	BELI 8 JAM TANGAN MEWAH BERNILAI RM397,580 ANTARANKA JENAMA HUBLOT & ROLEX
Mercedes-Benz	BELI MERCEDES-BENZ A250 SPORT BERNILAI RM130,000
KAYU BALAK	SERAH RM14 JUTA KEPADA SEORANG RAKAN SEBAGAI 'PERSEDIAAN' UNTUK DIJADIKAN MODAL PERNIAGAAN KAYU BALAK.
HONDA	BELI SEBUAH HONDA CIVIC TYPE R 2.4L TURBO BERNILAI RM290,030
FORD	BELI SEBUAH PACUAN EMPAT RODA FORD RAPTOR 2.0 BERNILAI RM219,000
TANAH	BELI DUA BIDANG TANAH DI JERANTUT, PAHANG BERNILAI RM483,220
RUMAH	BELI SEBUAH RUMAH DUA SETENGAH TINGKAT DI TAMAN SURIA WARISAN, KOTA WARISAN, SEPANG BERNILAI RM750,000.

Penguasa kanan SPRM dipenjaraka tiga tahun

Salah guna wang rampasan bernilai AS\$6.94 juta

BERITASIARAN

Malah amanah yang menganggap ia tidak berpunca dari seseorang pihak yang lain

dan bukannya hasil kerja atau usaha sendiri

ataupun hasil kerjaya dan usaha sendiri

Dominasi Gaya Hidup

sinarplus

sinarplus.sinarharian.com.my

MEMBINA PERSPEKTI
Sinar Ahad
sinarharian.com.my



Untuk membaca artikel-artikel lain yang menarik, imbas kod QR ini.

**Varian
Omicron**
tak boleh
dipandang
ringan

//16 & 17

**Anak
gagap**
boleh
diatasi

//18

**Kongsi aib
pasangan**
di laman
sosial semakin
menjadi-jadi

// 24

**Saranan
Juliana
Ramble**

//20 & 21



'Karakter' Omicron yang merisaukan



- Angka penularan yang tinggi memicu kekhawatiran dunia lantaran ia lebih mudah bermutasi berbanding varian Delta
- Para saintis antarabangsa menekankan bahawa tiada data yang mencukupi untuk menjamin dos ke-4 atau imunisasi pada masa kini
- Varian baharu Omicron dikatakan sangat berisiko bagi kumpulan usia 40 tahun atau lebih muda

Oleh MAZLINA ABDUL MAJID

SETAKAT Jumaat lalu, varian Omicron sudah menular di lebih 77 buah negara. Menurut Pertubuhan Kesihatan Sedunia (WHO), setengah juta kematian telah dilaporkan sejak varian berkenaan muncul pada penghujung tahun lalu. WHO menggelarkan angka kematian itu sebagai 'satu perkara yang tragis pada era kehadiran vaksin.'

Berdasarkan Statista iaitu satu pangkalan antarabangsa yang menganalisis pelbagai jenis data menunjukkan United Kingdom adalah negara paling ramai menderita *Variants of Concern* itu dengan 457,256 kes.

Ia diikuti dengan Amerika Syarikat (AS) sebanyak 372,890 kes, Denmark (71,831), Jerman (48,960), Kanada (31,563) dan Perancis (30,075) setakat semalam.

Omicron yang turut dikenali sebagai varian B.1.1.529 pertama kali 'menjelma' di Afrika dan Hong Kong pada November 2021. Ia kemudian menjalar masuk ke sebahagian besar negara Eropah, AS termasuk Malaysia sebulan selepas itu.

Saat artikel ini ditulis, saintis WHO masih belum dapat mengklasifikasi tahap keterukan jika seseorang terkena varian tersebut.

Bagaimanapun, ujar **Ketua Bahagian Teknikal Covid-19, WHO, Dr Maria Van Kerkhove**, berdasarkan laporan awal, Omicron adalah lebih ringan berbanding Delta.

"Namun, jangan tertipu. Meskipun kurang teruk, virus ini (Omicron) boleh menjaskan populasi yang terdedah terutamanya warga emas. Jika mereka dijangkiti mana-mana varian SARS-CoV-2 termasuk Omicron, mereka masih berisiko tinggi," katanya dalam satu wawancara khas bersama WHO minggu lalu.

Ketika dalam satu sesi soal jawab di Geneva, Switzerland pula, beliau berkata, varian yang dikatakan 70 kali lebih mudah menular berbanding Delta, tidak akan

membuatkan seseorang sakit seperti varian Alpha mahupun Delta, walaupun virus berkenaan menular lebih cepat.

Ahli Epidemiologi Penyakit Berjangkit, AS itu menambah, agensi kesihatan global telah menjelaki empat versi Omicron yang berbeza, dengan subvarian BA.2 lebih menular daripada versi BA.1 (yang mendominasi kes di seluruh dunia pada masa ini). Di beberapa negeri di AS, transmisi BA.2 sudah berlaku dengan lebih 400 kes direkodkan setakat ini.

Kongsi Dr Van Kerkhove lagi, penyelidik di Denmark mendapati BA.2 adalah kira-kira 1.5 kali lebih mudah merebak daripada BA.1 dan 'lebih mahir' menjangkiti orang yang telah divaksinasi.

Pun demikian, mereka telah diberi vaksin sepenuhnya, kurang berkemungkinan menyebarkannya berbanding mereka yang tidak disuntik.

"Suntikan (vaksin) kekal sangat berkesan untuk mencegah penyakit yang teruk dan kematian, walaupun ia tidak menghalang semua jangkitan. Saya menyeru orang ramai untuk mendapatkan vaksin dan memakai pelitup muka di dalam

rumah," saran beliau.

Ciri khas lain

Dalam pada itu, berdasarkan jurnal *Eurosurveillance*, terdapat lapan simptom utama Omicron iaitu batuk, hidung berair, keletihan, sakit tekak, sakit kepala, sakit otot termasuk demam dan bersin.

"Demam dan bersin paling jarang berlaku. Pakar kesihatan awam turut menambah, loya juga tersenarai kepada individu yang divaksin," kata jurnal berkenaan.

Kepada *Independent UK, Pengasas, Aplikasi Kajian Gejala ZOE, Profesor Tim Spector* pula berkata, petanda lain adalah seseorang akan mudah letih.

"Letih di sini bermaksud seseorang akan sakit kepala, otot menjadi lemah, penglihatan kabur dan hilang selera makan. Pada masa sama, gejala pening dan pengsan juga boleh terjadi," katanya.

Kepada media sama, **Perubatan Afrika Selatan, Dr Angelique Coetzee** dipetik sebagai berkata, keletihan adalah salah satu simptom utama Omicron apabila varian itu tercerus di Afrika Selatan.



Namun, jangan tertipu. Meskipun kurang teruk, virus ini (Omicron) boleh menjaskan populasi yang terdedah terutamanya warga emas. Jika mereka dijangkiti mana-mana varian SARS-CoV-2 termasuk Omicron, mereka masih berisiko tinggi."

- Dr Maria Van Kerkhove



Apabila melihat data, ia akan menentukan sama ada Omicron dilindungi dengan baik oleh dos ketiga dan untuk berapa lama? Pada pandangan saya, kita memerlukan dos keempat. Kita perlu tunggu dan lihat kerana kita masih mempunyai maklumat yang sedikit tentang varian itu."

- Albert Bourla



Usia adalah faktor utama yang melemahkan sistem imunisasi tubuh. Jika anda berusia di bawah 45 tahun dan tak mempunyai sebarang penyakit kronik, risiko untuk mati disebabkan Covid-19 adalah sangat rendah. Namun begitu, diingatkan, risiko ini kian bertambah dengan peningkatan usia seseorang."

- Dr Nurul Yaqeen Mohd Esa

Mengukuhkan pandangannya, dalam tinjauan pendapat oleh *Web MD* pada 23 Disember 2021 hingga 4 Januari lalu, 40 peratus wanita melaporkan mereka bergelut dengan masalah kepenatan, berbanding satu pertiga golongan lelaki.

Pun demikian, laporan daripada **Centers for Disease Control and Prevention (CDC)** dan **Johns Hopkins Medicine** menunjukkan sedikit kelainan apabila cirit-birit juga merupakan salah satu 'karakter' Omicron.

Dalam kajian Johns Hopkins Medicine menunjukkan, sekitar 20 peratus pesakit cenderung mengalami petanda itu sebagai gejala awal.

"Namun, penting untuk diingat bahawa ia (cirit-brit) bukan satu-satunya gejala Covid-19 Omicron," kata mereka.

Mengulas mengenai sejah mana vaksin melindungi kita daripada mutasi baru, **Pakar Penyakit Berjangkit, Cleveland Clinic Main Campus, AS, Kristin Englund** memberi penjelasan.

Katanya, data awal daripada Pfizer menunjukkan, walaupun dua dos suntikan awal kurang berkesan terhadap varian Omicron, dos penggalak membantu meningkatkan antibodi dalam sistem imun manusia sebanyak 25 kali ganda dan sepatutnya menawarkan lebih banyak perlindungan.

"Belum ada maklumat mengenai keberkesaan vaksin Moderna atau Johnson & Johnson terhadap Omicron, tetapi penyelidikan oleh syarikat tersebut sedang dijalankan.

"Syarikat yang menghasilkan vaksin sudah pun mengkaji cara vaksin boleh diubah untuk melawan Omicron. Teknologi mRNA menjadikannya lebih mudah untuk mengubah suai vaksin dengan lebih cepat. Jika perlu, mereka boleh mempunyai vaksin baharu terhadap varian yang muncul dalam tempoh tiga hingga empat bulan," kata Dr Englund kepada *CNBC*.

Dos seterusnya?

Adakah apa yang diperkatakan beliau membawa maksud dos keempat diperlukan pada masa akan datang? Di AS, pertanyaan itu sudah dijawab oleh **Ketua Penasihat Perubatan, White House, Antony Fauci**.

Fauci telah membayangkan

PERBEZAAN antara simptom varian Omicron dan Delta

Omicron	PERBEZAAN	Delta
B.1.1.529	GALUR	B.1.617.2
Afrika Selatan	PERTAMA DIJUMPAI	India
>30	MUTASI PROTEN	>10
26 November 2021	PENATAPAN VoC	11 Mei 2021
70 kali lebih menular daripada Delta.	PENULARAN	Lebih menular daripada varian sebelumnya.
Jauh lebih rendah berbanding Delta.	TAHAP KEPARAHAN	Lebih tinggi daripada varian sebelumnya.
Perlukan bukti lanjut.	KEBERKESANAN VAKSIN	Tingkat keparahan dan kematian berkurangan jika individu mempunyai vaksin lengkap.

GEJALA



Sumber Hong Kong University

kemungkinan terdapat keperluan untuk rangsangan dos keempat di negaranya bagi memerangi Omicron atau dikenali sebagai 'varian kebimbangan' di AS.

Sementara itu, Ketua Pegawai Eksekutif Pfizer, Albert Bourla memberitahu CNBC, dos seterusnya (yang keempat) diperlukan selepas penyelidikan awal mendapati varian Omicron boleh menjelaskan antibodi.

"Apabila melihat data, ia akan menentukan sama ada Omicron dilindungi dengan baik oleh dos ketiga dan untuk berapa lama? Pada pandangan saya, kita memerlukan dos keempat. Kita perlu tunggu dan lihat kerana kita masih mempunyai maklumat yang sedikit tentang varian itu," kata Bourla.

Dalam hal tersebut, WHO nampaknya masih belum memutuskan sama ada suntikan penggalak global perlu dilaksanakan atau sebaliknya.

Pun demikian, pada Disember tahun lalu, Israel menjadi negara pertama yang meluluskan dos keempat vaksin Pfizer-BioNTech yang dikatakan meningkatkan antibodi lima kali ganda seminggu selepas suntikan diberikan, lapor *Healthline*.

Terbaru adalah negara Korea Selatan.

Kepada yang tertanya-tanya, sampai bilakah dos penggalak akan 'tamat tarikh luput', *SinarPlus* kembali merujuk kenyataan CDC.

Ujar mereka, keberkesanan suntikan penggalak vaksin Covid-19 berkurangan selepas kira-kira empat bulan. Namun, ia masih memberikan perlindungan yang ketara dalam menghalang orang ramai terus 'menghuni' hospital.

Dalam satu kajian, penyelidik CDC mendapati, suntikan penggalak kekal sangat berkesan terhadap Covid-19 tahap sederhana dan teruk selama kira-kira dua bulan selepas dos ketiga.

Namun, ia menurun dengan ketara kepada 78 peratus selepas empat bulan.



SAINTIS masih berusaha mencari formula berkesan untuk menangani virus Covid-19.

Justeru, kajian itu menyebut, keperluan penggalak tambahan diperlukan.

Apa-apapun pendapat yang diutarakan, apakah langkah terbaik untuk melindungi diri daripada Omicron? Seperti kata Dr Van Kerkhove, adalah lebih baik untuk mendapatkan vaksin.

Kenyataannya selari dengan Dr Coetze yang memberi amaran kepada mereka yang enggan berbuat demikian.

Pada masa sama, katanya, varian Omicron sangat berisiko kepada mereka berusia 40 tahun atau lebih muda.

Justeru, pendekatan asas seperti penjarakkan sosial, memakai pelitup muka, memastikan pengudaraan yang baik dan elak kesesakan di tempat awam merupakan prosedur yang wajib dipatuhi. **SP**



PENDUDUK dunia sangat digalakkan mengambil suntikan vaksin bagi mencegah penularan varian terbaru yang mudah merebak, Omicron.

Dos keempat: Malaysia wajar ikut saranan CDC dan WHO

Covid-19 yang perlu dimasukkan ke hospital dan 85 peratus kes kematian yang telah direkodkan adalah dalam kalangan warga emas.

"Terdapat beberapa laporan dari Seattle dan Washington, Amerika Syarikat serta United Kingdom menunjukkan pesakit warga emas yang telah divaksin akan tetap mempunyai risiko yang tinggi untuk mendapat virus Covid-19 serius dan kritikal berbanding kanak-kanak yang tidak divaksin.

"Usia adalah faktor utama yang melemahkan sistem imunisasi tubuh. Jika anda berusia di bawah 45 tahun dan tidak mempunyai sebarang penyakit kronik, risiko untuk mati disebabkan Covid-19 adalah sangat rendah.

"Namun begitu, diingatkan, ia (risiko) kian bertambah dengan peningkatan usia dan dengan adanya penyakit kronik," jelasnya.

Mengenai kanak-kanak, Dr Nurul Yaqeen berkata, disebabkan statistik kes dan kematian didapati meningkat di negara Malaysia dalam enam bulan kebelakangan ini, maka sewajarnya vaksinasi untuk si cilik perlu diberikan.

"Kanak-kanak juga berhak mendapat perlindungan sebagaimana orang dewasa," katanya.

Berdasarkan perkongsian Dr Nurul Yaqeen, seramai 63 kanak-kanak berusia bawah 12 tahun di Malaysia dilaporkan meninggal dunia akibat dijangkiti Covid-19 dengan 270,000 orang dijangkiti.

Beritahu beliau, kelompok itu terdedah dengan komplikasi serius akibat dijangkiti Covid-19, khususnya sindrom keradangan pelbagai sistem dalam kanak-kanak (MISC).

Penyelidikan di 14 hospital kerajaan di seluruh negara dalam tempoh tiga bulan antara November 2021 hingga Januari lalu mendapati, 174 kes MISC dilaporkan (akibat Covid-19).

Sementara di 14 buah hospital Kementerian Kesihatan Malaysia pula mendapati, 174 kanak-kanak dimasukkan ke ICU disebabkan MISC selepas dijangkiti virus korona dan tujuh daripadanya telah meninggal dunia.

"Ini adalah jumlah yang tinggi dan perlu diberikan perhatian serius," katanya.-MAZLINA ABDUL MAJID

Petua pulihkan anak gagap

Ibu bapa jangan terlalu gopoh memotong percakapan, luangkan lebih banyak masa untuk berbual dengan si kecil



Oleh NURUL FADILA AWALUDIN

La..lapar! Nak ma..ma.. makan nasi." Pernyataan kanak-kanak sebegini mungkin dilihat comel tetapi jika dibiarkan tanpa rawatan, si kecil boleh mengalami gagap kekal.

Menurut *Hello Doktor*, gagap merupakan salah satu gangguan pertuturan perkataan berulang sehingga menyebabkan kesukaran untuk menyatakan sesuatu perkara dengan jelas.

Situasi tersebut turut disertakan dengan tingkah laku seperti mata cepat berkedip dan geletar atau tremor pada mulut.

Dalam kalangan kanak-kanak lingkungan usia dua hingga lima tahun, pengulangan sama ada satu atau dua perkataan dalam ayat boleh berlaku.

Beberapa penyebab seperti sejarah keluarga, perkembangan pembelajaran dan tekanan perasaan, antara kriteria si kecil berdepan dengan masalah itu.

Natijahnya, situasi tersebut pasti akan menjaskan kualiti komunikasi kanak-kanak kerana mereka sukar menjelaskan keinginan atau emosi kepada individu lain dengan jelas.

Itu satu hal. Namun, paling menakutkan, si kecil berkemungkinan akan menjadi



NAWAL

mangsa buli, ejekan atau usikan rakan-rakan sekeliling yang berpendapat bahawa gagap adalah satu hal yang melucukan.

Meskipun terdapat beberapa individu sebegini yang genius, berpengaruh dan terkenal seperti Issac Newton, George Washington dan Stephen Hawking yang boleh dijadikan idola tetapi kemelut berkenaan perlu dicegah sebaiknya.

Tiada punca jelas

Mengulas lanjut mengenai perihal itu, Ahli Terapi Bahasa dan Pertuturan, Pusat Pertuturan dan Pendengaran, Pusat Perubatan Sunway, Nawal Mohd Shafie berkata, gagap tidak boleh diklasifikasikan sebagai masalah kesihatan.

Jelas Nawal, ia lebih terdorong kepada gangguan kelancaran sebutan pada peringkat perkataan atau ayat.

Pada masa sama, kanak-kanak yang berusia antara tiga tahun enam bulan dan ke atas lebih cenderung untuk berdepan dengan gagap kekal sekiranya tidak mendapatkan rawatan sewajarnya.

Kepada satu soalan, kata beliau, tiada punca jelas yang boleh dikaitkan. Namun, mereka yang memiliki ahli keluarga yang gagap berpotensi untuk mengalami kondisi berkenaan.

Dari satu sudut, individu gagap dipercayai mempunyai kelainan pada fungsi otak ketika mereka bertutur.

Secara asasnya, ujar Nawal, gagap terbahagi kepada tiga bahagian iaitu gagap neurogenik (gangguan saraf), psikogenik (tekanan emosi) dan perkembangan (pembelajaran).

Gagap neurogenik berpunca daripada gangguan saraf otak akibat kecederaan atau masalah kesihatan.

Psikogenik pula terjadi disebabkan trauma psikologi, manakala perkembangan pula kerap berlaku ke atas kanak-kanak di bawah usia lima tahun dan ia akan beransur pulih dari masa ke masa.

Mengulas lanjut, Nawal berkata, gagap bukanlah sesuatu yang luar biasa



GURU antara individu yang memainkan peranan penting bagi membantu kanak-kanak yang mengalami masalah gagap.

ANEKDOT

SOLUSI lain atasi anak gagap

1) Latih kemampuan anak berbicara secara kerap

- Selain berjumpa pakar, ibu bapa atau penjaga disarankan untuk melatih kemampuan anak bercakap di rumah.
- Menghadapi anak yang gagap memang memerlukan kesabaran yang tinggi. Oleh itu, dengarkan dengan baik dan saksama apa yang diucapkan mereka.
- Jangan biarkan anak mengetahui anda rasa terganggu atau tidak sabar ketika mereka sedang berbicara.

2. Bercakap atau bersempang dengan tenang

- Selain mendengar apa yang hendak diperkatakan, cuba bersempang dengan mereka secara tenang dan perlahan.
- Selain itu, pastikan juga suasana rumah tidak terlalu hiruk-pikuk, nyaman dan selesa, selain minta ahli keluarga lain turut menyokong anak yang gagap.

3. Hindari perkataan tertentu

- Ketika mengetahui anak mengalami gagap, anda mungkin ingin mengatakan, 'cakaplah perlahan-lahan' atau 'cuba cakap dengan jelas'. Ya, tujuannya baik, namun anda diminta untuk menghindari perkataan tersebut agar si anak tidak kehilangan kepercayaan kepada dirinya.

4. Ajak si kecil membaca

- Cara ini dapat mendidik anak untuk bernafas dengan baik saat berbicara. Meski mungkin pada awalnya susah, anda perlu sabar dan membantunya secara perlahan-lahan.
- Satu lagi, ibu atau bapa mungkin dapat meluangkan waktu untuk bersempang berduaan dengan anak agar mereka akan rasa lebih selesa dan yakin.

Sumber Editor Perubatan Aladokter, Dr Kevin Adrian



MELAKUKAN aktiviti bersama anak-anak boleh menggalakkan mereka untuk berkomunikasi dengan baik dan pada masa sama menyuntik keyakinan dalam diri si kecil.

"Luangkan masa untuk berbual dengan anak-anak bagi membantu mereka bertutur dengan lancar, sekali gus menambah keyakinan mereka.

"Pada masa sama, jangan rasa malu bersempang dengan anak sendiri tatkala berada di hadapan khalayak," ujarnya.



Tenangkan fikiran yang berserabut

Selain kekal cantik, memiliki kesihatan mental yang baik juga elemen yang dititikberatkan oleh influencer terkenal, Fatin Noraishah Shafika

Oleh NURUL FADILA AWALUDIN

KUASA seorang influencer memang luar biasa. Mereka tidak perlu pandai berlakon atau menyanyi, cukup hanya bersandarkan dengan konten yang dibawa.

Jika kacak atau jelita, itu satu bonus terbesar kepada golongan berkenaan yang semakin lama bertambah dari segi angkanya.

Menjadi resam seorang influencer, setiap perkongsian melibatkan fesyen,



FATIN selesa menggayakan pakaian yang sedikit besar dan longgar bagi menjamin keselesaan sepanjang hari.

pandangan atau apa sahaja yang dipakai sentiasa menarik perhatian dan menjadi ikutan peminat tidak mengira usia.

Semua aura itu dimiliki oleh Fatin Noraishah Shafika Che Mat Aripin yang aktif memuat naik variasi penggayaan fesyen di laman Instagramnya.

Bukan sahaja boleh dijadikan sebagai rujukan, bahkan perkongsian wanita berusia 28 tahun berkenaan juga boleh memberi inspirasi kepada mereka yang ingin bereksperimen dengan penampilan baru.

Melihat kepada pesona yang dimiliki oleh anak jati Selangor itu sudah cukup untuk membuatkan ramai tertumpu kepada dia, sementelah setiap stail yang diketengahkan mempunyai daya tarikan tersendiri.

Mungkin disebabkan itu, beberapa jenama tempatan seperti Nurita Harith, Naelofar dan Lily Petuna memilih beliau untuk memperagakan rekaan mereka.

Mesra disapa sebagai Fatin, wanita itu tidak hanya melontarkan pandangannya tentang fesyen, malah beliau turut memecah rahsia penjagaan kulit wajah, kesihatan termasuk penampilan sebagai wanita berhijab. Ikuti temu bual *SinarPlus* bersama beliau.

SINARPLUS (SP): Bagaimanakah anda menjaga kesihatan kulit wajah. Adakah anda pernah mengalami sebarang alahan pada kulit yang teruk sebelum ini?


FATIN: Salah satu usaha untuk mengecilkan bahagian pori-pori wajah, saya akan meletakkan ketulan ais pada bahagian muka sebelum mengenakan solekan.

Pemakaian krim pelindung matahari dan pelembab juga amat penting dan perlu dijadikan sebagai rutin. Ya, saya memang rajin melakukannya.

Sebelum ini, saya pernah mengalami masalah kulit muka yang teruk atau breakout tetapi saya mengambil pendekatan merehatkan diri seketika daripada memakai sebarang solekan dan cuba untuk mendapatkan rawatan di spa kecantikan.

SP: Pemakaian pelitup muka sudah menjadi satu kewajipan pada masa kini. Adakah anda pernah mengalami sebarang alahan kulit wajah apabila memakai pelitup muka?

FATIN: Secara peribadi, saya tidak pernah mengalami sebarang alahan disebabkan memakai pelitup muka. Namun, kepada mereka yang berdepan dengan masalah itu, kena sentiasa rajin untuk menukar pelitup



MEMBERSIHKAN wajah daripada solekan dan kotoran menjadikan perkara wajib dalam mengelakkan kebersihan serta kesegaran kulit muka.

muka terutamanya bagi mereka yang memakai solekan sepanjang hari.

Permukaan muka yang lembab disebabkan peluh juga menyebabkan bahagian pori-pori menjadi tersumbat sehingga berlakunya jerawat.

SP: Beralih tentang penjagaan fizikal, bagaimanakah anda mengekalkan bentuk tubuh dan apakah jenis senaman yang dilakukan?

FATIN: Lazimnya, saya akan meluangkan masa untuk bersenam di gimnasium atau berjogging. Bagi aspek pemakanan pula, saya cuba elak mengambil makanan berat terutama pada waktu malam. Selain itu, saya juga tidak terlalu mengambil makanan manis atau pencuci mulut dan banyakkan minum air putih.

SP: Siapakah yang menentukan gaya atau pilihan pakaian untuk dimuat naik ke Instagram? Apa stail fesyen kegemaran anda?

FATIN: Apabila bercakap soal fesyen, saya lebih gemarkan gaya atau pakaian yang dapat membuatkan saya berasa selesa dan sesuai. Sejurusnya, saya sendiri yang menentukan pilihan gaya atau padanan busana yang akan dipakai ataupun dimuat naik di media sosial. Paling penting, pakaian itu perlu sedikit longgar dan besar.

SP: Sebagai seorang wanita berhijab, bagaimanakah anda menjaga kesihatan rambut agar kekal sihat? Adakah anda menggunakan sebarang petua tradisional?

FATIN: Selalunya apa yang dilakukan adalah memotong rambut setiap empat bulan sekali. Jika ada masa terluang, saya akan



MENGHABISKAN masa bersama suami, Akmal Hizzat Azizan meskipun meraikan hal yang kecil, menjadi antara terapi buat Fatin menghilangkan stres.

memanjakan diri dengan menggunakan bahan organik bagi mendapatkan penjagaan rambut semula jadi. Saya turut menggunakan santan kelapa asli yang diperah. Jangan guna santan segera pulalah ya!

SP: Selain penjagaan tubuh badan, apakah yang anda lakukan bagi menjamin kesihatan mental?

FATIN: Penjagaan kesihatan mental amat penting bagi mengawal stres. Untuk mengatasi masalah itu, saya akan meraikan hal-hal yang kecil bersama suami atau luangkan masa membeli-belah. Paling penting, jangan biarkan minda dibelenggu dengan aura dan pemikiran negatif.

Sentiasa luangkan masa dengan persekitaran yang baik dan individu yang memberi sokongan terhadap apa juga perkara yang kita lakukan.

Sekiranya mempunyai sebarang masalah, saya akan kongsikan dengan keluarga atau teman rapat agar tidak memandamnya sendiri. Dengan itu, saya dapat mendengar pendapat orang lain juga. Setidak-tidaknya mungkin pandangan mereka dapat memberi solusi kepada masalah yang kita hadapi. **SP**



KETULAN ais dapat membantu mengelakkan pori-pori pada wajah. Pendekatan ini bagus dilakukan sebelum mengenakan solekan.

Kesihatan bukan hal yang boleh dikompromi



- Pengalaman lalu menjadikan pengacara program *SinarPlus*, DNA, Juliana Ramle lebih beringat dan sangat menekankan aspek penting itu
- Beliau juga menceritakan transisi kerjayanya daripada seorang kerani sehingga berada pada posisi sekarang



Oleh ARZIANA MOHAMAD AZAMAN

SEJAK lebih setahun lalu, pasukan produksi *SinarPlus* memilih Juliana Ramle sebagai pengacara bagi program signatur kami iaitu *DNA* (Doktor & Anda) dan *Borak Bibir Merah*.

Sepanjang berurusan dengannya, beliau tidak pernah menimbulkan masalah dan kekal dengan disiplin yang tinggi. Orangnya juga ramah dan berbudi bahasa.

Berdasarkan portfolio, kerjaya Juliana atau mesra disapa Jue bermula di Astro Awani sebelum berhijrah ke NTV 7.

Kemudian empunya diri melangkah ke hadapan menjadi pengacara dalam satu rancangan membeli-belah terkemuka, *Go Shop*. Kepada kalian yang pernah menonton program tersebut, kepetahannya mempromosi barang memang mengujakan.

Mungkin ramai berpandangan, wanita ligat berkenaan sudah menanam cita-cita untuk menjadi seorang selebriti televisyen sejak kecil.

Namun, saat ditebak soalan itu, Jue dengan jujur berkata, ia tiada langsung dalam senarai cita-citanya. Senang cerita, beliau tidak terfikir langsung!

"Kalau tanya apa cita-cita saya sebelum ini, memang saya akan cakap mahu menjadi doktor, peguam, saintis atau guru kerana memikirkan ia satu kerja tetap dan menjamin masa depan.

"Saya juga fikir mahu cari kerja yang ada potongan KWSP supaya ada simpanan hari tua. Itu bermakna, saya langsung tak pernah berangan berada di depan kaca televisyen untuk membaca berita atau menjual barang," ceritanya mengimbau kenangan silam.

Kita boleh merancang itu dan ini, namun ALLAH SWT sebaik-baik perancang. Cerita Jue, pada umur 19

tahun, beliau diajak untuk menghadiri satu uji bakat. Ketika itu, dirinya hanyalah seorang kerani di Astro Awani sebaik menamatkan pengajian di Kolej Cosmopoint, Kuala Lumpur.

"Bos saya pada masa itu yang minta saya cuba uji bakat sebagai pengacara program hiburan, punyalah cuak, habis menggigil satu badan. Namun, saya beranikan diri untuk mencuba. Tidak sangka pula boleh lepas dan saya menjadi pengacara paling muda ketika itu," kongsi graduan dalam bidang kesetiausahaan itu.

Maka, bermulalah transisi baharu dalam dirinya. Meskipun terlalu 'hijau', Jue akui banyak belajar daripada pasukan senior yang berpengalaman di Astro Awani.

Untuk beberapa ketika, beliau pernah memperlakukan karier dan berhenti kerja selepas mendirikan rumah tangga.

Pun demikian, ibu kepada dua cahaya mata itu tetap meneruskan kerja-kerja sambilan, di samping membuat rebiu produk berbayar.

"Selepas anak sudah besar, saya kembali bekerja dan terima tawaran sebagai penyampai berita di NTV7 untuk tempoh setahun sebelum terlibat secara langsung dalam rancangan *GoShop*.

"Mungkin sudah jiwa di situ, kepuasan bercakap dan mengacara membuatkan saya lebih yakin dengan diri sendiri. Sebab itu, kalau ada tawaran yang sesuai, memang saya akan rebut," katanya.

Cinta mummy dan abah

Di sebalik keceriaan wanita berusia 34 tahun itu, tersemat kisah yang cukup menusuk kalbu. Kesedihan yang ditanggungnya turut dirasai oleh pasukan produksi DNA dan *Borak Bibir Merah*.

Tahun lalu, Jue kehilangan ibu tercinta, Norsima Kaur Abdullah yang menderita penyakit kanker paru-paru. Ia disusuli dengan pemergian ayah tersayang, Ramle Md Isa.

Apabila secara tidak sengaja menyentuh perihal ibu dan bapa, suaranya tiba-tiba bertukar menjadi layu.

"Ya, sampai sekarang pun saya masih terbayang-bayangkan kelibat mummy dan abah. Rindu hati ini memang tak tertahan, namun anak-anaklah yang banyak memberi sokongan.

"Kadang-kadang pada satu tahap, saya boleh menangis sendiri selama tiga jam apabila teringat semula kenangan lama bersama mereka.

"Memang betul, pemergian mummy dan abah memberi impak cukup besar dalam hidup ini. Separuh jiwa saya dah hilang," ujarnya dengan nada lemah.



SELAIN mengutamakan kerjaya, kebahagiaan dua anaknya, Risqi Khan dan Ariana Rose turut menjadi agenda penting dalam kehidupan Jue.

Tidak ada masalah untuk berkongsi tentang penyakit arwah ibu, ujar Jue, cinta hatinya itu disahkan menghidap kanser paru-paru tahap 4 pada 2019.

"Kami memang terperanjat besar, saya rasakan dunia ini terlalu gelap. Lebih menakutkan apabila doktor memaklumkan *mummy* hanya ada tiga bulan sahaja lagi untuk hidup. Ketika menerima perkhabaran itu, saya sebenarnya sedang dalam proses rakaman untuk program *SinarPlus*.

"Saya serta-merta nekad untuk berhenti kerja kerana mahu menjaga *mummy*. Lagipun ketika itu juga negara sudah dilanda pandemik Covid-19, jadi demi *mummy*, saya sanggup berbuat demikian," kata anak sulung daripada dua beradik itu.

Sesungguhnya, rezeki memang ada di mana-mana. Sedang bercuti seketika daripada kerjaya tetap, Jue masih dilimpahi dengan tawaran melakukan kerja sambilan. Itulah yang dikatakan berkat menjaga ibu dengan hati yang luhr dan ikhlas.

Sambil mengiakan kata-kata penulis, beliau memberitahu, dirinya mampu terus survival sepanjang tempoh Perintah Kawalan Pergerakan (PKP).

"Ya, saya percaya itu semua (keberkatan). Masa yang tersisa, saya gunakan sebaiknya dengan membawa *mummy* ke hospital untuk menjalani rawatan. Saya juga gembirakan hatinya dengan mengajak *mummy* menikmati makanan yang sedap-sedap," imbasnya.

Seperti yang telah tersurat sejak di lohmahfuz, ibu Jue meninggalkan dunia yang fana ini buat selama-lamanya pada 6 Mei tahun lalu.

Kesedihan beliau bagaikan tidak bernoktah apabila bapa tersayang pula dijemput ILAHI tiga minggu selepas itu akibat sakit jantung.

"Cinta sejati *mummy* dan abah nampaknya membawa mereka bersama-sama. Memang belum puas untuk menjaga *mummy* dan abah, namun ALLAH lebih sayangkan mereka," tuturnya dengan nada sebak.

Kesedaran

Kisah pilu di antara *mummy* dan abahnya telah membuka mata Jue bahawa penjagaan kesihatan bukan

KATA JUE,
kesihatan adalah
aspek yang perlu
diberi perhatian
oleh setiap orang.



KEMERIAHAN Ramadan kali ini mungkin agak muram tanpa ibu bapa di sisi, namun Jue (kiri) berazam untuk khatam al-Quran dan memperbanyakkan bersedekah.

satu hal yang boleh dikompromi.

"Sebagai contoh kes *mummy*, meskipun dia selalu buat pemeriksaan kesihatan, kadang-kadang terlepas pandang juga. Sebab itu pentingnya pemeriksaan badan menyeluruh dibuat sekurang-kurang setahun sekali.

"Saya sendiri pun kena sentiasa peka dengan keadaan diri kerana bimbang ada sejarah kanser dalam keluarga. Pun begitu, jangan sesekali biarkan diri kita berada dalam keadaan tertekan kerana stres boleh mencetuskan penyakit yang tidak diduga," katanya.

Beritahu Jue lagi, program DNA yang dikendalikannya sejak lebih setahun lalu adalah satu platform terbaik membincarkan soal kesihatan.

"Segala maklumat yang dikongsikan dalam DNA sangat bermanfaat kepada penonton. Misalnya, saya lihat ramai yang ambil mudah mengenai penyakit jantung, sedangkan ia sangat bahaya dan boleh membawa maut.

"Hal ini cukup terkesan kepada saya kerana abah saya meninggal dunia disebabkan serangan jantung.

"Jadi, nasihat saya, rutin pemeriksaan atau saringan kesihatan kalau boleh dilakukan secara berperingkat supaya langkah pencegahan boleh dilakukan lebih awal," syornya.

Jue menambah, adakalanya masa untuk diri sendiri (*me time*) juga amat penting untuk seseorang berasa tenang dan membebaskan diri daripada sebarang kemelut yang melanda.

"Bagi saya, *me time* itu boleh mengecas semula aura positif kita.

Kalau boleh, rancanglah percutian bersama kawan-kawan 'sekepala' yang boleh membantu kita menghilangkan penat bekerja. Insya-ALLAH, minda kita akan lebih segar," katanya yang menjadikan hobi membeli-belah dan melancong sebagai terapi diri sendiri.

Suplemen tambahan

Selain itu, pencinta sukan lasak itu memberitahu, beliau juga mengamalkan gaya hidup yang sihat untuk kekal bertenaga dan cergas sepanjang hari.

Sebagai ibu kepada dua cahaya mata comel, Risqi



SELAIN mengendalikan program DNA, Jue juga sekali-sekala akan dijemput mengacara rancangan *Borak Bibir Merah*.

Khan, 8, dan Ariana Rose, 6, Jue boleh dikatakan memiliki tubuh seperti anak dara.

Tertawa sebaik pujian itu diucapkan, menurut Jue, beliau turut mengambil suplemen tambahan bagi memastikan penampilannya di layar kaca tampak anggun, segar dan berkeyakinan.

"Saya memang akan ambil vitamin C dan lain-lain vitamin untuk keperluan diri sejak berusia 20-an lagi.

"Sebut apa sahaja vitamin penting, semua ada dalam poket. Saya percaya, selain makanan sihat, suplemen tambahan juga antara kriteria utama untuk keperluan tubuh badan lebih-lebih ketika pandemik Covid-19," ujarnya yang turut mengamalkan minuman detoks dan campuran cuka serta madu setiap hari.

Bercakap mengenai senaman, rupanya bukan berbasikal atau berjogging yang dipraktikkan, sebaliknya beliau lebih suka mengemas rumah!

Bunyinya agak lucu, namun itulah kaedah yang diguna pakai wanita yang memiliki berat 60 kilogram (kg) tersebut untuk mengeluarkan peluh.

"Memang benar, dulu berat badan saya mencecah 100kg, kini saya dapat mengekalkan tubuh ideal yang diinginkan.

"Sebelum pandemik, saya minat mendaki gunung dan bukit serta bermain futsal, namun kekangan membuatkan saya lebih banyak masa di rumah. Di rumah pun boleh keluarkan peluh ya," kongsinya.

PROFIL

Nama penuh: Juliana Ramle

Umur: 34 tahun

Asal: Cheras, Kuala Lumpur

Tarikh lahir: 22 September 1988

Tempat lahir: Cheras Medical Centre

Adik beradik: Anak sulung daripada dua beradik

Pendidikan:

- SK Desa Tasik Kuala Lumpur
- SMK Bandar Tasik Selatan
- Sijil Setiausaha Kolej Cosmopoint Kuala Lumpur

Hobi: Membeli-belah dan melancong

Sukan diminati: Bola jaring

Pereka fesyen kegemaran: Rizman Ruzaini

Filem terakhir ditonton: Spiderman No Way Home

Idola: Ibu bapa (Ramle Md Isa dan Norsima Kaur Abdullah)

EKSTRA

BICARA santai bersama Juliana Ramle

1. Selain anak dan keluarga, apa perkara penting dalam hidup Jue?

Kerjaya

2. Apa makna tahun 2020 dan 2021 bagi Jue?

Tahun yang banyak membentuk diri ini makna kehidupan yang perlu lebih kuat & tabah.

3. Jika diberi peluang untuk mengacara program antarabangsa, siapa pengacara pilihan untuk bergandingan dengan Jue?

Giuhanie Panaic.

4. Apakah insiden yang pernah buatkan Jue trauma?

Kemalangan yang berlaku depan mata.

5. Jenis sukan ekstrem yang ingin Jue cuba sekali seumur hidup?

Skydiving.

Kukur kelapa parut sendiri

Petua Ruzitah Md Said mendapatkan inti kelapa kuih sopang yang enak dan lembut

Oleh SITI FARAH ELIANI SOLLEH

SEKLAS pandang, kuih sopang yang merupakan juadah tradisional Negeri Sembilan mirip dengan kuih badak berendam.

Ironinya, kedua-dua sajian tradisional itu menggunakan bahan-bahan utama seperti santan dan inti kelapa.

Pun demikian, selepas menghubungi salah seorang pembikinnya, Ruzitah Md Said, beliau memberitahu, terdapat sedikit kelainan yang perlu diberi perhatian.

"Paling ketara adalah dari segi bentuk dan proses pembuatannya. Kalau kita lihat, kuih badak berendam berbentuk bulat, manakala kuih sopang pula sedikit leper seakan-akan karipap, namun biasanya tak dikelim," terang anak jati Kuala Pilah,

Negeri Sembilan itu.

Ujar Ruzitah, beliau mula berjinak-jinak menjual kuih sopang sejak Perintah Kawalan Pergerakan (PKP) dikuatkuasaan pada Mac lalu.

"Saya jual kuih sopang pada harga RM6 sebekas. Saya tak sangka permintaannya sangat memberangsangkan sehingga perlu mengehadkan pesanan pada setiap hari Jumaat, Sabtu, Ahad dan cuti umum sahaja kerana pada masa sama, saya perlu memberi fokus kepada pembelajaran lima orang anak saya," jelasnya.

Menyentuh tentang tip untuk mendapatkan kuih yang enak dan bertahan lama, Ruzitah tidak lokek



KUIH sopang lazimnya boleh ditemui pada majlis keramaian. Pada bulan puasa, juadah ini akan dijual secara meluas terutama di bazar Ramadan.



KUIH sopang tidak menggunakan sebarang acuan untuk membentuknya.

PENGUNAAN
santan
segar amat
disyorkan
untuk
membuat
sajian
tradisional ini.



INFO

Nama: Ruzitah Md Said
Umur: 42 tahun
Asal: Teraci, Kuala Pilah, Negeri Sembilan
Menetap: Seremban, Negeri Sembilan

berkongsi petua khusus.

"Pertama, pastikan santan yang digunakan segar. Selain itu, semasa proses memasak, gunakan api sederhana. Adunan juga perlu sentiasa dikacau agar tidak meruap dan berketul-ketul."

"Inti kelapa yang digunakan pula tidak boleh terlalu manis kerana akan menyebabkan seseorang itu cepat muak ketika memakannya. Jadi, saya lebih cenderung menggunakan gula kabung."

"Untuk mendapatkan inti yang lembut pula, sebaik-baiknya kelapa dikukur sendiri di rumah jika berkesempatan," ujarnya yang mempelajari menu yang jarang didengari oleh masyarakat hari ini daripada ibu tersayang.

Selari dengan selera anak muda sekarang, sesetengah pembikin kuih akan meletakkan pewarna biru atau merah jambu pada kuih tersebut bagi menarik minat orang ramai untuk menikmatinya.

RESIPI KUIH SOPANG

Bahan-bahan

- ✓ 500 gram tepung beras pulut
- ✓ 4 biji kelapa parut (dijadikan inti)
- ✓ 2 kilogram santan segar
- ✓ 1 sudu kecil garam
- ✓ 1 1/2 cawan air masak
- ✓ 1/3 cawan minyak masak


Cara penyediaan:

1. Tepung pulut dibancuh dengan air sehingga tidak melekat pada tangan.
2. Kemudian, masukkan air sedikit demi sedikit dan uli tepung sehingga bancuhan tepung menjadi tidak lembik dan tidak keras.
3. Seterusnya, alaskan dengan plastik. Letakkan sedikit minyak lalu bentukkan bancuhan tepung tadi menjadi bulat.
4. Letakkan inti kelapa dan bentukkan semula seperti karipap (tanpa kelim).
5. Selepas itu, oles bekas dengan sedikit minyak dan letakkan di dalam bekas sama ada loyang atau bekas plastik untuk dikukus.
6. Untuk santan, masak dengan menggunakan api sederhana dan kacau sentiasa. Jangan lupa masukkan sedikit garam ke dalamnya.
7. Kacau sehingga santan sedikit pekat dan boleh tutup api. Biarkan seketika.
8. Pastikan air kukusan betul-betul mendidih sebelum mengukus kuih sopang dalam 5 hingga 6 minit.
9. Kemudian, buka periuk kukusan dan letakkan satu senduk besar santan yang telah dimasak tadi. Proses mengukus disambung lebih kurang 3 hingga 4 minit.
10. Akhir sekali, kuih sopang siap untuk dihidangkan bersama teh atau kopi O.

Sumber Ruzitah Md Said



RESIPI KUIH KATUR



Bahan-bahan A

- ✓ 250 gram tepung pulut
- ✓ 180 mililiter air

Bahan-bahan B

- ✓ 1 inci gambir
- ✓ 60 mililiter air panas
- ✓ 1/2 sudu teh air kapur

Bahan-bahan sirap gula melaka

- ✓ 120 gram gula merah
- ✓ 50 gram gula pasir
- ✓ 150 mililiter air

Bahan-bahan sampingan

- ✓ 100 gram beras pulut (cuci dan

toskan lalu disangai sehingga kekuningan)

- ✓ 1/2 biji kelapa parut

Cara penyediaan:

1. Satukan bahan A dan B (dilarutkan) lalu digaul dan diuli sehingga menjadi doh seperti buah melaka.
2. Panaskan air yang banyak di dalam periuk sehingga mendidih.
3. Kemudian, gentel doh sebesar ibu jari dan rebus sehingga ia timbul di permukaan air.
4. Angkat dan toskan. Golekkan di dalam kelapa parut.
5. Tabur dengan beras pulut dan gula melaka di atas kuih katur sebelum dihidangkan.

Sumber resipicitarasawan.blogspot.com



PENGINAPAN yang lengkap di zoo haiwan jinak nampaknya menjadi satu tarikan buat pengunjung yang mempunyai anak kecil.

Bukan sahaja dapat bermesra dengan haiwan-haiwan yang comel, malah mereka dapat melakukan pelbagai aktiviti menghiburkan seperti yang ditawarkan di Kampung Pelangi, Kuala Selangor, Selangor.

Pun begitu, terdapat empat lagi destinasi berlibur yang boleh dipertimbangkan pembaca SinarPlus sebagai rekreasi pilihan anda pada masa akan datang. Jangan lupa patuh dengan prosedur operasi standard ya!



SEMENYIH ECO VENTURE & RECREATION

Alamat: Lot PT 1351, Jalan Sungai Lalang, Semenyih, Selangor

Waktu operasi: 10 pagi hingga 5 petang

Bayaran: Bermula RM78

Facebook: Semenyih Eco Venture & Recreation



D'GREEN CHALET LENGGONG

Alamat: Kampung Temelong, Lenggong, Perak

Waktu operasi: 9 pagi hingga 6.30 petang

Bayaran: Pakej Minum Pagi/Minum Petang Bersama Rusa RM13 (kanak-kanak) dan RM15 (dewasa)

Facebook: D'Green Chalet Lenggong



FIFTY4FERNS

Alamat: Janda Baik, Bentong, Pahang

Waktu operasi: 24 jam

Bayaran: Pakej bermula RM400 hingga RM980

Facebook: Fifty4Ferns



HS FARM STAY

Alamat: PTD 4116, Parit Pajar, Jalan Kesang, Kesang, Johor

Waktu operasi: 9 pagi hingga 7 malam

Bayaran: RM 18 (dewasa) dan RM 15 (kanak-kanak)

Facebook: HS Farm Stay



REKREASI PILIHAN

Oleh ARZIANA MOHMAD AZAMAN

BUAT si kecil, hari mereka sudah cukup menyeronokkan jika dapat menyentuh, memberi makan dan berpeluang bergambar kenangan dengan 'penghuni' di zoo haiwan jinak.

Jika diberi kesempatan melihat haiwan kesayangan pada bila-bila masa termasuk waktu malam, pastinya pengalaman unik itu akan diceritakan kepada rakan-rakan sebaya.

Pemilik Kampung Pelangi Kuala Selangor, Kamil Sidek ketika dihubungi berkata, premisnya yang terletak di Rizab Zazuli, Bukit Hijau, Jeram, Kuala Selangor, Selangor itu bukan sekadar sebuah destinasi pelancongan, malah menempatkan lebih 50 jenis haiwan jarang jumpa yang dipelihara khas untuk tamatan pengunjung.

"Berbeza dengan tempat lain, Kampung Pelangi Kuala Selangor memberi peluang kepada pelancong untuk bermalam dan berkampung bersama haiwan-haiwan di sini.

"Matlamat saya adalah mahu mereka yang juga pencinta haiwan merasai

sendiri kehidupan binatang yang aktif pada waktu malam, bangun pagi dengan kokokan ayam dan bunyi itik, selain mendengar kicauan burung yang mendamaikan," katanya.

Antara haiwan eksotik dan jinak yang boleh didekati ialah seperti *meerkat* dan *ferret* (sejenis musang), *prairie dog*, iguana, landak raya dan banyak lagi.

"Selain itu, terdapat pelbagai jenis ayam dan burung, itik, tupai pinang, burung unta, kuda padi dan arnab. Kesemuanya setia menyambut kedatangan orang ramai setiap masa," katanya yang sentiasa berusaha mendapatkan spesies haiwan yang jarang ditemui daripada pembekal di seluruh negara.

Mengenai tempat penginapan, penceramah dan penulis buku dakwah itu berkata, secara keseluruhan, pihaknya menyediakan 35 buah bilik.

"Selain itu, terdapat enam pilihan unit lain iaitu *hobbitstay*, *tubestay*, *busstay*, *cabin type A*, *cabin stay* dan *vila homestay* yang pastinya menceriakan kanak-kanak," kongsinya.

Beliau turut merancang untuk menambah rumah jenis cendawan,



info

Kampung Pelangi Kuala Selangor

Alamat: Jalan Rizab Zazuli, Bukit Hijau, Jeram, Kuala Selangor, Selangor

Waktu operasi:

9 pagi hingga 5 petang dan 9 pagi hingga 6 petang (Sabtu dan Ahad)

Bayaran masuk:

- Hari biasa RM20 (dewasa) RM16 (warga emas dan OKU) dan RM13 (kanak-kanak 4 tahun ke atas)
- Hujung minggu/cuti umum RM22 (dewasa) RM18 (warga emas dan OKU) dan RM14 (kanak-kanak 4 tahun ke atas)

Facebook: KSSC Jeram

Pemilik Kampung Pelangi Kuala Selangor tampil unik apabila menyediakan 35 unit penginapan untuk pengunjung merasai aura bersama binatang comel sepanjang hari



Antara *Instagrammable spot* yang menjadi tumpuan pengunjung untuk bergambar bersama keluarga ketika berkunjung ke Kampung Pelangi Kuala Selangor.

merancakkan aktiviti ATV dan membina kolam renang dewasa pada masa akan datang.

Berita bahawa Kamil lagi, selain bermesra dengan haiwan comel, pengunjung juga dipelawa melakukan aktiviti menarik seperti *yoyocart*, memanah, memancing, menaiki kereta api dram dan bermain trampolin.

Tidak sah seandainya percutian tanpa gambar kenangan. Apa yang penulis boleh katakan, Kampung Pelangi Kuala Selangor adalah antara lokasi terbaik untuk berfoto.

Apa tidaknya, selain berswafoto berlatar belakangkan kincir angin dan rumah api, orang ramai boleh bergambar di sarang burung, jerami padi, replika elmina dan di Love Tunnel.

Selain bercuti, anda juga secara tidak langsung boleh beramal apabila sebahagian wang bayaran tiket masuk, sewaan bilik penginapan dan bayaran pakej yang dibayar akan diperuntukkan untuk kelestarian Pondok Balai Ilmu.

Pondok berkenaan dibuka untuk kelas Iqra' dan al-Quran kanak-kanak termasuk Fiqh Muslimat dan Daurah Kitab secara percuma kepada masyarakat setempat.

MEMANG MENYERONOKKAN. Pengalaman luar biasa buat si kecil apabila dapat bermalam di zoo haiwan jinak yang menempatkan pelbagai spesies haiwan.



BERSAMA
MOHAMAD ZARIFI
MOHAMAD DAUD
 Pendakwah yang
 juga Penolong
 Pengarah Kanan
 Bahagian Penyiaran,
 Jabatan Kemajuan
 Islam Malaysia



Imbas kod QR ini
 untuk menonton
 video penuh.



BERSAMA
DR TENGKU ASMADI
TENGKU MOHAMAD
 Pakar Motivasi



Imbas kod QR ini
 untuk menonton
 video penuh.

Kongsi aib pasangan di media sosial

Perlukah suami dan isteri berbuat demikian hanya kerana semata-mata mahu meluahkan perasaan?

1 Sejak kebelakangan ini, ramai pasangan memilih untuk meluahkan perasaan mengenai masalah rumah tangga mereka di media sosial.

Seperti tiada jalan lain yang lebih baik, mereka mendedahkan aib dan keburukan masing-masing setiap kali berdepan krisis, antaranya mengenai isu kecurangan dengan orang ketiga, penderaan dan lain-lain hal.

Persoalannya, wajar atau tidak pendekatan sedemikian dilakukan? Bagaimana pula dari segi hukum agama?

JAWAPAN:

Apabila kita berkongsi sesuatu di media sosial, beringatlah kerana hadis Nabi Muhammad SAW pernah meriwayatkan bahawa barang siapa beriman kepada ALLAH dan hari akhirat, mereka akan berkata perihal perkara yang baik-baik. Jika tiada sekali pun, senyaplah kerana itu lebih bagus.


Pun begitu, melihat keadaan ketika ini, pasangan yang mempunyai masalah rumah tangga didapati lebih suka berkongsi di media sosial dan membuka keaiban orang.

Apabila berdepan dengan konflik rumah tangga, saya ingin mengingatkan bahawa kembalilah kepada teras agama iaitu bercakap empat mata di antara suami dan isteri. Sebenarnya lebih baik berkomunikasi dari hati ke hati. Tegurlah kesilapan yang dilakukan pada masa lalu dan di tempat yang betul.

Tidak dinafikan, terdapat suami yang berubah sikap selepas berkahwin. Mereka dilihat semakin kurang bercakap, apatah lagi mahu bertanya khabar isteri.

Sebab itu, saya nasihatkan kepada para lelaki khususnya suami supaya bermuhasabah diri dan mencontohi amalan Rasulullah SAW yang sentiasa bertanya khabar para isterinya setiap hari selepas solat Asar.

Dalam riwayat hadis sahih, Nabi Muhammad



BAGAIKAN satu trend yang tidak berpenghujung, pasangan muda pada masa sekarang lebih memilih meluahkan perasaan tidak puas hati dengan pasangan di laman sosial, berbanding bersemuka dan berbincang dari hati ke hati.

SAW juga berdepan dengan cabaran rumah tangga. Namun, contohi pendekatan baginda Rasulullah yang tidak beremosi, lebih banyak bertenang, bersabar dan mengurus konflik sebaik mungkin.

Justeru, apa hukumnya bagi mereka yang suka membuka keaiban pasangan sama ada isteri atau suami di media sosial? Hukumnya berdosa.

Dalam al-Quran juga ada menyebut, janganlah kita menjadi seseorang yang suka mengintip kesalahan atau mencari keaiban orang.

Ini kerana jika kita mendedahkan keaiban di media sosial, tindakan itu sebenarnya lebih kepada mensabotaj diri sendiri dan pasangan. Media sosial diibaratkan sebagai gelanggang terbuka dengan komen-komen yang boleh melukai diri, suami dan keluarga.

Oleh itu, saya menasihatkan supaya lebih berhati-hati. Jangan terlalu mengikut nafsu dan amarah yang terbukti dalam hati, lebih baik selesaikan dengan baik tanpa meluahkannya di media sosial.

Kepada para suami, saya ingin menasihatkan supaya sentiasa berpegang teguh kepada matlamat ijab kabul yang dimeterai kerana kita semua sudah tentunya mahu masuk syurga bersama ahli keluarga.

Percayalah, setiap kebaikan yang dilakukan untuk isteri dan anak itu sebenarnya adalah gudang pahala buat suami.

Saya juga menasihatkan kepada semua supaya jangan sesekali berkongsi 'saham dosa' iaitu melalui perkongsian kisah rumah tangga orang di media sosial. Ini kerana setiap perkongsian aib tersebut, ibarat dosa yang tidak berpenghujung.

Saya juga ingin menasihatkan kepada pasangan, suami itu diibaratkan sebagai pakaian isteri dan begitu juga sebaliknya. Masing-masing saling melengkap. Tiada satu manusia di muka bumi ini yang sempurna.

Sehubungan itu, hidupkanlah amalan ibadah dalam institusi kekeluargaan dengan solat berjemaah, menggunakan bahasa yang sopan dankekalkan hubungan bahagia sampai ke syurga. Insya-ALLAH.

2

Assalamualaikum Dr. Sebelum ini saya seperti reda mempunyai ibu tiri, namun sejak kebelakangan ini sikapnya begitu menjengkelkan.

Mana tidaknya, bapa saya kini sedang terlantar akibat sakit tua. Peliknya, isteri kedua beliau itu tidak mengambil kisah tentang makan minum dan hanya menjaganya seperti melepaskan batuk di tangga. Usia ibu tiri saya 48 tahun, sementara bapa saya, 65 tahun.

Disebabkan itu, saya terpaksa mengambil tanggungjawab ibu tiri sehingga kerja saya di pejabat terjejas. Saya pernah berbincang dengan ibu tiri tentang hal ini, namun pertengkaran besar berlaku sehingga saya mahu berpindah rumah.

Masalahnya, saya simpati dengan nasib ayah saya. Apa nasihat Dr kepada saya? Untuk

pengetahuan Dr, saya satu-satu anak mereka yang sudah dewasa, sementara adik tiri saya baru berusia 15 tahun.

ANAK KECEWA, 25
Kampung Baru, Kuala Lumpur

JAWAPAN

DALAM menyelesaikan hal ini, adalah lebih baik pengadu berbincang dari hati ke hati bersama ibu tiri dan adik-beradik demi mencari jalan penyelesaian.

Pada pandangan saya, si adik yang berusia 15 tahun sebenarnya sudah cukup matang untuk membantu menjaga makan minum dan memantau keadaan ayah, sementara ibu tiri atau pengadu keluar bekerja.

Bagi mengelak isu berlarutan, berbincanglah dengan baik. Jika tiada jalan penyelesaian dicapai, carilah individu ketiga yang dihormati

ahli keluarga untuk menasihati ibu tiri.

Sebaiknya dalam diskusi itu, si pengadu menjelaskan keadaan sebenar kerana jika masalah keluarga terus mengganggu diri, tidak mustahil akan berdepan risiko kehilangan kerja.

Dalam era pandemik Covid-19, bukannya mudah untuk mencari pekerjaan. Sekiranya hilang kerja, siapa yang akan menanggung keluarga terutamanya bekalan ubat-ubatan si ayah?

Justeru, saya ingin menasihatkan pengadu supaya memperhalusi cara dan bagaimana masalah itu dibincangkan. Kalau boleh, jangan mencari salah atau saling tuduh menuduh hanya kerana mahu melontarkan perasaan tidak berpuas hati.

Jika suasana sentiasa tegang, masalah tidak boleh diselesaikan dengan baik. Paling penting, berbincanglah supaya semua sepakat untuk berubah dan membantu keluarga.



Aaron Aziz masih kuat bekerja walau tumor semakin membesar

> MS26

HIBURAN

Sinar

Foto INSTAGRAM ZULIN AZIZ

PERSONALITI BINTANG

Zulin Aziz akhiri penantian

Oleh WAWANN MOHD

SENTIASA positif dalam kehidupan, Zulin tidak pernah serik dengan kegagalan.

BIARPUN pernah beberapa kali berdepan kekecewaan disebabkan kisah cinta yang tidak kesampaian, pelakon dan pelawak, Zulin Aziz tidak pernah menutup pintu hatinya, apatah lagi mempersoalkan tentang ketentuan jodoh. Justeru, pemilik nama sebenar Farah Azleenda Abdul Aziz memilih untuk sentiasa berfikiran positif. Beliau juga memotivasi diri dan tanpa jemu bangkit bersemangat untuk memulakan kehidupan baharu setiap kali kekecewaan serupa berulang.

Malah, wanita yang menginjak usia 33 tahun itu tidak malu berkongsi kisah suka duka perjalannya mencari cinta sejati secara terbuka. Matlamatnya cuma satu. Empunya diri mahu menyampaikan mesej agar wanita lain di luar sana tidak cepat berputus asa.

"Saya akui sebelum ini kurang berasib baik dalam soal cinta. Ada sahaja perkara yang tidak kena sehingga membawa kegagalan dalam percintaan. Bukan sekali tetapi beberapa kali melalui pengalaman sebegini.

"Bagaimanapun, saya tidak pernah serik dan sentiasa bersikap terbuka untuk menerima orang baharu kerana saya percaya ALLAH telah tetapkan jodoh yang terbaik buat saya.

Dijabkabulkan hari ini, selebriti terkenal itu peroleh hadiah paling istimewa

"Jadi, tiada sebab untuk saya menutup pintu hati atau terlalu berasa kecewa dengan apa yang terjadi. Alhamdulillah, hari ini saya telah ditemukan dengan pasangan yang menghargai saya seadanya," ujarnya membuka bicara.

Saat artikel ini dibaca oleh anda, Zulin barangkali sedang berada di atas pelamin bersama cinta hatinya, Farhan Norzaini, 35. Selepas dua tahun mengenal hati budi, akhirnya mereka dijab kabulkan pada hari ini.

Berita perkahwinan Zulin begitu menarik perhatian ramai peminatnya yang meluahkan rasa teruja dengan kebahagiaan yang dikehuni selebriti itu.

"Mungkin disebabkan sebelum ini saya kerap tampil dengan cerita putus cinta yang menyedihkan, ramai yang mengambil berat dan berterusan mengikuti perkembangan saya."

"Jadi, apabila akhirnya saya bertemu jodoh, peminat mengirimkan mesej di laman sosial dengan kata-kata positif dan doakan yang terbaik buat saya. Tak sangka begitu ramai yang prihatin dan berbesar hati."

"Tidak kurang juga yang mengakui mendapat inspirasi daripada kisah saya, sekali gus memberi semangat kepada mereka terus melangkah dan tidak cepat mengalah dengan apa juga cabaran," katanya.

Tiada sebab untuk saya menutup pintu hati atau terlalu berasa kecewa dengan apa yang terjadi. Alhamdulillah, hari ini saya telah ditemukan dengan pasangan yang menghargai saya seadanya."

Tawaran istimewa

Meskipun status sudah berubah, anak kelahiran Kuala Lumpur yang dicungkil bakat daripada program *Pilih Kasih* terbitan RTM itu akan terus bekerja seperti biasa.

Terbaru, Zulin akan terlibat dalam program *Umrah Syababah Travel Bersama Selebriti* pada bulan Ramadan ini.

"Alhamdulillah, di sebalik kesibukan dengan aktiviti seni dan perniagaan, saya dipelawa menyertai program ini untuk bersama-sama mengajak orang ramai mengerjakan umrah pada bulan Ramadan nanti."

"Sebenarnya tawaran ini sangat istimewa kerana datang ketika saya berada di depan Kaabah dan berdoa agar berpeluang untuk kembali lagi ke Tanah Suci pada masa akan datang. Tak sangka doa itu terus dimakbulkan dan saya anggap ia rezeki yang tidak disangka-sangka."

"Insya-ALLAH, suami juga akan bersama saya menyertai rombongan umrah ini. Kami anggap ia sebagai hadiah perkahwinan dan akan dikenang sampai bila-bila," katanya yang baru mengerjakan umrah bulan lalu.

Dalam pada itu, menurut bintang drama *Penjara Janji* itu, beliau terpaksa menolak beberapa tawaran berlakon kerana terikat dengan aktiviti melibatkan urusan perniagaan sehingga Mac ini.

"Kebanyakan tawaran adalah projek drama berasipod yang mengambil masa penggambaran agak panjang. Disebabkan terikat dengan jadual *road tour* melibatkan urusan perniagaan yang telah disusun lebih awal termasuk kunjungan ke Turki, saya terpaksa melepaskannya."

"Kalau projek telefilem, mungkin tidak ada masalah kerana jangka waktunya (penggambaran) sekejap sahaja. Apa-apa pun, insya-ALLAH selepas bulan Mac, saya akan kembali ke lokasi," katanya yang turut meluahkan rasa bimbang dengan keadaan semasa pandemik Covid-19 yang kembali menyaksikan peningkatan kes harian yang tinggi dari masa ke masa.

"Kalau ikutkan memang takut. Masalah yang membenggung satu dunia itu membuatkan ramai yang susah nak keluar bekerja dan sukar untuk menjalani kehidupan sehari-hari dengan bebas. Seperti yang semua tahu, saya sebelum ini pernah dijangkiti Covid-19 dan tahu bagaimana rasanya sakit yang dialami."

"Namun, mahu tidak mahu kita terpaksa hidup dengan virus ini. Yang penting, kita sentiasa patuh prosedur operasi standard (SOP) yang ditetapkan dan jaga diri apabila berada di luar rumah terutama di kawasan melibatkan ramai orang," akhirnya. **sp**



Tumor semakin membesar, Aaron Aziz terpaksa tahan sakit

PELAKON popular, Datuk Aaron Aziz baru-baru ini memaklumkan, beliau perlu menjalani pembedahan segera selepas doktor mengesahkan tumor dalam saraf di tulang belakangnya semakin membesar.

Justeru, bintang yang berasal dari Singapura itu perlu mengambil cuti sakit selama dua bulan.

Bagaimanapun, disebabkan komitmen kerja, beliau tidak mempunyai pilihan lain selain menangguhkan pembedahan berkenaan.

"Bekerja dalam kesakitan, hanya ALLAH

tahu apa yang saya rasa. Anda lihat saya senyum sana dan ketawa sini tetapi anda tak nampak bila hati saya menangis kesakitan," ujarnya.

Aaron sebelum ini mendedahkan beliau mengalami masalah saraf tersepit pada bahagian leher sejak hampir 10 tahun lalu.

Kali pertama selebriti popular tersebut berhadapan kesakitan itu adalah pada 2012 iaitu sebelum menjalani penggambaran program realiti sukan lasak, *Fear Factor Malaysia*.

Sehingga kini, Aaron bergantung dengan ubat-ubatan untuk menahan kesakitan bagi membolehkannya terus bekerja.



Hangat Minggu Ini

MINGGU ketujuh tahun 2022 tidak kurang hebatnya dengan pelbagai cerita menarik dan sedih baik dalam mahupun di luar negara. Justeru, kami rangkumkan antara cerita yang hangat berlaku sepanjang minggu ini. **so**

Jit Murad pergi buat selama-lamanya

INDUSTRI seni kehilangan sebutir bintang berharga apabila pelakon teater, pengarah dan penulis terkenal negara, Jit Murad meninggal dunia akibat serangan jantung pada Sabtu lalu.

Jenazah Allahyarham Jit Murad atau nama sebenarnya, Aziz Mirzan Murad, 62, selamat dikebumikan di Tanah Perkuburan Islam Bukit Kiara, Damansara, Kuala Lumpur.

Jit Murad merupakan anak kepada bekas Ketua Pengarah Pelajaran Malaysia, Allahyarham Murad Mohamed Noor dan abang kepada penerbit filem, Na'a Murad.

Allahyarham mula bergiat aktif dalam filem, televisyen dan teater pada tahun 1987.

Antara filem yang pernah dibintanginya ialah *Selubung, Mimpi Moon, Talentime* dan *1957: Hati Malaya*.

Beliau juga turut dikenali sebagai seorang penulis yang prolifik di Asia Tenggara selepas berjaya menghasilkan beberapa naskhah kontemporari yang pernah meraih anugerah termasuk pada Anugerah Boh Cameronian.



Afdlin, Azira, Tasha Manshahar positif Covid-19



NAMPAKNYA sejak kebelakangan ini, semakin ramai selebriti yang dijangkiti Covid-19. Terbaru ialah Datuk Afdlin Shauki, Azira Shafinaz dan Tasha Manshahar.

Afdlin terlebih dahulu disahkan positif pada 11 Februari lalu, namun hanya berkongsi perkara itu di media sosialnya, dua hari kemudian.

Mengalami simptom ringan, enam orang daripada pasukannya turut sama dijangkiti virus tersebut.

Selepas itu, pada Isnin lalu, Tasha Manshahar berkongsi berita serupa. Lebih memeritakan, apabila anak keduanya, Mateen Rizqi yang berusia tiga bulan turut disahkan

positif. Bagaimanapun, kedua-duanya menjalani kuarantin di rumah.

Sementara, suami beliau yang juga penyanyi dan penyampai radio Zayan, Raqib Majid dan anak sulung, Muammar Rafiqi, 3, bebas daripada sebarang jangkitan.

Penyanyi dan pelakon, Azira Shafinaz pula menyifatkan mimpi ngerinya menjadi kenyataan apabila turut disahkan positif Covid-19.

Tidak berkongsi keadaan terkininya, Azira bagaimanapun memohon maaf kerana terpaksa menangguhkan beberapa kerja yang telah dijadualkan.



Seon-ho ambil pendekatan bantu pesakit leukemia

TIADA lagi kisah kontroversi, sebaliknya kemurnian hati pelakon popular Korea Selatan, Kim Seon-ho membantu Yayasan Leukemia Kanak-Kanak Korea telah menarik perhatian ramai.

Aktor yang meledek menerusi drama *Hometown Cha-Cha-Cha* itu menyalurkan sumbangan sebanyak 50 juta won bersamaan RM175,000 kepada pertubuhan tersebut.

Bagaimanapun, agensi pengurusannya, SALT Entertainment memaklumkan Seon-ho lebih selesa seandainya bantuan itu tidak dihebahkan kepada umum.

Difahamkan, pelakon kacak itu pernah memberi sumbangan 100 juta won kepada yayasan sama tahun lalu.

Ali Puteh kalah, perlu bayar RM60,000 kepada balu Abam



KEMELUT melibatkan Ali Puteh dan balu abangnya, Siti Nor Hidayah Mohd Ali masuki episod baharu apabila Mahkamah Sesyen, Kuala Lumpur memerintahkan pelawak itu membayar RM60,000 kerana mengeluarkan kata-kata mengaibkan di laman Instagram dua tahun lalu.

Hakim Zulqarnain Hassan memerintahkan demikian selepas membenarkan saman fitnah yang dikemukakan Siti Nor Hidayah selaku plaintiff terhadap Ali Puteh atau nama sebenarnya, Syed Ali Mubarok Syed Mohd Ridzuan, 34, selaku defendant.

Pada Mei 2020, Siti Nor Hidayah, 30, telah memfailkan saman fitnah berhubung kenyataan yang dibuat Ali Puteh di akaun Instagram yang antara lain menggambarkan beliau seorang yang tidak bertanggungjawab.

Dalam prosiding sama, mahkamah turut menolak saman fitnah yang dikemukakan selebriti berkenaan dan tiga ahli keluarganya lain terhadap Siti Nor Hidayah dan usahawan kosmetik, Datuk Seri Aliff Syukri dengan kos sebanyak RM13,000.

Ibu maut, bayi terkeluar dari kandungan

Kemalangan tersebut turut mengakibatkan seorang lagi remaja meninggal dunia

Oleh HAZELEN LIANA KAMARUDIN

PASIR MAS

Sorang wanita maut manakala anak yang sedang dikandungnya selama sembilan bulan tercampak keluar dari dalam rahim selepas motosikal ditungganginya bertembung dengan sebuah lagi motosikal di Kampung Banggol Stol, Repek di sini pada Jumaat.

Dalam kejadian jam 7 malam, mangsa Nor Haliza Abdul Yazaib, 25, maut di lokasi selepas kecederaan parah sementara bayi dalam kandungannya itu disahkan meninggal dunia semasa sedang menerima rawatan di Hospital Pasir Mas (HPM).

Selain itu, kemalangan tersebut mengakibatkan seorang lagi remaja, Muhamad Shakim Mohd Zaki, 18, meninggal dunia pada jam 10.45 malam semasa menerima rawatan di HPM.



NOR HALIZA



Seorang wanita maut manakala anak yang sedang dikandungnya tercampak keluar dari dalam rahim selepas motosikal ditunggangnya bertembung dengan sebuah motosikal lain di Pasir Mas pada Jumaat.

Ketua Polis Daerah Pasir Mas, Asisten Komisioner Mohd Nasaruddin M Nasir berkata, siasatan awal mendapati semasa kejadian mangsa bersama anak perempuan berusia enam tahun sedang mengekor suaminya untuk ke kedai runcit.

“Setiba di lokasi kejadian, Muhamad Shakim yang menunggang motosikal jenis Yamaha Y15 dipercayai telah memasuki laluan Nor Haliza menyebabkan berlaku pertembungan.

“Ketika itu, Nor Haliza menunggang motosikal jenis Honda Wave,” kata Nasaruddin ketika di-

hubungi di sini pada Sabtu.

Menurutnya, kesan pelanggaran itu mengakibatkan Nor Haliza meninggal dunia dan bayi dalam kandungannya telah tercampak keluar.

Beliau berkata, ketika itu bayi tersebut masih lagi bernyawa dan kemudian dibawa ke HPM.

Beliau berkata, seorang lagi anak mangsa Nurul Iman Maisara Mohd Khairi mengalami kecederaan pada kepala, luka-luka di tangan dan muka.

Katanya, Nurul Iman Maisara kini sedang menerima rawatan di Unit Rawatan Rapi (ICU) HPM.

“Kes disiasat bawah Seksyen 41 (1) Akta Pengangkutan Jalan (APJ) 1987,” katanya.

Keluarga bayi lahir tanpa lubang dubur rayu bantuan

SABAK BERNAM - Seorang pencari barang lulus berdepan dugaan hidup apabila anaknya berusia sembilan bulan menderita pelbagai penyakit sejak dilahirkan pada 17 Mei tahun lalu.

Sah Rizal Mohamed Aripin, 42, berkata, anak lelakinya, Mohd Az-Ziqri mengalami masalah tiada lubang dubur hingga menyebabkan bahagian perut kirinya terpaksa dibedah bagi memudahkan saluran membuang air besar.

Menurutnya, anak bongsu daripada empat beradik itu disahkan mengalami masalah darah, pendengaran telinga kiri, jantung berlubang dan usus.

“Akibat masalah itu, anak saya terpaksa menjalani rutin pemeriksaan susulan hampir setiap minggu di Hospital Tengku Ampuan Rahimah dan Hospital Kuala Lumpur.

“Selain itu, lubang pada perut kirinya perlu dibersihkan lima kali sehari dengan ditutup menggunakan kapas khas,” katanya ketika ditemui di rumahnya di Kampung Parit 13 Sungai Panjang di sini pada Sabtu.

Sementara itu, Pengurus Pertubuhan Prihatin Malaysia, Dr Mohd Hisham Surgi turut berkesempatan menziarahi keluarga terbabit.

Mohd Hisham berkata,



Sah Rizal dan isteri, Norizan Mohd Jais, 40, berdepan dugaan apabila Mohd Az-Ziqri menghidap pelbagai masalah kesihatan.

masalah dihadapi keluarga itu akan dibawa kepada pihak berwajib dalam usaha menyalurkan bantuan yang sewajarnya.

“Kita berharap keluarga ini dapat segera di-

bantu,” jelasnya.

Orang ramai yang ingin membantu boleh salurkan ke akaun Maybank **162469198099** atas nama Sah Rizal atau hubunginya **011-21473093**.

‘Isteri dijangka bersalin Selasa ini’



Jenazah Nor Haliza dikebumikan di Tanah Perkuburan Islam Kampung Banggol Stol, Repek Pasir Mas pada Sabtu.

PASIR MAS - Kurang dua hari lagi, Mohd Khairi Hasbullah, 31, bakal menimang cahaya mata keempat hasil perkongsian hidup bersama isteri tercinta, Allahyarhamah Nor Haliza Abdul Yazaib, 25, yang maut dalam nahas dua motosikal di Kampung Banggol Stol Repek di sini pada Jumaat.

Bagaimanapun, hasrat Mohd Khairi itu tidak kesampaian apabila Nor Haliza dan anak dalam kandungan yang terkeluar dari rahimnya maut selepas motosikal ditunggang isterinya itu bertembung dengan sebuah lagi motosikal lain dalam kejadian terbabit.

Mohd Khairi ketika ditemui berkata, mengikut jangkaan doktor isterinya yang sarat mengandung sembilan bulan itu akan bersalin pada Selasa ini.

Menurutnya, sebelum kemalangan arwah ada meminta kebenaran menunggang motosikal secara berasingan untuk ke kedai runcit di Kampung Lumpur yang terletak kira-kira 3 kilometer (km) dari rumah disebabkan tidak selesa menjadi pembonceng ekoran perutnya ketika itu sudah sarat dan hanya menunggu masa untuk bersalin.

Katanya, setiap kali keluar mereka akan menaiki sebuah motosikal sahaja kecuali semasa kejadian.

“Pada Jumaat arwah minta kebenaran menunggang secara berasingan bersama anak berusia enam tahun iaitu Nurul Iman Maisara.

“Semasa tiba di lokasi yang mempunyai selekoh saya dikehujungkan ada sebuah motosikal ditunggang laju dari arah hadapan masuk ke laluan saya.

“Saya sempat elak namun isteri gagal berbuat demikian lalu motosikal tersebut telah melanggar arwah. Selepas itu, terus bergegas ke tempat isteri untuk memeriksa keadaannya,” katanya.

Mohd Khairi berkata, ketika berada di lokasi dia lihat ada tompek darah dan tali pusat berhampiran dengan arwah.

Dia sempat mengajar arwah mengucap dua kali mahsyadah dan memohon maaf sebelum isterinya itu menghembuskan nafas terakhirnya.

Menurutnya, selepas itu dia terkejut mendapati anak yang dikandung telah tercampak keluar dari rahim arwah isteri dan terus memanggil anak tersebut.

“Saya terus pulang ke rumah untuk mengambil kain. Selepas datang semula ke lokasi saya diberitahu orang ramai bayi itu masih hidup sebelum disahkan meninggal dunia semasa sedang menerima rawatan di Hospital Pasir Mas (HPM),” katanya.

Sinar Harian pada Sabtu melaporkan, tiga termasuk wanita dan bayinya yang terkeluar dari kandungan maut dalam nahas membabitkan dua motosikal di Kampung Banggol Stol, Repek di sini pada Jumaat.

Dalam kejadian jam 7 malam itu, Nor Haliza Abdul Yazaib, 25, maut di lokasi selepas mengalami kecederaan parah sementara bayinya disahkan meninggal dunia semasa sedang menerima rawatan di HPM.

Wajib label setiap ayam siap diproses

Pemegang sijil perlu letak label halal di bahagian paha ayam mentah

Oleh NORAWAZNI YUSOF

KUANTAN

Jabatan Agama Islam Pahang (JAIP) mewajibkan semua pemegang sijil pengesahan halal Malaysia bagi rumah sembelih di negeri ini supaya meletakkan label pada setiap ayam mentah selepas siap diproses.

Pengaruhnya, Datuk Dr Zulkifle Ali berkata, pemegang sijil perlu meletakkan label halal

di bahagian paha ayam mentah selepas siap proses dan boleh menggunakan plastik.

Menurutnya, arahan itu dibuat selaras dengan ketetapan Manual Prosedur Pensijilan Halal Malaysia (Domestik) tahun 2020.

"JAIP kerap menerima aduan orang awam berkaitan bekalan ayam diperoleh di semua pasar raya dalam negeri Pahang dan keliru dengan label sijil halal yang dipamerkan.

"Jadi, bagi mengelak kekeliruan, kita memutuskan untuk mewajibkan semua pemegang sijil pengesahan halal bagi Skim Rumah Sembelih di Pahang menerusi edaran surat



DR ZULKIFLE

pada 14 Februari lalu," katanya ketika dihubungi pada Sabtu.

Sebelum ini timbul isu apabila penjual ayam menggantung sijil halal milik rumah penyembelihan yang bertentangan syarat Manual Prosedur Pensijilan Halal

Malaysia (Domestik) tahun 2020. Beliau menjelaskan, maklumat yang perlu dilabelkan perlu mengandungi nama produk, alamat pemegang SPHM, logo halal berserta nombor MS dan nombor rujukan fail.

Katanya, setiap label pembungkusan hendaklah dicetak dengan jelas dan tidak mudah dipadamkan.

KKM diminta senaraikan Covid-19 sebagai penyakit berjangkit

MELAKA - Kementerian Kesihatan Malaysia (KKM) diharap dapat mempertimbangkan cadangan memasukkan Covid-19 dalam senarai penyakit berjangkit.

Exco Kesihatan dan Antidadah Melaka, Dr Muhamad Akmal Saleh berkata, cadangan itu boleh melayakkan petugas kesihatan terutamanya untuk mengambil cuti tanpa rekod selama lima hari bagi menjaga anak-anak mereka yang dikuarantin kerana positif Covid-19.

Menurutnya, perkara itu sekali gus dapat memberikan kelegaan kepada petugas barisan hadapan yang telah lama berkorban untuk menjaga kesihatan awam rakyat.

"Pertimbangan perlu diambil terutamanya kepada pekerja kesihatan yang mempunyai anak kecil positif Covid-19.

"Saya percaya jika anak ini positif, tiada siapa yang mau menjaga sepanjang kuarantin

dan jika anak yang positif tetapi perlu dikuarantin sehingga tujuh ke 10 hari ibu bapa ini perlu mengambil cuti tahunan untuk menjaga anak mereka," katanya dalam satu kenyataan di sini pada Sabtu.

Pada Khamis lalu Menteri Kesihatan, Khairy Jamaludin mengumumkan petugas kesihatan yang menjadi kontak rapat pesakit Covid-19 tanpa gejala tidak perlu menjalani kuarantin dan mereka perlu menjalani ujian saringan pada hari tertentu.

Khairy berkata, pekeliling mengenai SOP baharu itu telah dikeluarkan Ketua Pengarah Kesihatan, Tan Sri Noor Hisham Abdullah pada 11 Februari lalu.

Mengulas lanjut Muhamad Akmal yang juga Ahli Dewan Undangan Negeri (ADUN) Merlimau, berkata, beliau menyambut baik cadangan perubahan SOP itu kerana ini merupakan langkah baik ke arah memasuki fasa endemik.

Impian raih PhD jadi kenyataan

FOTO: BERNAMA

KUALA LUMPUR -

Pengalaman menemubual 12 orang tokoh politik antara tugasan yang tidak boleh dilupakan oleh Datuk Budiman Zohdi, 50, dalam misinya memperoleh Ijazah Doktor Falsafah (PhD) dalam jurusan (Sastera) Sains Politik di Open University Malaysia (OUM).

Dalam Majlis Konvokesyen Khas OUM yang diadakan di Dewan Tun Razak Pusat Dagangan Dunia Kuala Lumpur (WTC) pada Sabtu, Setiausaha Politik kepada Menteri Komunikasi dan Multimedia itu mengakui seringkali tertidur dengan alat dengar di telinga ketika menyiapkan tugasannya yang memerlukan suara lisan di taip semula di komputer.

"Setiap hari selama dua jam, saya mengajar diri untuk konsisten meneliti proses penyiapan PhD sebelum melaksanakan tugasannya hakiki," katanya ketika berucap pada majlis berkenan pada Sabtu.

Bekas Ahli Dewan Undangan Negeri (ADUN) dan Ahli Parlimen itu berkata, tidak ramai yang tahu tentang cita-citanya mahu memperoleh Ijazah Doktor Falsafah sejak berusia 30 tahun.

"Hanya 20 tahun selepas itu barulah saya berjaya melunaskan impian tersebut.

"Memang cemburu lihat rakan-rakan lebih awal melangkah kaki ke universiti di peringkat ijazah, saya simpan hasrat untuk jadi lebih baik sehingga salah saya



Budiman (kiri) bersama Dr Mohd Roslan bergambar selepas Majlis Konvokesyen Khas OUM di WTC pada Sabtu.

berjaya memperoleh ijazah sarjana pada tahun 2001," katanya.

Budiman merupakan antara 42 penerima ijazah doktor falsafah dan kedoktoran yang menerima skrol masing-masing pada Sabtu.

Sementara itu, graduan lain adalah penerima ijazah (1,690), ijazah sarjana muda (4,768) dan diploma (1,049).

Penyampaian skrol disempurnakan oleh Pro Canselor OUM, Tan Sri Azman Hashim.

Majlis turut menyaksikan penganugerahan Ijazah Doktor Falsafah (Sastera) kepada salah seorang lagi graduan sulung, Timbalan Ketua Polis Daerah Seri Alam, Deputi Superintendant Dr Mohd Roslan Mohd Tahir.

The book cover features a portrait of Tony Fernandes playing an electric guitar. The title 'TERBANG TINGGI' is prominently displayed at the top, followed by 'INI LAH KISAHKU DARI AIRASIA KE QPR'. Below the title, it says 'TONY FERNANDES'. A circular badge on the left side of the book cover displays 'RM35' and 'SAB / SWK : RM38'.

Dapatkan secara online melalui www.karangkrafmall.com dan WhatsApp 019-2297227 atau hubungi kami di talian 03-51017546

Boleh juga melalui rangkaian kedai buku berikut:

Karangkraf Book2u Stores - Tesco Rawang, Tesco Jelapang, Bukit Sentosa dan 1 Plaza Kuala Selangor.

GRUPBUKU KARANGKRAF

Facebook: Alaf 21 Instagram: @Alaf_21 Twitter: @alaf_21

RM300j siapkan Lebuhraya Rakyat

Pembinaan dijangka ambil tempoh 36 bulan, siap pada April 2025

Oleh HAZELEN LIANA KAMARUDIN

KOTA BHARU

Kerajaan Persekutuan memperuntukkan RM300 juta bagi menyambung projek Lebuhraya Rakyat yang dibina oleh kerajaan Kelantan sebelum ini melibatkan jarak 10 kilometer (km) bermula dari Bukit Tiu ke Kampung Berangan Mek Nab di Machang.

Menteri di Jabatan Perdana Menteri (Ekonomi), Datuk Seri Mustapa Mohamed berkata, pembinaan yang mengambil tempoh selama 36 bulan itu dijangka siap sepenuhnya pada April 2025.

"Untuk makluman, sebanyak 35 peratus projek tersebut telah disiapkan oleh kerajaan Kelantan," katanya selepas mengadakan lawatan di tapak projek Lebuhraya Kota Bharu-Kuala Krai di Kok Lanas di sini pada Sabtu.

Hadir sama, Exco Kerja Raya, Infrastruktur, Pengangkutan dan Utiliti Kelantan, Datuk Azami Mohd Nor.

Menurutnya, selepas selesai proses pengambil alihan dan tender, kerajaan menjangkakan projek tersebut akan disambung dalam tempoh dua bulan lagi mengikut kos yang telah ditetapkan.

Beliau berkata, Projek Lebuhraya Kota Bharu-Kuala Krai di Kok Lanas itu akan yang bersambung dengan projek Central Spine Road (CSR) yang bermula di Kuala Krai.

Ahli Parlimen Jeli itu berkata, ia meliputi tujuh pakej dengan anggaran keseluruhan sebanyak RM2.7 bilion dan dijangka siap



sepenuhnya pada 2025.

Dalam perkembangan sama, Mustapa berkata, mengikut perancangan asal projek bagi laluan Ketereh-Kok Lanas dijangka siap pada 29 Mac ini.

Beliau berkata, bagaimanapun projek itu menghadapi kelewatan sebanyak 15 peratus dan dijangka siap sepenuhnya pada Oktober ini.

"Projek sepanjang 6.2 kilometer ini sebenarnya tiada masalah namun difahamkan kontraktor menghadapi kekangan disebabkan perlaksanaan Perintah Kawalan Pergerakan (PKP), masalah pengambilan tanah, kewangan di samping keadaan kos bahan binaan.

"Setakat ini projek berkenaan tiada kos tambahan dan ia

masih dalam bajet kos asal iaitu RM200 juta memandangkan setakat ini perlaksanaannya kini hanya menelan belanja sebanyak RM168 juta," katanya.

Menurutnya, walaupun menghadapi pelbagai kekangan namun projek ini akan dipantau sepenuhnya oleh Jabatan Kerja Raya (JKR) untuk tindakan susulan.

Mustapa (kiri) semasa mengadakan lawatan di tapak projek Lebuhraya Kota Bharu-Kuala Krai di Kok Lanas pada Sabtu.

100,000 veteran ATM digesa daftar JHEV

KLUANG - Kira-kira 100,000 veteran Angkatan Tentera Malaysia (ATM) yang dilaporkan masih belum berdaftar dengan Jabatan Hal Ehwal Veteran (JHEV) diminta tampil berbuat demikian bagi memastikan mereka tidak tercincir daripada menerima sebarang manfaat.

Timbalan Menteri Pertahanan, Datuk Seri Ikmal Hisham Abdul Aziz berkata, usaha itu bagi memastikan tiada lagi veteran ATM yang dipinggirkan selain tidak menerima sebarang pembelaan.

"Setakat ini terdapat seramai 204,000 veteran ATM berdaftar dan JHEV sentiasa komited untuk menghulurkan bantuan kepada mereka yang rata-ratanya adalah kelompok golongan berpendapatan rendah (B40).

"Kepada veteran-veteran yang belum berdaftar, kita mohon tampil dan berdaftar dengan JHEV. Dengan cara ini kita boleh bantu dan pastikan mereka menikmati

pelbagai kemudahan disediakan," katanya.

Beliau berkata demikian ketika dijumpai pemberita selepas mengadakan lawatan kebajikan ke rumah veteran ATM menerusi Program Cakna Veteran ATM di Taman Pelangi di sini, pada Sabtu. Hadir sama, Ketua Pengarah JHEV ATM, Datuk Dzulkarnain Ahmad.

Difahamkan, Program Cakna Veteran ATM mula diwujudkan pada tahun 2020 bertujuan untuk memastikan kebajikan golongan itu dan keluarganya diutamakan.

Ikmal Hisham berkata, Kementerian Pertahanan akan terus meningkatkan program cakna veteran ATM itu melalui beberapa lagi siri kebajikan yang akan dilaksanakan di masa akan datang.

"Pihak Kementerian Pertahanan sentiasa peka dan prihatin terhadap kebajikan veteran sejarah dengan jasa dan bakti pengorbanan yang mereka curahkan selama ini," katanya.



Ikmal Hisham (dua dari kiri) menyampaikan cenderamata kepada wakil veteran ATM dalam lawatan kerjanya di Taman Pelangi, Kluang pada Sabtu.

ALAF 21

*Hari-hari makan roti,
tapi tak tau buat sendiri.*

*Apa kata belajar
daripada buku ini?*

**Variasi
ROTI KLASIK & MODEN**

CHEF KHAIRI MANSOR | RM30

Dapatkan secara online melalui www.karangkrafmall.com dan whatsapp 019-2297227 atau hubungi kami di talian 03-51017546

Boleh juga melalui rangkaian kedai buku berikut:
Karangkraf Book2u Stores - Tesco Rawang, Tesco Jerai, Bukit Sentosa dan 1 Plaza Kuala Selangor, Karangkraf Mall - Kompleks Kumpulan Karangkraf, Lot 1, Jalan Renggam 15/5, Off Persiaran Selangor, Seksyen 15, 40200 Shah Alam, Selangor Darul Ehsan.

GRUPBUKU karangkraf karangkraf.com.my

Facebook: Alaf 21 | Instagram: @Alaf_21 | Twitter: @alaf.21



PPZ-MAIWP ajak umat Islam tunaikan zakat

Umat Islam wajib menunaikan zakat wang simpanan dan Amanah Saham Berhad (ASB) sekiranya ia melebihi kadar nisab yang ditetapkan. Bagaimanapun, masih ramai yang tidak mengetahui kewajipan untuk berzakat dan cara melaksanakan pengiraannya.

Ikuti wawancara wartawan **Sinar Ahad**, **ENGKU SHARIFUL AZNI** bersama Pengurus Unit Syariah dan Antarabangsa Pusat Pungutan Zakat - Majlis Agama Islam Wilayah Persekutuan (PPZ-MAIWP), Ahmad Husni Abd Rahman mengenai zakat ASB dan wang simpanan.

SINAR AHAD: Ramai yang terlepas pandang kewajipan menunaikan zakat wang simpanan. Boleh berikan sedikit penerangan mengenai zakat wang simpanan?

AHMAD HUSNI: Zakat terbahagi kepada dua iaitu zakat fitrah dan zakat harta. Dalam kategori zakat harta, ia terbahagi kepada beberapa bentuk dan sumber seperti zakat pendapatan, zakat emas dan perak, zakat saham, zakat perniagaan, termasuk zakat wang simpanan.

Disebutkan bahawa setiap benda yang disimpan perlu dizakatkan seperti dalam satu hadis yang diriwayatkan daripada Ibnu Ummar RA, Nabi Muhammad SAW bersabda: "Setiap harta yang dikeluarkan zakatnya itu tidak lagi dipanggil sebagai perpendaharaan atau simpanan tetapi setiap harta yang tidak dikeluarkan zakatnya itu dipanggil perpendaharaan atau pun benda yang kamu simpan."

Dalam konteks ini, zakat wang simpanan ialah setiap wang yang disimpan secara tradisional (simpan sendiri) atau di mana-mana institusi keuangan seperti bank dan perlu dizakatkan.

Berapakah kadar nisab pada tahun 2022?

Nisab ialah jumlah atau kadar minimum sesuatu harta yang kita ada untuk diwajibkan mengeluarkan zakat ke atas harta itu. Di PPZ-MAIWP, kita bersandarkan kepada harga sebanyak 85 gram emas dan tahun ini, kadar nisab ditetapkan sebanyak RM20,361.

Jadi, mana-mana simpanan atau harta yang mempunyai jumlah melebihi nilai tersebut, maka wajib ke atasnya untuk mengeluarkan zakat sebanyak 2.5 peratus daripada amaun berkenaan.

Adakah wang simpanan yang disimpan dalam akaun ASB perlu dizakatkan?

Orang yang menyimpan apa-apa jenis simpanan di ASB adalah berbentuk pelaburan. Jadi, jumlah bayaran zakat yang dikenakan adalah berdasarkan nilai pokok yang disimpan atau dilaburkan berserta dividen.

Jika wang tersebut sudah disimpan dalam akaun ASB untuk beberapa tahun dan ia tidak dizakatkan, individu ber-

kenaan perlu menghitung jumlah dividen setiap tahun termasuk nilai pokok yang disimpan setiap tahun untuk dikeluarkan sebagai zakat wang simpanan.

Jadi, setiap tahun dengan pertambahan jumlah yang melebihi nisab ditetapkan jumlah pokok dan dividen perlu dikenakan zakat.

Sekiranya seseorang itu membuat pinjaman dan ia disimpan dalam akaun bank simpanan, adakah duit tersebut perlu dizakatkan?

Kita perlu melihat bentuk pinjaman tersebut. Jika ia adalah pinjaman yang tidak boleh dikeluarkan seperti pembiayaan dibuat menerusi ASB dan sebagainya, maka ia tertakluk kepada tempoh matang akaun tersebut.

Jumlah pinjaman itu juga tidak akan dimasukkan dalam kiraan zakat wang simpanan. Jika seseorang itu membuat pinjaman yang boleh digunakan tanpa halangan pada bila-bila masa dan ia kekal dalam simpanannya selama setahun, maka dia perlu mengeluarkan zakat wang simpanan daripada jumlah tersebut termasuk apa-apa sahaja keuntungan.

Boleh jelaskan secara ringkas kaedah pengiraan zakat ASB?

Pengiraan zakat ke atas pelaburan ASB boleh dikategorikan berdasarkan beberapa kaedah dan situasi.

Pertama, jika pelaburan dibuat menggunakan wang atau modal sendiri, pengiraan zakat adalah berkadar langsung dengan jumlah pelaburan pokok dan keuntungan (dividen, bonus dan pendapatan ASB) yang diperoleh, mengambil kira baki akhir pelaburan tahunan keseluruhan pegangan unit oleh pelabur (modal pokok dan dividen).

Justeru, formula taksiran zakat adalah seperti berikut – *baki akhir pelaburan tahunan x 2.5 peratus*.

Kedua, jika pelaburan dibuat menerusi fasiliti pembiayaan ASB dengan pihak bank, pengiraan zakat hanya akan dikenakan ke atas dividen atau keuntungan yang diperoleh.

Modal pelaburan tidak dikenakan zakat ke atasnya kecuali setelah berlakunya penebusan sijil pelaburan ataupun setelah selesai tempoh bayaran balik pembiayaan.

Formula kiraan adalah seperti berikut – *dividen/pendapatan ASB x 2.5 peratus*.

Bagaimana pula jika dividen ASB yang diperoleh digunakan bagi membuat pembayaran semula pembiayaan?

Kita guna model sendiri. Pembayaran zakat perlu dari sudut 'prinsipal' dan dividen. Jika kita melabur dalam ASB menggunakan pembiayaan, ia dibahagikan kepada dua kategori iaitu dividen yang diperoleh digunakan untuk membayar pembiayaan dan dividen tidak gunakan bagi tujuan berkenaan.

Dividen atau lebihan yang ditolak daripada pembiayaan dalam kedua-dua kategori tersebut, jika jumlah semua itu melebihi nisab, kita perlu bayar zakat wang simpanan.

Apakah hukum melabur dengan apa-apa jenis perbankan Islamik atau konvensional termasuklah pelaburan ASB?

Apa-apa pelaburan atau yang melibatkan perbankan konvensional dan tidak patuh syariah adalah tidak diboleh-

kan atau haram untuk disertai oleh orang Islam.

Tapi hukum bagi orang Islam menyertai produk-produk pelaburan, simpanan dan pembiayaan yang disediakan oleh institusi kewangan serta perbankan Islam adalah halal.

Apakah saranan untuk galakkan orang ramai menunaikan zakat ASB dan wang simpanan?

Kita perlu faham harta kita adalah hak milik ALLAH SWT dan datang daripada-Nya. Sebagai orang yang beriman, wajar mensyukuri nikmat tersebut dengan melaksanakan tuntutan dan perintah-

Nya menerusi pembayaran zakat wang simpanan jika cukup syarat-syaratnya.



AHMAD HUSNI



Melayu sangka menara milik mereka

ASAM
PEDAS

A KADIR JASIN

Di Kuala Lumpur, ada banyak bangunan pencakar langit yang dibanggakan oleh orang Melayu, seolah-olah mereka miliknya. Ia termasuklah Menara Berkembar Petronas, Menara Kuala Lumpur, Daya Bumi dan Menara Telekom.

Malah, menara Merdeka 118 yang sedang dibangunkan oleh Permodalan Nasional Berhad (PNB) pun mendapat sanjungan orang Melayu.

Mungkin akibat perang saraf dan laporan memuji-muja oleh media arus perdana, orang Melayu mendapat gambaran seolah-olah bangunan-bangunan ikonik itu adalah milik bangsa mereka atau untuk mereka.

Hakikatnya, bangunan berkenaan bukan milik orang Melayu. Ia milik kerajaan atau syarikat berkaitan kerajaan (GLC). Justeru, ia milik semua rakyat Malaysia.

Ruang dalam bangunan-bangunan itu ditawarkan untuk dijual atau disewa

tetapi bilangan orang Melayu yang mampu mengambil peluang tidak sampai sekelumit. Bukan kata hendak membeli atau menyewa, hendak menumpang berniaga di bawah bayang-bayangnya pun orang Melayu tidak mampu atau tidak dibenarkan.

Malah, lebih membimbangkan adalah dalam perlumbaan membina pencakar langit, bukan sahaja kepentingan Melayu terabai, malah dikorbankan.

Misalnya, Merdeka 118 yang dianggarkan menelan belanja RM5 bilion. Apakah pulangan yang boleh diharapkan pelabur skim amanah saham tajaan PNB? Silap-silap bukan sahaja mereka tidak mendapat apa-apa keuntungan, sebaliknya belanja membina menara itu akan dibebankan ke atas mereka.

Malangnya, oleh sebab ramai orang Melayu tidak faham hal berkaitan ekonomi dan perniagaan, maka mudahlah bagi kerajaan dan GLC mengaburi mata mereka atau tidak memberitahu apa-apa kepada mereka.

Itulah yang kerap terjadi. Projek yang dilancarkan atas nama bumiputera atau yang orang Melayu sangka milik mereka, sebenarnya tidak sedikit pun ada kaitan dengan mereka.

Contoh terbaru angan-angan orang Melayu adalah kehebohan mengenai pemilikan dan cadangan penjualan

Menara Telekom setinggi 55 tingkat di Jalan Pantai Baharu, Kuala Lumpur.

Boleh kata semua orang, bukan Melayu sahaja menyangka bangunan ikonik yang kononnya berilhamkan rebung itu milik Telekom Malaysia Berhad. Rupa-rupa tidak. Kita dimaklumkan oleh Telekom bahawa bangunan didudukinya itu bukan miliknya tetapi dipunyai sebuah syarikat bernama Menara ABS Bhd.

Syarikat itulah kini menawarkan bangunan tersebut dan tiga buah lagi bangunan berkaitan Telekom untuk dijual. Namun, apabila dibuat carian melalui internet, kita dapat macam ada tipu helah pula.

Mengikut laporan perkhidmatan berita perdagangan *Theedgemarkets* pada 10 Februari lalu, Menara ABS Bhd adalah syarikat amanah bertujuan khas yang diperkenankan Telekom Malaysia.

Maksudnya, Telekom telah mengilhamkan penubuhan syarikat amanah hartanah itu bagi mengambil alih bangunan-bangunan miliknya.

Menurut laporan itu lagi, Menara ABS Bhd telah berhutang melalui penjualan bon syariah (sukuk) bernilai RM1 bilion pada 2008.

Boleh jadi duit hutang itulah yang digunakan untuk membeli bangunan-bangunan Telekom. Bangunan yang ditawarkan untuk dijual oleh Menara ABS

Bhd ialah Menara Telekom, Menara TM Semarak, Wisma TM Taman Desa dan Kompleks Telekom Cyberjaya.

Kalau betullah bacaan penulis, langkah menjual Menara Telekom dan tiga bangunan lain yang menggunakan nama Telekom adalah serupa dengan penjualan aset oleh tabung-tabung pelaburan berkaitan kerajaan (GLIC) dan GLC untuk mendapatkan pendapatan luar biasa.

Inilah antara pilihan kegemaran pengurus-pengurus GLIC dan GLC apabila menghadapi masalah kewangan atau memperoleh pendapatan tambahan luar biasa.

Yang kita ketahui daripada laporan media massa, Telekom tidaklah pula mengalami kerugian atau apa-apa masalah kewangan kecuali sekali dalam dua tiga tahun terakhir ini.

Cuma disebabkan banyak masalah dan hal-hal tidak betul berlaku di pelbagai GLIC, GLC dan agensi-agensi penguat kuasa sejak kebelakangan ini, setiap perkembangan berkaitan mereka hendaklah diteliti serapatan.

Kita tidak mahu badan-badan berkenaan diuruskan dalam kerahsiaan, seolah-olah mereka kongsi gelap atau kebal daripada tindakan undang-undang. Wallahuaklam.

* Datuk A Kadir Jasin ialah Tokoh Wartawan Negara

Dasar 5G jangan *flip-flop*

LANGIT
TERBUKA

AB JALIL BACKER

Negara mungkin akan melihat perubahan dasar dalam agihan spektrum internet generasi kelima (5G) dari pada model *Single Wholesale Network* (SWN) kepada *Dual Wholesale Network* (DWN).

Menurut Menteri Komunikasi dan Multimedia, Tan Sri Annuar Musa, kedudukan Digital Nasional Berhad (DNB) dan model SWN atau DWN yang menjadi perdebatan serta polemik akan diselesaikan pada awal Mac ini.

Annuar berkata, Kementerian Komunikasi dan Multimedia (KKMM) serta Kementerian Kewangan (MOF) diarahkan Jemaah Menteri untuk memuktamadkan konsep serta perjalanan masa depan perkhidmatan teknologi maklumat itu.

Kesimpulan daripada kenyataan Annuar itu ialah perubahan dasar pelaksanaan 5G negara mungkin berlaku

kerana ada polemik, bukan kerana kegagalan model SWN.

Polemik akan sentiasa ada kerana apa sahaja dasar kerajaan terdedah kepada kritikan, komentar dan pandangan berlainan. Benar, kerajaan perlu membuat keputusan berdasarkan kepentingan sebahagian besar majoriti rakyat dan negara.

Realitinya, polemik sahaja tidak cukup untuk mengubah dasar 5G. Sudah tentu ada lobi lebih besar di belakang tabir dalam menggesa perubahan tersebut. Kebimbangan ramai orang adalah perubahan dasar akan menjelaskan tempo pelaksanaan 5G ke seluruh negara.

Bagi majoriti rakyat terutama industri kecil dan sederhana di luar bandar, kita mahu pelaksanaan 5G tidak mengulangi masalah infrastruktur dan liputan 4G. Teknologi 4G mengambil masa begitu lama untuk sampai ke luar bandar dan kelajuan disediakan juga sangat rendah berbanding negara serantau.

Pelaksanaan sekarang pasti akan diperlakukan jika kabinet membuat perubahan dasar tersebut. DNB perlu merombak semula keseluruhan strategi perniagaan mereka. Pembiayaan kewangan yang mereka peroleh berdasarkan kedudukan sebagai pemborong

tunggal rangkaian 5G mungkin akan dinilai semula oleh institusi kewangan terbabit.

RHB Investment Bank dalam nota penyelidikannya pada 25 Januari berpendapat, model DWN akan menyebabkan lebih banyak cabaran, bakal menangguhkan pelaksanaan 5G dan menyumbang kepada kapasiti berlebihan dalam jangka panjang.

Justeru, secara teorinya persaingan lebih daripada satu perkhidmatan borong 5G akan menjadikan harga lebih kompetitif, namun realitinya tidak sememik.

DWN boleh menyebabkan kos per gigabait akan menjadi tinggi kerana terdapat dua entiti akan membangunkan infrastruktur di kawasan sama. Kos pembangunan infra itu akan diterjemahkan dalam caj kepada pengguna.

Tujuan model SWN dan DWN digunakan adalah untuk memastikan infrastruktur 5G dibangun serta dinaiktaraf secara menyeluruh ke seluruh negara tanpa mengambil kira kuasa beli atau permintaan pengguna.

Kewujudan satu lagi entiti bersifat komersial sepenuhnya turut menimbulkan persoalan. Apakah mereka akan membangunkan infra 5G di kawasan

yang tidak memberi keuntungan?

Kemungkinan paling besar akan berlaku – model DWN akan menyebabkan kawasan luar bandar tertinggal kerana pasaran utama 5G berada di bandar-bandar besar.

Akhirnya DNB terpaksa menanggung kerugian membangunkan infrastruktur 5G di luar bandar tetapi konsortium syarikat telekomunikasi mengaut keuntungan dengan menumpukan di kawasan bandar.

Satu lagi pertimbangan perlu dibuat oleh kabinet adalah kredibiliti negara di peringkat antarabangsa. Ericsson, sebuah syarikat peneraju dunia dalam teknologi 5G telah memenangi tender pembekalan peralatan 5G.

Walaupun tiada jaminan DNB dan model SWN akan memuaskan hati rakyat, namun ia harus diberi peluang setelah bertahun kajian serta pendengaran awam oleh Suruhanjaya Komunikasi dan Multimedia Malaysia (SKMM) serta pasukan Petugas 5G Kebangsaan.

Jangan nanti kerajaan dilihat seperti tikus membaiki labu dengan menjadi *flip-flop* hanya kerana pelobi.

* Ab Jalil Backer ialah Presiden Angkatan Karyawan Nasional (Akar)

Agama anak mualaf



USUL

ZAINUL RIJAL ABU BAKAR

Isu pemeluk Islam anak mualaf oleh salah seorang ibu atau bapa yang Islam kembali mendapat liputan dengan keseriusan yang dilaporkan berlaku di Perlis. Dalam kes tersebut sepasang kembar berusia 14 tahun dan adik mereka berusia 10 tahun telah didaftarkan sebagai mualaf di Perlis. Mufti Perlis, Datuk Dr Mohd Asri Zainal Abidin, yang menemubual mereka juga mengesahkan mereka tidak dipaksa memeluk Islam tetapi atas kerelaan mereka sendiri.

Pada 2004 melalui kes Shamala Sathiyaseelan melawan Dr Jeyaganesh Mogarajah mahkamah memutuskan ibu bukan Islam mendapat hak jagaan anak-anak yang telah diislamkan oleh bapa mualaf mereka dengan syarat antara lain berkaitan hak lawan dan ibu tersebut tidak boleh memberi makanan tidak halal, memberi didikan Islam dan lain-lain lagi. Namun begitu ibu tersebut telah membawa lari anak-anak mereka keluar negara dan sehingga kini bapa mereka tidak dapat bertemu dengan anak-anaknya.

Dalam kes Subahsini melawan Saravanan sekitar tahun 2007 Mahkamah Persekutuan memutuskan salah seorang ibu atau bapa yang memeluk Islam mempunyai kapasiti untuk mendaftar keislaman anak-anaknya yang berumur di bawah 18 tahun. Namun kedudukan ini diubah di dalam kes Mahkamah Persekutuan iaitu Indira Ghandi melawan Pengarah Jabatan Agama Islam Perak pada tahun 2018. Mahkamah Persekutuan dalam kes Indira Ghandi tersebut memutuskan perkataan *parent* dalam Perlembagaan Persekutuan adalah perkataan mufrad hendaklah ditafsirkan sebagai kedua-dua ibu bapa. Oleh itu kebenaran kedua-dua ibu dan bapa wajib diperoleh terlebih dahulu sebelum pemeluk Islam anak bawah 18 tahun dibuat.

Sejak kes tersebut diputuskan kebanyakannya Mahkamah Tinggi dan Mahkamah Rayuan mengambil pen-

dekatan terikat dengan keputusan tersebut. Dalam kes Majlis Agama Islam Selangor (MAIS) melawan Wong Yang Lin Mahkamah Persekutuan terlepas peluang untuk memuktamadkan kedudukan ini sama ada mengikuti keputusan Subahsini ataupun Indira Ghandi apabila menolak permohonan mendapatkan kebenaran merayu oleh MAIS.

Dewan Undangan Negeri Perlis pada tahun 2006 telah menggubal antara lain seksyen 117 Enakmen Pentadbiran Agama Islam (Negeri Perlis) 2006 yang menyatakan keperluan mendapatkan persetujuan ibu dan bapa atau penjaga bagi pemeluk Islam kanak-kanak di bawah umur 18 tahun. Namun pada tahun 2016 Dewan Undangan Negeri Perlis telah meluluskan pindaan kepada seksyen 117 tersebut dengan memindahkan frasa ‘ibu dan bapa’ kepada ‘ibu atau bapa’.

Hal yang demikian antara lain disebabkan terdapat fatwa yang diwartaikan dikeluarkan oleh Mufti Perlis berkaitan kedudukan hukum syarak ini. Dewan Undangan Negeri Perlis mempunyai kuasa membuat perundungan tersebut kerana ia terjumlah dalam perkara yang diliputi oleh Jadual Kesembilan Senarai II Butiran 1 Perlumbagan Persekutuan yang memberikan kuasa kepada negeri-negeri menggubal undang-undang sedemikian.

Oleh itu, seksyen 117 Enakmen Pentadbiran Agama Islam (Negeri Perlis) 2006 adalah berkaitan kapasiti pemeluk Islam Kanak-kanak bawah 18 tahun yang merupakan kuasa negeri.

Fakta bahawa Dewan Undangan Negeri Perlis telah memindahkan seksyen 117 tersebut pada 2016 kepada frasa ‘ibu atau bapa’ membezakan Perlis dengan negeri-negeri lain termasuklah kesan penghakiman dalam kes Indira Ghandi. Hal ini memerlukan penelitian kemas bagi mendapatkan suatu penghakiman yang selaras dan mengelakkkan mahkamah memberikan tafsiran sebaliknya.

Peranan umat Islam, berdoalah agar keputusan memihak kepada perundangan syariah.

* Datuk Zainul Rijal Abu Bakar ialah Presiden Persatuan Peguam-Peguam Muslim Malaysia (PPMM)

Persahabatan tiga dekad dua negara



PERSPEKTIF

DR ROY ANTHONY ROGERS

Pada 21 Februari 1992, hubungan diplomatik antara Malaysia dan Uzbekistan terjalin. Malaysia merupakan negara Asia Tenggara pertama yang mengiktiraf Uzbekistan dari rantau Asia Tengah selepas ia mencapai kemerdekaan setelah pembubaran Kesatuan Soviet (USSR).

Semasa Perang Dingin, kebanyakan rakyat Malaysia dan Uzbekistan tidak mengenali antara satu sama lain akibat daripada politik Perang Dingin. Ketika itu, rakyat Malaysia hanya tahu tentang USSR tetapi sebaik sahaja kejatuhan USSR dan kemerdekaan Uzbekistan, hubungan diplomatik Malaysia-Uzbekistan terjalin.

Walaupun kedua-dua negara terpisah akibat kedudukan geografi yang jauh, namun mereka berkongsi beberapa persamaan. Malaysia dan Uzbekistan berkedudukan strategik kerana kedua-duanya terletak di tengah-tengah rantau masing-masing.

Uzbekistan bersempadan dengan semua negara Asia Tengah (Kazakhstan, Tajikistan, Turkmenistan dan Kyrgyzstan), manakala Malaysia bersempadan hampir semua negara di Asia Tenggara seperti Thailand, Singapura, Filipina, Indonesia dan Brunei Darussalam.

Selain itu, kedua-dua negara telah berada dalam laluan perdagangan antara bangsa sejak dahulu. Misalnya, Uzbekistan telah lama menjadi sebahagian daripada laluan perdagangan yang dikenali sebagai Laluan Sutera.

Bandar-bandar seperti Bukhara, Samarkand dan Khiva pernah menjadi pusat peradaban Islam serta dikunjungi oleh pengembara seperti Marco Polo dan Ibn Batuta. Uzbekistan pernah menjadi sebuah empayar yang ulung ketika pemerintahan Amir Timur.

Begitu juga Malaysia, Melaka terkenal sebagai pusat perdagangan dan penyebaran Islam pada abad ke-15. Melaka pernah menjadi sebuah empayar yang penting di Asia Tenggara ketika Kesultanan Melayu Melaka.

Bagaimanapun kedua-dua negara pernah mengalami penguasaan empayar luar yang bukan Islam iaitu British di Malaysia dan Rusia, kemudian ideologi komunisme semasa USSR bagi Uzbekistan, namun masyarakat tempatan masih tabah dan berjaya mengekalkan identiti dan peradaban Islam sehingga hari ini.

Selain itu, Malaysia dan Uzbekistan mempunyai penduduk yang hampir sama (kira-kira 33 juta orang) dan majoritinya

Muslim. Di Uzbekistan 98 peratus penduduknya beragama Islam dan baki dua peratus lagi beragama Kristian Ortodoks Rusia.

Begitu di Malaysia, majoriti penduduk beragama Islam 62 peratus. Namun begitu, hak penduduk minoriti di Uzbekistan dan Malaysia dilindungi kerana rakyat di kedua-dua negara hidup harmoni antara satu sama lain. Kedua-dua negara juga kaya dengan hasil bumi seperti di Malaysia merupakan pengeluar minyak kelapa sawit dan mempunyai simpanan minyak manakala Uzbekistan merupakan pengeluar kapas, minyak dan emas.

Hubungan antara kedua-dua negara bermula 30 tahun lalu ketika lawatan rasmi Presiden Uzbekistan yang pertama, Presiden Islam Karimov pada 1992.

Kemudian, dibalas dengan lawatan Perdana Menteri Malaysia keempat dan kelima, Tun Dr Mahathir Mohamad pada 1993 serta Tun Abdullah Ahmad Badawi pada 2008. Pemimpin tertinggi Malaysia, Yang di-Pertuan Agong ke-12, Tuanku Syed Sirajuddin Syed Putra Jamalullail telah melawat negara tersebut pada 2003.

Hubungan Malaysia-Uzbekistan mencipta sejarah apabila Malaysia mendirikan pejabat kedutaan di Tashkent iaitu ibu kota Uzbekistan pada 1993, kemudian diikuti dengan penubuhan kedutaan Uzbekistan di Kuala Lumpur pada 1999.

Kini, Duta Besar Malaysia ke Uzbekistan ialah Hendy Assan. Beliau telah menyampaikan tauliahnya kepada Presiden Uzbekistan, Presiden Shavkat Mirziyoyev pada 2018. Begitu juga Duta Besar Uzbekistan ke Malaysia, Ravshan Usmanov menyampaikan tauliah kepada Yang di-Pertuan Agong pada tahun yang sama.

Dari segi perdagangan dua hala bagi tempoh Januari hingga November 2021 telah mencecah AS\$69.25 juta. Antara sektor utama di Uzbekistan yang menjadi tumpuan para pengusaha Malaysia termasuk minyak dan gas asli, perabot, tekstil, barang elektronik, kewangan dan pelancongan.

Industri pelancongan Uzbekistan khasnya pelancongan Islamik amat berpotensi dan berkemampuan menarik lebih ramai pelancong daripada Malaysia khasnya dengan pakej lawatan ke Bukhara dan Samarkard yang pernah menjadi pusat ketamadunan Islam.

Setelah 30 tahun berlalu, hubungan Kuala Lumpur-Tashkent telah berkembang daripada ‘orang yang tidak dikenali’ kepada sahabat.

Hubungan ini dijangka terus kukuh dalam masa depan terutama apabila sempadan Malaysia dibuka semula.

* Dr Roy Anthony Rogers ialah Pensyarah Kanan, Jabatan Pengajian Antarabangsa dan Strategik Universiti Malaya

Parti, calon, isu atau persepsi



SUDUT
PANDANG
DR SIVAMURUGAN PANDIAN

Dalam mana-mana pilihan raya, kerap kita mendengar mengenai percaturan parti politik untuk memenangi pilihan raya tersebut sama ada pilihan raya umum, negeri mahupun pilihan raya kecil.

Gelagat pola pengundian banyak ber-gantung kepada kesetiaan terhadap parti, pemilihan calon atau isu yang dibawa sehingga mempengaruhi emosi pengundi. Adakala kesemua itu tidak mempunyai pemberat kerana pergelutan untuk mendekat persepsi dengan apa cara sekalipun.

Parti politik mempunyai tanggungjawab besar yang perlu digalas di pelbagai peringkat bagi memastikan ia tidak tewas dan relevan.

Parti yang mempunyai guna tenaga, logistik dan jentera ampuh dianggap mempunyai kelebihan berbanding parti lain. Jentera yang sepadu akan memastikan penyokong ‘putih’ kekal bersama

mereka. Ia dilakukan secara emosional ataupun pendekatan yang akan membolehkan penyokongnya kekal setia.

Namun, pada Pilihan Raya Negeri (PRN) Melaka, ada penyokong ‘putih’ yang berpaling tadah atau memberikan sokongan palsu sewaktu ditemui oleh jentera, menyebabkan wujud aliran keluar sokongan kepada parti lain.

Hatta, sejak 2018, kebanyakan parti politik amat berhati-hati walau dengan penyokong tegar mereka. Strategis parti tahu bagaimana untuk mengenali kelompok yang benar-benar setia. Jika angkanya sudah cukup untuk menang, jentera akan diminta tidak mendekati penyokong putih yang was-was kepada perayu undi.

Calon juga adalah salah satu faktor yang menjadi tumpuan berbanding pilihan raya sebelum ini. PRN Melaka menunjukkan calon telah memainkan peranan signifikan untuk mengembalikan kepercayaan apabila wujud perubahan sehingga 80 peratus dalam pemilihan calon hampir kesemua parti bertanding.

Walaupun ciri-ciri calon yang disenaraikan semua parti bertujuan untuk menunjukkan calon itu adalah yang terbaik, sebenarnya calon menjadi aset dan bukan liabiliti kepada parti supaya jen-

ter mudah mempromosi dan ‘menjual’ calon tersebut.

Calon yang disukai, dianggap boleh menang dan diterima parti serta pengundi. Adakala, parti tahu calon itu sukar menang tetapi terpaksa dicalonkan kerana desakan tertentu.

Faktor ketiga yang boleh mempengaruhi trend pengundian adalah isu semasa. Isu rasuah, kronisme, integriti, pecah amanah dan kegagalan menjalankan tanggungjawab sewaktu berkuasa menjadi modal mempengaruhi pengundi.

Bagaimanapun, isu nasional kurang memainkan peranan pada PRN kerana pengundi mahukan jaminan ke atas isu lokal seperti kesejahteraan, pembangunan, peluang pekerjaan, pendidikan, pengangguran, perumahan dan kaedah mengurangkan kos sara hidup ketika pandemik.

Pada masa sama, jika nilai kepimpinan ditunjukkan sewaktu berkuasa, pengundi akan memberikan pengiktirafan sewajarnya. Namun, faktor parti, calon dan isu boleh menjadi tidak relevan jika persepsi pengundi sukar ditembusi.

Persepsi yang sudah dibina sekian lama untuk membenci sesebuah parti politik tidak memerlukan melihat ke-

pada kesungguhan parti membawa perubahan dan pengenalan calon ber-wibawa. Persepsi yang barangkali terbawa-bawa dengan informasi yang sampai kepada mereka melalui pelbagai pelantar media sosial tanpa diteliti ke-sahihannya menyebabkan persepsi sebegini rupa tertanam tanpa dicari rasionalnya.

Selain melihat kepada parti, calon, isu dan persepsi, ada pengundi yang akan melakukan ‘undi protes’ kerana calon mereka tidak dipilih atau rasa kecewa dengan parti sendiri.

Pengundi atas pagar pula akan membuat keputusan pada saat-saat akhir dengan melihat secara menyeluruh, malah membuat keputusan tidak keluar mengundi kerana kurang yakin dengan parti yang bertanding.

Jika ia adalah antara perkara yang boleh mendorong pola pengundian, bagaimana PRN Johor? Apakah ‘kesetiaan parti’ menjadi ‘penentu’ kemenangan?

Dalam politik tanah air, tidak ada musuh yang kekal. Kesemua jentera akan tertumpu di Johor dan merancakkan PRN kali ini.

* Profesor Dr Sivamurugan Pandian
Pusat Pengajian Sains Kemasyarakatan
Universiti Sains Malaysia

Polemik buka sempadan negara



DARIPADA
AKHBAR-
AKHBAR TAMIL
JAGATHESWARY NARAYANAN

Pembukaan semula sempadan negara sepenuhnya adalah antara agenda penting yang dinanti-nantikan seluruh rakyat Malaysia, di dalam dan luar negara.

Malaysia telah mengambil keputusan untuk menutup kesemua pintu sempadan antarabangsa negara sejak awal tahun 2020 susulan pengisytiharan pandemik Covid-19 bagi membendung penularan virus berbahaya itu.

Baru-baru ini, Kementerian Pelancongan, Seni dan Budaya (MOTAC) telah menyuarakan keyakinan bahawa Malaysia sudah bersiap sedia untuk membuka semula sempadan negara sepenuhnya dalam masa terdekat ini.

Menterinya, Datuk Seri Nancy Shukri telah memberi kepercayaan dengan menyatakan pembukaan semula sempadan negara bakal dilaksanakan secara berperingkat demi mengukuhkan lagi fasa pemulihan ekonomi tempatan.

Dalam usaha pembukaan semula

sempadan negara, kerajaan bercadang untuk memberi keutamaan kepada negara-negara jiran di rantau dan benua Asia.

Sebelum ini, pelaksanaan Laluan Perjalanan Lengkap Vaksin (VTL) dan Gelembung Pelancongan Antarabangsa Projek Rintis Pulau Langkawi telah berjalan lancar.

Ia secara tidak langsung menjadi pernada aras yang efektif kepada pihak kerajaan bagi mengorak langkah bijak membuka semula kesemua pintu sempadan negara, sekali gus menggalakkan kehadiran pelancong asing.

Sektor pelancongan tempatan dan antarabangsa yang telah lumpuh teruk lebih dua tahun lalu akibat krisis pandemik juga mendorong pihak kerajaan melaksanakan cadangan pembukaan semula sempadan negara agar pemulihan sektor penting itu dapat dijalankan secara berperingkat.

Dalam pada itu, MOTAC difahamkan telah menyediakan strategi dan langkah untuk jangka masa pendek serta panjang sebagai pelan tindakan sebelum pihak kerajaan melaksanakan urusan pembukaan semula sempadan negara.

Sementara itu, akbar harian Tamil, *Makkal Osai* menyambut baik keputusan pihak kerajaan dalam usaha pembukaan semula sempadan negara.



Pihak kerajaan harus memberi penentuan tempoh masa yang jelas agar rakyat tidak terpedaya dengan ura-ura mengenai pembukaan semula sempadan negara sepenuhnya.”

Bagaimanapun, *Makkal Osai* mengesyorkan agar pihak kerajaan perlu memuktamadkan tempoh masa pembukaan semula pintu sempadan negara tersebut.

Pada 8 Februari lalu, Majlis Pemulihan Negara (MPN) telah ber-setuju dengan cadangan pembukaan semula sempadan negara secara sepenuhnya tanpa keperluan kuarantin wajib pada 1 Mac depan.

Namun, syor MPN menerima respons kurang memberangsangkan daripada Perdana Menteri, Datuk Seri Ismail Sabri Yaakob.

Beliau menjelaskan bahawa pembukaan semula sempadan negara belum boleh dilaksanakan kerana memerlukan penelitian yang lanjut.

Ismail Sabri menegaskan, buat masa

ini, pembukaan semula pintu sempadan negara masih belum sesuai kerana penularan wabak Covid-19 masih berlaku.

Justeru, *Makkal Osai* meminta pihak kerajaan dan badan-badan yang bertanggungjawab untuk mengurangkan percanggahan pendapat kerana ia akan menimbulkan kekeliruan dalam kalangan rakyat jelata.

Ironinya, pihak kerajaan harus memberi penentuan tempoh masa yang jelas agar rakyat tidak terpedaya dengan ura-ura mengenai pembukaan semula sempadan negara secara sepenuhnya.

Sehubungan itu, sebelum sebarang kenyataan diumumkan, ia perlu diselaraskan dengan pandangan semua pihak terutamanya di Parlimen.

Ketidaktentuan tersebut tanpa disedari mencetus senario tiada kestabilan politik dan kekurangan solidariti tumpuk kepimpinan negara.

Isu pembukaan semula sempadan negara sedikit sebanyak menyentuh sensitiviti kelangsungan hidup rakyat di negara ini.

Oleh sebab itu, ia wajar dikendalikan dengan penuh waspada dan hati-hati supaya tidak menguris perasaan mana-mana pihak.

*Jagatheswary Narayanan
ialah penulis bebas di Johor

HSDR entiti Sastera Darul Ridzuan



LINGKARAN
SENI

ZAKI M ARIF

HSDR hasil kependekan frasa Hadiah Sastera Darul Ridzuan adalah satu entiti sastera dan persuratan negeri Perak. Ia berupa anugerah dan hadiah yang diberikan oleh kerajaan negeri kepada para penulis kreatif yang lahir atau warganegara yang lama bermastautin di Perak, pada masa sama menghasilkan karya sastera bermutu tinggi. Mereka juga mestilah telah memberikan sumbangan pemikiran dan kegiatan bagi memperkembang sastera di negeri tersebut.

HSDR terbahagi kepada dua komponen utama iaitu anugerah dan hadiah. Anugerah adalah pemberian khas kepada seseorang penulis yang telah berjasa dalam bidang sastera dan berhasil menerbitkan karya bermutu tinggi. Bagi komponen hadiah pula, karya penulis dipilih sebagai pemenang kerana karya tersebut telah mencapai tahap tertinggi mengikut keputusan panel pengadilan. Karya yang diadili termasuk genre puisi, cerpen, novel (kanak-kanak/ remaja/dewasa), biografi, autobiografi, memoir, drama (radio/ televisyen/ pentas), eseи eceran dan buku kritikan sastera.

HSDR pernah diadakan dengan pelbagai jenama. Pertama kali pada tahun 1987 disebut Anugerah Penulis-Penulis Perak Darul Ridzuan kemudian Anugerah Penulis dan Wartawan Perak (1995) manakala pada 2004 dikenali dengan nama Anugerah Sastera Negeri Perak kedua tetapi pada tahun 2014 diubah kepada Hadiah Sastera Darul Ridzuan keempat dan seterusnya HSDR5 pada tahun 2016 dan HSDR6 (2018).

Penganjuran kali ketujuh dijangka pada tahun ini harus dikekalkan konsep pemberian anugerah termasuk Anugerah Sasterawan Perak Darul Ridzuan, Anugerah Pejuang Sastera Perak Darul Ridzuan, Anugerah Karyawan Sepanjang Hayat Darul Ridzuan dan Anugerah Tokoh Keilmuan Darul Ridzuan; serta pertandingan memilih karya bermutu tinggi dalam pelbagai genre.


Ridzuan, Anugerah Karyawan Sepanjang Hayat Darul Ridzuan dan Anugerah Tokoh Keilmuan Darul Ridzuan; serta pertandingan memilih karya bermutu tinggi dalam pelbagai genre.

Sepanjang enam musim HSDR diadakan, kerajaan Perak telah memilih tiga orang pengarang kreatif sebagai Sasterawan Perak Darul Ridzuan iaitu Suhaimi Haji Muhammad (1987), Mana Sikana (2004) dan Malim Ghazali PK (2014) manakala Anugerah Pejuang Sastera Darul Ridzuan kepada Dr Zabidin Haji Ismail (2014) dan Dr Mohamad Saleeh Rahmad (2018). Bagi Anugerah Karyawan Sepanjang Hayat Darul Ridzuan penerima pertama ialah Profesor Emeritus Datuk Dr. Mohd Mansor Abdullah (2014), Profesor Emeritus Dr Muhammad Bukhari Lubis (2016) dan Baharuddin Buyong Kahar (2018) manakala Datuk Dr Afifi al-Akiti (2016) dan Profesor Emeritus Dr Abdullah Hassan (2018) menerima Anugerah Tokoh Keilmuan Darul Ridzuan.

Walaupun HSDR pertama kali diadakan pada tahun 1987 tetapi perkembangan persuratan di Perak telah bermula semenjak akhir abad ke-19. Kegiatan penulisan bertambah subur apabila sebuah akhbar yang pertama terbit dalam Negeri-Negeri Melayu Bersekutu (NNMB) dikenali sebagai Seri Perak berpusat di Taiping. Kemunculan Seri Perak telah menarik ramai cerdik pandai Melayu menulis dalam akhbar bertulisan jawi itu.

Pascamerdeka

Kepesatan perkembangan penulisan di Perak berlaku pada zaman selepas Tanah Melayu merdeka. Jika sebelum merdeka kebanyakannya penulisan penulis-penulis Perak tertumpu kepada berita dan rencana tetapi trend itu berubah selepas merdeka dengan penghasilan karya sastera kreatif seperti puisi, cerpen, skrip drama pentas, skrip drama radio dan novel. Karya mereka tidak hanya disiarkan dalam akhbar dan majalah di Perak tetapi melebar ke media cetak yang diterbitkan di Singapura, Kuala Lumpur dan Pulau Pinang. Kegiatan penulisan terus segar dengan penubuh-



Kali terakhir Hadiah Sastera Darul Ridzuan diadakan adalah pada tahun 2018.

an persatuan-persatuan penulis, sastera dan bahasa di serata daerah.

Misalnya, Lembaga Pembangunan Sastera Perak (Lepas) ditubuhkan di Kuala Kangsar pada tahun 1951, Persatuan Penulis dan Peminat Sastera Telok Anson (Pentas, 1971), Gabungan Ikatan Penulis Kinta (Gatra II, 1975), Persatuan Penulis dan Peminat Sastera Perak (Pesaka-1985), Persatuan Penulis Daerah Manjung (Pedoman-1986) dan Persatuan Karyawan Perak (Karyawan Pk) yang lahir di Teluk Intan pada tahun 1992.

Disebabkan hampir setiap daerah di Perak mempunyai persatuan penulis, timbul idea untuk membentuk sebuah badan induk bertaraf negeri bagi memayungi persatuan-persatuan peringkat daerah. Maka, tertubuhlah Ikatan Persatuan Penulis Perak (IPPP) pada 1977 dengan geran peruntukan kerajaan negeri sebanyak RM10,000. Sedekad selepas penubuhan IPPP barulah kerajaan negeri Perak menghargai kegiatan dan sumbangan para penulis Perak dengan mewujudkan Malam Anugerah Penulis-Penulis Perak pada tahun 1987 dengan menobatkan Suhaimi Muhammad sebagai Sasterawan Perak yang pertama. Selain itu, acara itu juga menganugerah sembilan hadiah peng-

hargaan kepada para penulis anak Perak mengikut kategori seperti novel, cerpen, drama, puisi, kritikan sastera dan sebagainya.

Kepercayaan

Menyedari hakikat bahawa program tersebut tidak diteruskan, Karyawan Pk mengambil inisiatif menghantar memorandum kepada kerajaan Perak supaya program penganugerahan kepada penulis-penulis Perak diadakan semula. Pada 1995 kerajaan Perak di bawah keadaan Yayasan Perak telah mengadakan program berkenaan dengan nama Anugerah Penulis dan Wartawan Perak.

Pada tahun 2004, Persatuan Penulis Bandar Raya Ipoh (Pintar) dan Majlis Bandar Raya Ipoh mengelolakan Anugerah Sastera Negeri Perak ketiga bagi pihak kerajaan negeri. Selepas itu program seumpamanya terhenti. Karyawan Pk kemudian menganjurkan Hadiah Sastera Darul Ridzuan keempat atau HSDR4 pada 2014. Bagi acara ini, Yayasan Kampung Karyawan Malim (YKKM) dilantik sebagai urus setia bagi pihak kerajaan negeri.

YKKM turut diberi kepercayaan oleh kerajaan Perak bagi mengendalikan HSDR5 (2016) dan HSDR6 (2018). Kos pengendalian dan hadiah sangat tinggi, misalnya nilai anugerah Sasterawan Perak Darul Ridzuan ketiga sebanyak RM50,000, anugerah Pejuang Sastera Darul Ridzuan pertama; RM25,000, anugerah Karyawan Sepanjang Zaman pertama menerima RM15,000 manakala anugerah Tokoh Keilmuan Darul Ridzuan pertama sebanyak RM30,000. Jumlah ini belum termasuk nilai hadiah karya pelbagai genre.

HSDR7 yang sepatutnya dianjurkan pada 2020 gagal diadakan atas sebab teknikal. Justeru Karyawan Pk proaktif mengingatkan pihak tertentu agar HSDR7 dapat diadakan walaupun dalam skala kecil.

Penerusan program ini wajar kerana HSDR merupakan entiti sastera Perak yang eksklusif sifatnya dan tersohor dalam kalangan penulis tanah air.

* M Zaki Arif ialah nama pena Dr Zabidin Haji Ismail. Beliau ialah penulis, penyunting, penerbit dan Presiden Persatuan Karyawan Perak (Karyawan Pk)



Detik bahagia, derita cinta monyet seorang penulis

Tajuk: Semesra Kasih
Pengarang: Z.A.M (Zamberi A. Malek)
Penerbit: Kayacipta
Tahun Terbit: 2021

SINOPSIS

SEMESRA Kasih sebuah catatan autobiografi Z.A.M yang nama sebenar pengarang ialah Mohd Zamberi Abd. Malek adalah seorang penulis biografi dan mantan Karyawan Tamu

Universiti Malaya dan Universiti Kebangsaan Malaysia.

Berdasar pengalaman Z.A.M ketika zaman remajanya yang terjebak dengan cinta monyet secara tidak langsung mengungkap kembali detik-detik bahagia dan derita untuk dijadikan teladan dan iktibar.

Sesungguhnya kisah Z.A.M tidak akan sama dengan kisah kita tetapi kehidupan ini perlu bersandar kepada pengalaman, justeru kisah yang dilalui Z.A.M molek dijadikan teladan dan sempadan.



PROMOSI
RM 95.40
DIREKTORI > SEMINGGU

TELUS & TULUS
Sinar
Harian sinarharian.com.my

■ 019-267 3431 AMRI
amrisinarharian@gmail.com

■ 011-1122 2848 ZULKARNAIN
zulkarnain@karangkraf.com

■ 03-5101 7398
Pejabat

Maybank 514271254025 (Sinar Karangkraf Sdn Bhd)



PERMOHONAN KEMASUKAN PELAJAR BARU TAHUN 2022

- ✓ Sekolah Menengah Aliran Dini/Agama
- ✓ Sekolah Menengah Aliran Tahfiz

Kelayakan :

- ✓ Lulus Ujian Kemasukan
- ✓ Warganegara Malaysia
- ✓ Boleh membaca Al-Quran & Menulis Jawi dengan baik

SEKOLAH MENENGAH TAHFIZ HARAPAN
Lot 3611, Jalan Haji Damansor,
Kampung Jenjarom, 42600 Jenjarom,
Kuala Langat, Selangor.
Tel/Faks (Pejabat) : 03-3191 7809
Pengetua : 013-3090 353
Email : smtharapan@yahoo.com
Blog : smtharapan.blogspot.my

Perabot / Perhiasan

(JB/KT)PLASTER CEILING/
PARTITION TENGAH
BUNGA SIAP PASANG
(BARANG+UPAH) RM 180
H/P 0197103492

KESIHATAN/KECANTIKAN

PEMULEHAN SEBENAR UNTUK LELAKI

MASAALAH ANDA
SELESAI DALAM 1 JAM
DI MANA SAJA ANDA BERADA
SILA ATUR TEMUJANJU



H.J. NORJA'E HADI
012 - 311 0499
MOHD FADZLI H.J NORJA'E
013 - 307 3230

TARIKH	TEMPAT
26, 27 Feb	Melaka
05, 06 Mac	Ipoh
12, 13 Mac	Kuantan

RUMAH DIJUAL

JOHOR
SAHAJA
ANDA INGIN
JUAL
RUMAH?

RUMAH MURAH,
PANGSA, TERAS,
DIALUKAN
Proses Laju Dan Mudah.
Servis dar A TO Z. Sila
hubungi 016-3588383
REN 28707

72990

IKLANKAN NOTIS!
Notis guaman, notis am, kontrak,
tender, tender kerajaan dan
lelong dengan kami

MEDIA POPULAR untuk segala bisnes iklaneka anda



AMBIL PERHATIAN bahawa **WILDA** (seorang warganegara Indonesia), yang dipercayai merupakan ibu kandung kepada seorang bayi, **MUHAMMAD JADEN** yang berusia 1 tahun 3 bulan sedang dicari bagi tujuan urusan pengangkatan.

Sila hubungi **NURMADZIDAH BINTI SALIM** melalui +6014-231 5273 ataupun peguamcaranya **Tetuan Tan & Khong Chambers** melalui +603-5888 9635.

03 - 5101 7398

NOTIS PERSYIHTARAN JUALAN PERINTAH JUALAN ATAS PERMITAAN PEMEGANG GADAIAN PTKS/Q/48/2021

TEMPAT : Di Pejabat Tanah Kota Setar, 05150 Alor Setar, Kedah.
TARIKH LELONG : 2 MAC 2022 jam 10.00 Paggi
HARTA : No:Hakmilik HSM 696, Lot PT 352,
Tempat Sungai Beras
BANDAR/DAERAH/NEGERI : Bandar Kuala Kedah / Kota Setar / Kedah
KELUASAN ALAMAT : 65.0321 Meter Persegi
: No. 250, Taman Bersatu, Jalan Batas Paip,
06600 Kuala Kedah, Kedah Darul Aman
PENGAGAI PEMEGANG GADAIAN : LEMBAGA PEMBIAYAAN PERUMAHAN SEKTOR AWAM
: VEERAPPAN A/L NEDERAJAH (No.K/P : 4880505)
: HARGA RIZAB : RM 140,000.00 (kepadanya berminat hendaklah mendeposit 10% daripada harga rizab keatas nama Lembaga Pembimbingan Perumahan Sektor Awam)

Untuk keterangan lanjut sila hubungi :-

Tetuan Tawfeek Badjienid & Partners
Peguambela & Peguamcarra
Tel No.: 04-7716971

Atau

Mohamad Zhilal Bin Saad
Pelelong Berlesen
H/P No. : 019-5471297

PERISYIHTARAN JUALAN LELONGAN AWAM PEJABAT TANAH KUALA MUDA, 08000 SUNGAI PETANI, KEDAH DARUL AMAN.

PTKM/Q/144/2019
TEMPAT : DI PERKARANGAN PEJABAT TANAH KUALA MUDA, 08000 SUNGAI PETANI, KEDAH DARUL AMAN.
TARIKH & MASA : 08 MAC 2022 (SELASA) JAM 10.00 PAGI.
PEGANGAN : SELAMA-LAMANYA
KAWASAN RIZAB : TIADA
HARTANAH : TAPAK RUMAH BERDERET KOS SEDERHANA HS(M) 1198/94, PT 250/15, MUKIM SUNGAI PETANI, DAERAH KUALA MUDA, NEGERI KEDAH DARUL AMAN
KELUASAN TANAH : 130.1 METER PERSEGI (1.400 KAKI PERSEGI)
HARGA REZAB : RM175,000.00
ALAMAT HARTANAH : NO. 127, JALAN ANGGERIK 5/5, BANDAR AMANJAYA, 08000 SUNGAI PETANI, KEDAH DARUL AMAN
PLAINTIF : RHB BANK BERHAD
DEFENDAN : ZAMRI NAIM BIN ISMAIL (No.K/P: 751223-02-0015)
UNTUK PERTANYAAN SILA HUBUNGKAN PELELONG AWAM ATAU PEGUAM :-

TETUAN GIBB & CO.
PEGUAMBELA & PEGUAMCARA
Suite 7A & 7B, 7th Floor, Wisma MTT, 26 WelQuay,
10300 Georgetown, Pulau Pinang
Tel No.: 04-2611877/Fax: 04-2616877
(Ruj: GC/RHB/N049/19/LO-KUALA MUDA/SH)

SHOKERI BIN ABDUL RAHIM
PELELONG AWAM BERLESEN NEGERI KEDAH
Tel : 012-482 0878 (Shoker)
Email : shoker05@yahoo.com
(Ruj Kami : AUC-PTKM-GC-RHB-SAR-2022-03)

Semuanya ada di **Sinar KLASSIFIED**

Susunan MIR AZRI SHAHRUDIN

WASHINGTON

Rusia berulang kali menafikan bahawa ia merancang untuk melakukan serangan ke atas Ukraine.

Bagaimanapun, tindak-tanduk jiran Moscow ke atas Kiev sejak hujung tahun lalu lagi telah menyebabkan terdapat maklumat perisikan bahawa ia akan melakukan serangan ketenteraan ke atas negara jirannya itu pada bila-bila masa.

Dakwaan bahawa Rusia akan melancarkan serangan itu bermula selepas imej satelit menunjukkan kehadiran ramai askarnya dan peralatan tentera di sempadan Ukraine pada November 2021.

Sehubungan itu, Presiden Amerika Syarikat (AS), Joe Biden memberikan reaksi terhadap kehadiran tentera itu dengan memberikan amaran bahawa Moscow akan dikenakan sekatan ekonomi oleh Barat jika ia menyerang Ukraine.

Rusia kemudian membentangkan senarai tuntutan keselamatannya kepada Barat termasuk meminta Pertubuhan Perjanjian Atlantik Utara (NATO) supaya menghentikan semua aktiviti ketenteraan di Eropah Timur dan negara jirannya itu.

Ia juga meminta NATO atau negara-negara bekas Kesatuan Soviet yang lain menjadi anggotanya.

Tuntutan itu masih tidak dipenuhi oleh NATO sehingga sekarang.

Pada awal Januari lalu, Biden memberi jaminan kepada Presiden Ukraine, Volodymyr Zelenskyy bahawa AS akan bertindak balas dengan tegas jika Rusia menyerang Ukraine.

Pelbagai maklumat kemudian



Parlimen Rusia meminta Putin mengiktiraf kemerdekaan Donetsk dan Lugansk di Ukraine.- AFP

tersebar tentang tarikh perperangan tersebut sehingga ia didakwa akan berlaku pada Rabu lalu tetapi perperangan yang dijangkakan itu masih belum berlaku.

Ukraine merupakan bekas anggota Kesatuan Soviet yang berfahaman komunis tetapi kini sudah berpecah dan ia pernah mengundi untuk mencapai kemerdekaan pada tahun 1991.

Setelah kejatuhan Kesatuan Soviet, NATO berkembang ke arah dunia sebelah timur dan menjadikan Estonia, Latvia dan Lithuania sebagai anggotanya.

Kesemua negara tersebut pernah menjadi anggota Kesatuan Soviet.

NATO kemudian menyatakan hasrat untuk menjadikan Ukraine menjadi anggotanya.

Namun, Ukraine menegaskan bahawa Moscow tidak dapat menghalang Kiev daripada

membina hubungan yang lebih dekat dengan NATO atau sebaliknya campur tangan dalam politik di dalam negara tersebut.

Bagaimanapun, Presiden Rusia, Vladimir Putin menganggap pengembangan keanggotaan NATO itu sebagai satu ancaman dan prospek Ukraine menyertainya sebagai satu perbuatan bersusuhan.

Putin juga sebelum ini pernah menekankan pandangannya bahawa negara itu adalah sebahagian daripada Rusia berdasarkan kepada budaya, linguistik dan politik.

Walaupun sebahagian besar penduduk yang berbahasa Rusia terdapat di timur Ukraine tetapi penduduk yang berbahasa Ukraine berada di sebelah barat negara berkenaan.



VOLODYMYR ZELENSKY



VLADIMIR PUTIN

Rayuan itu dibuat oleh Parlimen Rusia kepada Putin untuk mengiktiraf ‘Republik’ Donetsk dan Lugansk sekali gus telah meningkatkan lagi ketegangan antara Moscow dan Kiev.

Ukraine sebelum telah memerangi golongan pemisah pro-Rusia di Ukraine timur sejak tahun 2014 dalam konflik yang menyebabkan kira-kira 14,000 orang terbunuh.

Pertempuran yang dilakukan oleh para pemisah itu kemudian berkurangan sejak Perjanjian Minsk pada tahun 2014 dan 2015 ditandatangani yang mana Rusia dan Ukraine bersetuju untuk melaksanakan gencatan senjata.

Bagaimanapun, Presiden Ukraine baru-baru ini menyatakan bahawa beliau tidak menyukai kandungan dalam perjanjian Minsk itu.

Perjanjian tersebut memerlukan dialog tentang pilihan raya tempatan diadakan di dua kawasan pemisah yang disokong Rusia.

Namun, Putin telah bertindak balas dengan menyatakan bahawa tidak kira sama ada Zelenskyy menyukai rancangan itu atau tidak ia mesti dilaksanakan.

Presiden Ukraine itu pernah menjadi pelakon, pelawak dan memenangi pilihan raya Presiden pada tahun 2019 sekali gus menjadi Presiden keenam Ukraine.

Walaupun perperangan belum berlaku tetapi isu tentang perperangan masih berada pada tahap mencemaskan.- Agensi



Rusia didakwa melancarkan serangan siber ke atas bangunan kerajaan Ukraine baru-baru ini. - AFP

‘Mungkin seminggu lagi’

Biden dakwa Putin telah membuat keputusan untuk menyerang Ukraine dengan menyasarkan Kiev

WASHINGTON

Presiden Amerika Syarikat (AS), Joe Biden menaruh keyakinan bahawa Presiden Rusia, Vladimir Putin memutuskan menyerang Ukraine dalam tempoh seminggu lagi.

“Setakat ini saya yakin beliau telah membuat keputusan itu,” kata Biden dalam kenyataan dibuat di Rumah Putih.

Biden berkata, serangan tersebut mungkin berlaku dalam ‘seminggu’ atau ‘hari’ dan sasarannya termasuk ibu negara Kiev, sebuah bandar raya didiami 2.8 juta penduduk tidak ber salah.

Namun, beliau menyatakan masih tidak terlambat untuk Rusia kembali ke meja rundingan dan memberi amaran jika serangan berlaku, Putin



Biden semasa membuat ucapan di Rumah Putih, AS. - AFP

seperti sengaja menutup pintu rundingan yang diusahakan Barat.

Kremlin sebelum ini menegaskan pihaknya tidak akan menyerang negara jirannya itu.

Bagaimanapun, AS menyatakan seramai 149,000 tentera Rusia masih berada di sempadan Ukraine.

Seorang wartawan AFP yang be-

rada di sempadan Ukraine mendengar letupan dan melihat bangunan awam yang rosak di sebelah bahagian Kiev.

Dalam pada itu, seorang pegawai pertahanan AS berkata, terdapat lebih 40 peratus anggota tentera Rusia mengepung Ukraine dan mereka dilihat berada dalam kedudukan untuk berperang. - AFP

PM Thai Prayuth tidak akan akur desakan letak jawatan

BANGKOK - Perdana Menteri Thailand, Prayuth Chan-o-cha menegaskan beliau tidak berhasrat meletak jawatan meskipun anggota Parlimen pembangkang mendesaknya supaya berundur.

Pada Khamis, seorang ahli Parlimen pembangkang dari Chiang Mai, Tassanee Buranupakorn merangka surat peletakan jawatan bagi pihak Prayuth yang menyatakan ba-

hawa Perdana Menteri akan meletak jawatan kerana ‘beliau gagal mentadbir negara dalam semua aspek’.

Surat peletakan jawatan yang dirangka itu dimuat naik di Twitter pada Khamis.

Semasa perbahasan Parlimen pada Jumaat, Prayuth mengulangi bahawa beliau tidak akan meletak jawatan.

“Semalam (Sabtu), ada usaha untuk meminta saya

meletak jawatan dengan menyerahkan surat peletakan jawatan. Anda boleh menyimpannya untuk diri sendiri. Saya tidak akan berundur,” lapor *Thai PBS* memetik Prayuth.

Tahun lalu, Prayuth, bekas panglima tentera yang merampas kuasa pada 2014, menghadapi tekanan yang semakin meningkat apabila penunjuk perasaan anti-

kerajaan kembali ke jalanan menuntut beliau meletak jawatan kerana cara beliau mengendalikan krisis Covid-19 dan pelancaran vaksinasi.

Sejak kembali sebagai Perdana Menteri selepas pilihan raya umum pada 2019, Prayuth terselamat daripada sekurang-kurangnya tiga undi tidak percaya di Parlimen. - Agensi

Brad Pitt saman Angelina Jolie jual ladang anggur di Perancis

LOS ANGELES - Pelakon terkemuka Hollywood, Brad Pitt menyaman bekas isterinya, Angelina Jolie selepas menjual ladang anggur yang menjadi lokasi perkahwinan mereka tanpa persetujuannya.

Pitt dan Jolie yang juga pasangan berprofil tinggi telah membeli ladang anggur terletak di Chateau Miraval, selatan Perancis pada 2008.

Mereka pernah mengikat tali pertunungan selama enam tahun di lokasi berkenaan.

Namun, mereka memfailkan penceraian pada 2006 dan sering ‘bertelagah’ dalam mahkamah termasuk hak pen-



Angelina Jolie dan Brad Pitt. - Agensi

jagaan untuk enam anaknya.

Menurut tuntutan mahkamah yang difailkan Pitt di California pada Khamis lalu,

setujuan’. Pitt mendakwa Jolie melanggar syarat perjanjian asal mereka dengan tidak memberitahuannya untuk menjual ladang tersebut.

Difahamkan pasangan berkenaan membayar 25 juta euro (RM117 juta), dengan Pitt menyumbang 60 peratus, manakala Jolie sebanyak 40 peratus.

Pasangan itu mempunyai tiga orang anak iaitu Shiloh dan pasangan kembar, Knox serta Vivienne. Mereka juga mengambil tiga orang anak angkat iaitu Maddox, Zahara dan Pax. - AFP

Warga emas digesa suntik vaksin

JAKARTA – Presiden Indonesia, Joko Widodo atau Jokowi menggesa golongan warga emas agar mendapatkan suntikan vaksin termasuk dos penggalak bagi menangani penularan Omicron di republik tersebut.

Jokowi berkata, hampir 70 peratus kematian adalah membabitkan golongan warga emas yang tidak divaksin atau belum lengkap divaksin.

Justeru, beliau menggesa pemerintah daerah meningkatkan usaha memujuk dan mengajak warga emas serta penduduk untuk divaksin.

Indonesia melaporkan lebih 57,000 kes harian baharu tertinggi baru-baru ini ketika varian Omicron semakin menular di seluruh dunia. - Agensi

MUIS pertimbang longgar sekatan dalam masjid

SINGAPURA - Majlis Ugama Islam Singapura (MUIS) mempertimbangkan untuk melonggarkan langkah-langkah sekatan Covid-19 di republik itu seperti yang diumumkan pasukan bertindak berbilang kementerian (MTF) baru-baru ini.

Berita Mediacorp melaporkan, antara kelonggaran diberikan seperti peraturan jarak selamat di persekitaran yang memerlukan pemakaian pelitup muka bermula 25 Februari dan kelonggaran terhadap jumlah jemaah dalam acara keagamaan bermula 4 Mac.

Menurut MUIS dalam catatan Facebook pada Sabtu, pihaknya sedang bekerjasama dengan jawatankuasa masjid bagi melaksanakan dua langkah penting daripada pengumuman itu. - Agensi


Filipina tahan doktor disyaki pemimpin pemberontak

MANILA - Polis Filipina menahan seorang doktor yang disyaki pemimpin kanan kumpulan pemberontak Maoist yang telah melancarkan serangan selama berdekad-dekad terhadap pemerintahan kerajaan.

Suspek, Maria Natividad Castro, 53, ditahan tanpa jaminan dan akan dibicarakan atas tuduhan menculik. Mahkamah rendah telah mengarahkan penahanannya pada 2020.

Castro ditahan di rumahnya di Manila pada Jumaat dan didakwa menjadi sebahagian daripada jawatankuasa Parti Komunis Filipina. - AFP

Itu semua mengarut!



Maguire (kiri) masih mendapat kepercayaan mengetuai United di sebalik prestasi hambarnya musim ini.

Ralf Rangnick menafikan khabar angin tentang perebutan lilitan kapten Manchester United di antara Harry Maguire dan Cristiano Ronaldo.

Sambil menganggap ia sebagai satu berita tidak masuk akal, pengendali sementara United itu menegaskan, dia tidak pernah terfikir untuk memecat Maguire sebagai kapten.

“Saya perlu mengatakan laporan itu sama sekali mengarut. Saya tidak pernah bercakap dengan mana-mana pemain mengenai kemungkinan pertukaran kapten.

“Harry sedar sepenuhnya tentang perkara itu, begitu juga Cristiano dan pemain lain. Ia tidak pernah menjadi satu isu besar sejak saya membimbang pasukan ini.

“Saya yang memutuskan siapa yang akan bertindak sebagai kapten, jadi tiada sebab untuk saya bercakap tentang itu dengan orang lain.

“Harry merupakan kapten kami dan dia akan kekal sebagai ketua pasukan kami hingga akhir musim dan tiada apa-apa lagi untuk mengulasnya,” katanya.

Maguire dikritik hebat berikut prestasinya musim ini tat-

kala pengaruh besar Ronaldo dilaporkan telah mencetuskan masalah di bilik persalinan United.

Menurut laporan *Mirror* baru-baru ini, Rangnick telah menugaskan Ronaldo untuk membimbang barisan pemain muda selepas kecewa dengan aksi hambar Maguire.

Dalam reaksinya terhadap laporan *Mirror* itu, Maguire menyatakan laporan berkenaan tidak benar dan dia serta rakan-rakan sepasukannya tidak menghadapi masalah.

“Saya melihat banyak laporan berkenaan kelab ini yang tidak tepat. Saya tidak akan mengulasnya satu persatu tetapi saya perlu menjelaskan tentang hal ini.

“Kami tetap bersatu dan fokus untuk perlawanan hujung minggu ini,” ujar Maguire menjelang pertemuan menentang Leeds United dalam aksi Liga Perdana Inggeris (EPL) di Elland Road pada Ahad.

Maguire diberikan tugas kapten oleh bekas pengendali United, Ole Gunnar Solskjaer sejak dua tahun lalu, namun terdapat beberapa cadangan agar ia ditukar selepas kepulangan semula Ronaldo.

Kane tiada lagi dalam radar City

PENYERANG sensasi Tottenham Hotspur, Harry Kane tidak lagi menjadi keutamaan Manchester United menjelang musim perpindahan akan datang.

Pengendali City, Pep Guardiola berkata, kesukaran mendapatkan khidmat Kane sebelum ini menjadi antara punca *The Citizens* sudah tidak berminat membawa masuk penyerang England itu.

“Kami pernah cuba tetapi ia sukar dilaksanakan kerana Tottenham memang tidak mahu ia berlaku. Apabila ia berlaku dua, tiga, empat kali, ia berakhir,” katanya.

Difahamkan, Guardiola masih mencari seorang penyerang baharu pada musim panas nanti, namun penyerang berusia 28 tahun itu tidak lagi berada dalam radar City.

Pengendali kelahiran Sepanyol itu bimbang si-

tuasi sama akan menjelaskan misi mempertahankan kejuaraan mereka apabila Spurs kekal meletakkan tanda harga Kane – 160 juta pound (RM910.34 juta).

City tidak akan membayar jumlah berkenaan dan rekod 98 gol dihasilkan musim ini membuktikan kegagalan mendapatkan Kane tidak menjelaskan prestasi penyandang juara Liga Perdana Inggeris (EPL) itu.

Penggempur Borussia Dortmund, Erling Haaland kini sasaran utama City, selain pilihan untuk mendapatkan semula penyerang Argentina, Julian Alvarez.

City menandatangani pemain berusia 22 tahun itu pada harga 14 juta pound (RM76.65 juta), namun telah meminjamkannya kepada River Plate sehingga musim panas ini.



Chelsea harap Mount segera pulih

CHELSEA berharap dapat mempertaruhkan khidmat Jason Mount menjelang pertemuan menentang Liverpool dalam aksi final Piala Liga di Wembley pada 28 Februari ini.

Menurut Pengendali Chelsea, Thomas Tuchel, dia sudah tidak sabar melihat Mount kembali cergas selepas terpaksa diketepikan dalam dua aksi terakhir.

“Kami akan mempersiapkannya untuk perlawanan akhir Piala Liga. Untuk kembali menentang Lille dalam Liga Juara-Juara nampaknya masih terlalu awal.

“Tetapi kami akan berusaha keras untuk mempersiapkannya bagi perlawanan akhir itu. Dia masih sakit pada bahagian ligamen,” katanya.

Pemain antarabangsa England itu terhincut-hincut dalam aksi

babak pertama ketika Chelsea menjuarai Piala Dunia Kelab menewaskan Palmeiras 2-1 pada hujung minggu lalu.

Ia adalah penampilan ke-34 buat Mount musim ini, sebaris dengan tonggak pertahanan, Antonio Rudiger sebagai antara pemain paling kerap diturunkan Tuchel.

Prestasi Messi masih ampuh

PENGENDALI Paris Saint-Germain (PSG), Mauricio Pochettino tetap mempertahankan Lionel Messi yang dikritik susulan prestasi hambarnya ketika menentang Real Madrid di Paris pada awal pagi Rabu lalu.

Bekas bintang Barcelona itu dikecam sebahagian penyokong PSG selepas gagal menyempurnakan sepakan penalti dalam aksi pertama pusingan 16 terbaik Liga Juara-Juara.

Namun, PSG berasih baik apabila memperoleh gol melalui Kylian Mbappe pada penghujung perlawanan bagi mengesahkan kemenangan tipis 1-0.

“Messi adalah yang terbaik di dunia. Pemain seperti

dengan pengalamannya adalah satu inti pati bola sepak. Messi adalah bola sepak.

“Jika anda ingin menjelaskan kepada seseorang tentang mak-sud bola sepak, ia menujurs ke-pada Messi. Sesekali terlepas sepakan penalti tidak akan menjaskan keyakinannya.

“Jika ada yang beranggapan begitu, maka mereka tidak faham tentang sukan ini. Dia beraksi dengan baik (menentang Madrid), kami bergantung ke-pada keupayaannya,” kata Pochettino.

Dalam pada itu, Pochettino mengesahkan Neymar kini dalam persaingan merebut ke-sebelasan utama sejak meng-alami kecederaan buku lali ketika menentang Saint-Etienne pada November lalu.

“Dia telah beraksi dengan baik ketika berlatih dan dia be-gitu fokus dalam setiap peringkat pemulihannya. Ini menunjukkan komitmennya untuk kembali ke

tahap terbaiknya dan mem-bantu pasukan.

“Ketika ini kami berharap dia da-pat meng-atasi masa-lah itu. Melalui per-mainan kom-petitif, dia bo-leh mencapai tahap terbaiknya,” jelasnya.



MESSI

Piala Dunia masih jauh

Oleh SHAHRIZAL AHMAD ZAINI

Impian pengendali baharu Harimau Malaya, Kim Pan-gon membawa skuad bimbangannya ke pentas Piala Dunia suatu hari nanti dianggap bukan sesuatu yang mustahil.

Sembilan slot jadi rebutan pada Piala Dunia edisi selepas saingan di Qatar hujung tahun ini dengan kemungkinan salah satu tiket mampu dimiliki skuad Harimau Malaya.

Bagi bekas pemain kebangsaan, Datuk Jamal Nasir Ismail, beliau ‘menyambut baik’ sasaran ditetapkan pengendali dari Korea Selatan yang dianggapnya mempunyai misi dan visi jelas.

Bagaimanapun, Jamal Nasir lebih gemar ‘berpijak di bumi nyata’ dengan berharap Harimau Malaya mampu kembali ‘menggaum’ di pentas Asia terlebih dahulu.

“Untuk layak ke Sukan Olimpik pun dah cukup susah, jadi sekarang kena fikir di (peringkat) Asia Tenggara pun (kita) tak lepas, nak cerita Piala Dunia, memang



PAN-GON

sasaran itu terlalu jauh buat masa ini.

“Dia (Pan-gon) orang luar dan baru datang ke sini, tentu dia nak kagumkan kita dengan matlamat atau visi dia. Itu tak salah, cuma bagi saya terlalu awal untuk kita bercerita tentang Piala Dunia.

“Berjaya atau tidak, kita tengok dalam tempoh dua tahun ini. Jika dapat ‘lawan’

gergesi Asia seperti Iran, Iraq, Korea Selatan mahupun Jepun, baru boleh cerita ke Piala Dunia,” katanya kepada *Sukan Sinar* pada Sabtu.

Dalam sidang akhbar pertamanya pada Khamis lalu, Pan-gon seakan-akan memberi gambaran misinya untuk membawa Harimau Malaya beraksi di pentas Piala Dunia suatu hari nanti.

Bagaimanapun, Pan-gon menegaskan dia perlu membina asas yang kukuh terlebih dahulu termasuk membantu dari aspek pembangunan pemain muda.

Mengulas lanjut, Jamal Nasir berkata, banyak ‘kerja rumah’ yang perlu dilakukan Pan-gon dalam usahanya memperbaiki semula reputasi Harimau Malaya.

“Apa yang saya katakan ini adalah mengikut fakta, bukan kerana tak suka. Saya memang suka kalau Pan-gon mampu bawa skuad kebangsaan kita ke Piala Dunia.

“Tetapi buat masa ini, biarlah kita bercakap dalam suasana bola sepak Malaysia. Masih banyak yang perlu diperkemas sebelum kita mampu kembali setanding gergesi Asia,” jelasnya.

Siti Nurshuhaini pikat hati Choong Hann

PERSEORANGAN muda wanita negara, Siti Nurshuhaini Azman disifatkan sebagai pemain paling menyeronthak pada Kejohanan Badminton Berpasukan Asia (BATC) 2022.

Pengarah Kejurulatihan Perseorangan Persatuan Badminton Malaysia (BAM), Wong Choong Hann mengakui sangat mengagumi kesungguhan pemain ranking ke-311 dunia itu sepanjang kejohanan kali ini.

Namun, beliau memberitahu, masih terdapat banyak ruang yang perlu diperbaiki pemain berusia 17 tahun itu

terutama dari segi pendekatan taktikal dan kemahiran di gelanggang untuk menjadi pemain yang baik.

“Saya rasa Siti Nurshuhaini mempunyai kekuatan dari segi bentuk badan, namun dia perlu tingkatkan kemahiran supaya mempunyai pilihan taktikal atau ‘game plan’ ketika bermain di gelanggang.

“Kawalan gelanggang memang bagus, tetapi dia perlu menambah baik dari segi mencari mata,” katanya ketika ditemui selepas Malaysia tewas 0-3 kepada Korea Selatan di peringkat separuh akhir BATC 2022 pada Sabtu.

Mengulas kekalahan kepada Korea Selatan, Choong Hann tetap memberikan pujian kepada anak-anak buahnya yang disifatkannya beraksi baik pada kejohanan kali ini.

“Kita tewas kepada pasukan yang lebih baik. Jurang antara Malaysia dan Korea masih besar tetapi pemain-pemain telah menunjukkan mutu permainan yang baik.

“Saya percaya mereka boleh pamer cabaran lebih sengit pada masa depan apabila barisan jurulatih meningkatkan intensiti latihan,” ujarnya.

LHM 2022: THT laung amaran awal



FOTO: FB MHC

Barisan pemain dan pegawai THT meraikan kejayaan menjuarai Piala Sumbangsih di Stadium Hoki Nasional, Bukit Jalil pada Jumaat.

nampak lebih menyeronthak.

“Sudah pasti kami mahu memungut mata penuh dalam setiap perlawanan. Tetapi itu semua hanya boleh dilakukan jika setiap pemain kekal fokus,” katanya kepada pemberita.

Dalam aksi Piala Sumbangsih di Stadium Hoki Nasional, Bukit Jalil pada Jumaat, THT yang kini dilabel pasukan

pilihan selepas ketidaaan UniKL meraih kemenangan 3-2 ke atas TNB.

Penyerang kebangsaan, Faizal Saari menyumbang dua gol awal THT sebelum Muhamad Arif Syafie meledak gol ketiga.

TNB bangkit dengan dua gol menerusi Muhamad Najib Abu Hassan, namun ia sudah terlambat untuk menafikan kemenangan THT.

Skuad B-23 negara dirombak

SKUAD Bawah 23 (B-23) tahun negara akan dirombak menjelang pertemuan kedua menentang Laos dalam aksi Kumpulan B Kejuaraan AFF 2022 di Stadium Nasional Morodok Techno, Phnom Penh pada Isnin ini.

Menurut pengendali skuad B-23 negara, Brad Maloney, beliau akan melakukan pertukaran empat hingga lima pemain dalam misi memburu kemenangan ke atas Laos nanti.

Maloney mengakui terdapat kepincangan dalam skuad kendaliannya itu yang menyaksikan mereka tewas 1-2 kepada Laos dalam aksi pembukaan Kumpulan B pada Jumaat.

“Rombakan ini diharap dapat merasakan objektif sebenar skuad B-23 negara dengan memberikan pendedahan kepada seramai mungkin pemain.

“Secara keseluruhannya, kami perlu teruskan dengan matlamat asal iaitu memberikan pendedahan kepada seberapa ramai pemain untuk beraksi.

“Kami mahu menjadikan Kejuaraan AFF kali ini sebagai proses pembelajaran buat pemain, selain membantu membina keyakinan diri mereka,” katanya dalam sidang akhbar secara maya di Kemboja pada Sabtu.

Skuad B-23 negara kini berdepan ujian getir dalam misi menjuarai Kumpulan B selepas tewas mengejut kepada Laos yang dianggap pasukan bukan pilihan pada edisi kali ini.

Bagaimanapun, mereka berpeluang membala dendam kekalahan itu apabila sekali lagi bakal membuat perhitungan dengan Laos pada Isnin.

Pada Khamis, Persekutuan Bola Sepak ASEAN (AFF) memutuskan dua aksi dijalankan antara kedua-dua pasukan susulan penarikan diri Indonesia dan Maynmar.

Penarikan diri Indonesia dan Myanmar itu menyebabkan AFF membuat keputusan juara Kumpulan B hanya boleh ditentukan selepas Malaysia dan Laos beraksi dua perlawanan.

Mengulas kekalahan kepada Laos pada Jumaat, Maloney berkata, kegagalan anak-anak buahnya menterjemahkan peluang yang ada menjadi antara punca mereka terpaksa berputus mata.

“Para pemain juga seolah-olah seperti hilang punca pada separuh masa kedua sehingga memberi peluang kepada Laos untuk bangkit selepas ketenggalan pada babak pertama.

“Kami kehilangan arah pada separuh masa kedua, selain melakukan beberapa kesilapan mudah di kawasan berbahaya terutamanya apabila kami melepaskan gol kedua.

“Kekalahan ini pastinya memberi pengajaran bermakna buat pasukan. Kami tidak boleh lagi mengulangi kesilapan sama pada perlawanan kedua nanti,” jelasnya.

PASUKAN Hoki Terengganu (THT) melaungkan amaran awal selepas menuarai Piala Sumbangsih yang menjadi aksi pemuka tirai Liga Hoki Malaysia (LHM) 2022 pada Jumaat.

Pengendali THT, Roslan Jamaluddin berkata, barisan pemainnya kini semakin bersemangat dalam misi memburu kejuaraan liga, selain Piala TNB.

Menurut Roslan, kejayaan meneumbangkan TNB dalam aksi Piala Sumbangsih memberi keyakinan awal kepada mereka untuk meneruskan rentak konsisten musim ini.

“Ia sememangnya permulaan yang bagus dan kami memperoleh tiga mata pertama. Selepas ini, fokus kami terarah kepada saingan liga.

“Kami perlu mempamerkan aksi lebih konsisten terutamanya apabila bertemu pasukan seperti TNB dan Maybank yang

Sukan Sinar

AKSI / BERITA / TERKINI
sinarharian.com.my

Skuad lelaki, wanita alami nasib berbeza

NASIB berbeza dialami skuad lelaki dan wanita negara pada Kejohanan Badminton Berpasukan Asia (BATC) 2022 dalam aksi separuh akhir di Pusat Konvensyen Setia City, Shah Alam.

Skuad lelaki negara yang diketuai jaguh perseorangan lelaki, Lee Zii Jia berjaya melangkah ke pentas final selepas mengalahkan Korea Selatan 3-0 pada Sabtu.

Kemenangan itu sekali gus menebus kekecewaan skuad wanita negara yang terlebih dahulu gagal menyambar tiket final apabila kecundang 0-3 di tangan

Korea Selatan.

Korea Selatan meraih mata pertama menerusi kemenangan Sim Yujin ke atas S Kisona 21-16, 21-17 sebelum beregu negara, Pearly Tan-Valeree Siew tewas 15-21, 14-21 kepada gandingan Baek Ha Na-Seong Seung Yeon.

Perjuangan skuad wanita negara pada BATC 2022 berakhiri apabila pemain perseorangan kedua, Siti Nurshuhaini Azman tewas 11-21, 21-15, 13-21 kepada Lee Se Yeon.



Siti Nurshuhaini tumbang dalam aksi perseorangan kedua kepada Se Yeon pada Sabtu.

39

TAWAN ASIA DULU



Tindakan pengendali baharu Harimau Mala, Kim Pan-gon meletakkan sasaran layak ke pentas Piala Dunia suatu hari nanti sebagai sesuatu yang harus dipandang dari sudut positif.

Sambil menganggap ia satu sasaran baik, bekas pemain kebangsaan, Datuk Jamal Nasir Ismail berkata, Pan-gon sudah mempunyai misi dan visi yang jelas dalam membimbing Harimau Mala.

39

Begitupun, Jamal Nasir yang juga anggota skuad negara yang melayakkan diri ke Sukan Olimpik 1980 di Moscow, Rusia berpandangan Harimau Mala harus terlebih dahulu menawan rantau Asia.

“Biarlah kita bercakap di bumi yang nyata. Bukan saya mahu memperkecilkan kemampuan Malaysia tetapi sebaik-baiknya biar dulu kita melepas Asia termasuk Asia Tenggara,” katanya kepada *Sukan Sinar* pada Sabtu.

